

S P E A K E R : Tihnuam tak leh thuawih taka
in awm chuan, in rama thil
thate hi in ei ang! Nimahsela
in duh lohva in hel chuan,
kandaihin a ei zo vang che u.

Isaia 1:19&20

OBITUARY :-

Pu Zoramthanga to make refer-
ences on the demise of Dr. Shankar Dayal Sharma, former
President of India, and Shrimati Geeta Mukherjee, Freedom
Fighter.

PU ZORAMTHANGA : Pu Speaker, kan ram miropui
CHIEF MINISTER te nunna chan ta te sunna
obituary reference nei turin
sawm ka ni hi lawmawm ka ti
hle a.

Vawiinah hian mi pahnih obi-
tuary-ah hian han tarlan ka duh a. Mi tam tak pawimawh
tak takte pawh an awm a. Amaherawhchu, a pawimawh zual
engemaw kan thlan loh chuan a pawimawh tam tak kan ti
seng lo anga. Chung pahnihte zinga pakhat chu Pi Geeta
Mukherjee, M.P. nilai a ni.

Pi Geeta Mukherjee, India
Zalenna sualtu (Freedom Fighter) te zinga tel leh, tuna
Lok Sabha Member nilai mek chu, Heart Attack-in ni 14,
March, 2000 zinglam dar 1:10 A.M. khan New Delhi hmunah
a boral a, kum 76 a upa a ni.

Pi Geeta Mukherjee hi pu
Prafulla Kumar Roy Chowdhuri fanu niin, 1924 January 8
khan Calcutta (West Bengal) hmunah a piang a. Kum 1942
November khan a pasal atan pu Shri Biswath Mukherjee a
nei a. Zirna lamah chuan Ashutosh College, Calcutta Uni-
versity atangin B.A. tha takin a passed a. Lehkha a zir-
lai kum 1939 atang tawh khan Communist Party of India (C.P.I)
ah hian inhnawihna a nei tan a ni.

Tichuan, 1946-ah C.P.I State
Committee member a ni a, 1946-51-ah Bengal Provincial
Students Federation-ah General Secretary hna a vuan a,
1958-ah Secretary Member Women's International Democratic
Federation Berlin a ni a. Kum 1965-ah Executive Member
National Federation of Indian Women a ni bawk a. Tin,
Press Council-ah member a nih bakah, National Federation
of Women-ah Vice President hna chelh lai a ni.

Tin, Pi Geeta Mukherjee hi
kum 1967-77 chhung khan West Bengal Legislative Assembly
ah Member-a thlantlin a ni a. Kum 1978 atanga a thih ni
thlengin National Council C.P.I-ah Member pakhat a ni.

Kum 1980 7th Lok Sabha Election khan West Bengal atangin Lok Sabha Member atan thlantlin a ni a, Lok Sabha Election apianga tling chho zelin a thih ni thleng hian Lok Sabha Member niin a senior ber a ni. March 4, 2000 7:10AM khan New Delhi-a a chennaah Heart Attack-in a boral a, a ruang hi Delhi atangin Calcutta-ah lak a ni.

Hetianga ram hruaitu ropui leh Freedom Fighter, Politics-ah pawh mi hmingthang, ram rawngbawltu, vantlang tana in pe a, theihtawpa hmeichhiate tana hma la tu kan chan hi ram hian kan chan ropui em em a. Amah kan hriatrengna leh sunna kan entir hi kan tihtur dik tak niin ka hria.

Tin, a pahnihaah chuan kan President hlui Dr. Shankar Dayal Sharma, 9th President of India, lung lam that lohna avanga boral kha kan sawi leh duh a. Dr. Shankar Dayal Sharma hi a thihni tak chu 26. 12.1999 kha a ni a. Private Hospital-ah boralin kum 81 mi a ni.

Tin, a ni hi Kushi Lal leh Pi Subhadra te fapa niin kum 1918 ah Bhopal Madhya Pradesh ah khuan 19th August khan a lo piang a. Tin, Pi Vimala nen an innei a, fapa pahnih leh fanu pahnih an nei a.

Tin, zirna lamah hian M.A. L.L.M., Ph.D., Bar at Law, DPA, FRAS a ni. Mithiam tak tak a tling a. Hetiang kan chan hi a uiawm tak tak a. Politics a a luh hian a hlawhtling hle a. 1952-'57 inkar khan naupang te niin, Bhopal State Chief Minister a ni nghe nghe a. Tichuan, 1956-'57 inkarah khan Madhya Pradesh Government ah Cabinet Minister a ni a, 1967-'68 ah General Secretary, All India Congress Committee a ni a. Tichuan, 1968-'77 inkar khan Indian National Congress ah President a ni nghe nghe a. Tichuan, 1972-'74 inkarah khan Lok Sabha Member a ni a. 1974-'77 inkarah khan Minister Communication mawhpurnna lain, Central ah a ni nghe nghe a ni. Tichuan, 1984 August ni 27 ah khan Andhra Pradesh Governor atan ruat a ni a. 1987 khan India Vice President atan thlantlin a ni leh a. Tichuan, 1992 July ni 16 khan India President pakua-na atan thlantlin a ni a. Tichuan, 1992 July ni 25 khan President Office ah thutiam na a nei nghe nghe a. Tichuan, Pu Sharma hi ama taksa hrisellohnain a tlakbuak a, lung lam thatlohnate neiin Delhi Private Hospital-ah 9th October, 1999 khan admit a ni a. Tichuan, chu natna avang chuan ni 26.12.1999 zan dar 10:35 khan min lo boral san ta a ni.

Hetianga kan President ber, ram hruaitu lo ni tawh, mithiam tawp kan neihte zing ami, Politics-ah ram tana contribution ropui tak mai nei kan chan ta hi ramin kan chan nasa em em a. Chuvangin, kan uina, amah hriatrengna leh kan sunna hi tih ngei tur niin kan hria a. Heng mite pahnih hi vawinah obituary reference atan kan hriattlan atan leh kan zahna leh chawimawina entir theih nan, an chanchin ka rawn sawi a ni e. Ka lawm e.

PU LALHMINGTHANGA :

Pu Speaker, kan Chief Minister duhawn tak thusawi kha han belh ve ka duh a. Belh tur tehchiam pawh a awm

lova, mahse, hei kan programme-ah hian an rawn tarchhuak a. Heng ram tana mi tangkai elkhen Dr. Shankar Dayal Sharma, kan hriat tak anga India President nihnate leh hmun pawimawh tak lo chelh tawh kan lo chan ta hi, ram pumpui tan mi uihawn leh channa lungchhiatthlak tak a tling a. Mizoram tan pawh a ni a. Tum hnih chu mimal ang pawhin ani hi ka hmu ve a. President anih lai khan. Tin, India rama hnam hnufualte tana thahnemngai mi leh President anihna ang pawha ram pum tana rawng a bawl bakah hnam hnufualte tana thahnemngai taka a hun chung zawnga bawltu a nihna lai hi keini State angte tan chuan uihawn zualna a ni. Kum 81 lai pathianin a nunna a pawt sei a, mahse, lung lampang natna avanga a lo borat ta hi a kalsan tak a chhngkhatte kan tuarpui a, Zoram leh he rorelna hian kan tuar a ni tih ka sawi duh a.

Tin, pi Geeta Mukherjee hi chu a mimalin kei ka hre tlem a, Kan House Leader sawi kha a kimchang bawh a. Kan hriat ve a hi chu News Paper leh Chanchinah te an rawn sawi a. Chungah chuan Freedom fighter ropui tak leh India mipui leh a bik takin India rama hmeichhia te tan nasa taka hmeichhe dinhmun chawikang tura hma latu anih te kha kan lo hre ve a. Hetiang ang mi ropui te ram leh hnam tana lo thawk leh, abikin zalenna sualchhuaktu kan chan ta hi uiawm kan ti a. Hei ram pum tan leh Mizoram tan pawha chhngkua a kalsan tak zawng zawngte kan tuarpui a ni tihte kan sawilang duh a ni e. Ka lawm e.

PU ZAKHU HLYCHHO :

Pu Speaker, Dr Shankar Dayal Sharma mithiam leh ropui kan chan ta hi India ram tan channa ropui tak ani tih ka

sawi duh a. Tin, amah hi hrechiang lo mah ila Vice President anih lai khan a hmaah interview neiin wawikhat ka kal tawh a. Ka wawikhat hmuhna atangin mi nelawm tak leh mi inggaitlawm tak niin ka hria. Kan House Leader in a sawi tak ang khan India ramah chuan record a tling hial awm mange ka ti hial a ni. Kum 34 mi niin Chief Minister Bhopal ah a ni pha daih tawh a. Amah kan chan ta hi Congress Party tan pheih chuan channa ropui tak niin ka hria. Amah hi All India Congress President te, General Secretary te lo chelh tawh anih avangin kan party tan chuan channa ropui tak a tling a ni. Chuvangin, he vanduaina ah hian kei leh ka thawpui te chuan kan thilung zawng zawngin a chung te kan tuarpui takzet ani tih House ah hian ka sawilang duh a.

Tin, pi Geeta Mukherjee hi kan House Leader sawi ang khan hmeichhe ropui tak India zalenna sualtu zinga mi a ni a. Amah ang hmeichhia hi an vang viau in ka ring a. A chanchin parliament a an sawi kha ka ngai-thla ve a, amah hi Women Reservation Bill, parliament a an buaipui mekah pawh hian champion pui tuma hma nasa taka latu a ni tihte pawh sawilan a ni nghe nghe a. Amah ang hi India ram hmeichhia ah hian an van viau ka ring hial a, chutiang ang hmeichhe ropui tak, India zalenna sualtu leh India rama hmeichhe tana theihtawp chhuahtu kan chan hi a uiawm takzet a. Hetiang hi kan thinlung zawng zawngin kei leh ka thawhpui ten kan sun a channa ropui tak a tling a ni tih ka sawi duh a ni. Ka lawm e.

S P E A K E R : Sawi duh dang kan la awm em ?
Kan awm tawh lo anih chuan
heng miropui tak takte pahnih
sun nan hian ngawi rengin

minute 1 ilo ding ang u.

Tunah chuan question kan la tawh mai anga. Hei question hour hi darkar khat a ni a. Member ten a hun dik tak min vawnpui ka ngen che u a. Tunah starred question no. 1 zawt turin Pu Lalhmingshanga ilo sawm ang.

PU LALHMINGSHANGA : Pu Speaker, ka lawm e. Ka
zawhna starred question no.1
hi Health Minister in min chhan
atan hetiang hi a ni ka zawhna

chu :-

- (a) Guwahati Neurological Centre ah leh Tata Cancer Institute Bombay ah te hian credit facilities Mizoram Sorkar atanga patient refer te tan an phal tawh lo tih hi a dik em ?
- (b) Nise a chhan leh vang engnge ni ?

S P E A K E R : Chhang turin pu Lalchamliana
Minister, Health & Family
Welfare i lo sawm ang.

PU LALCHAMLIANA :
MINISTER

Pu Speaker, ka lawm e.
Starred question no.1 na
chhanna chu hetiang hi a ni:-

- (a) A zawhna kha kan sawi nawn anga. Guwahati Neurological Centre ah leh Tata Cancer Institute Bombay ah te hian credit facilities Zoram Sorkar atanga patient refer te tan an phal tawh lo tih hi a dik em ? tih a ni a. A chhanna chu- Mizoram Sorkar atanga patient refer te tan credit facilities hi Guwahati Neurological Research Centre chuan an phal tawh lova. Tata Memorial Hospital Mumbai atang chuan credit facilities phal lohna engmah hmuh a la nilo tih a ni.
- (b) A zawhna-Dik nise a chhan leh vang engnge tih a ni a. A chhanna chu Guwahati Neurological Research Centre atanga credit facilities tihtawp anih chhan min hriattir dan chuan, an Hospital enkawl na tur hian loan tam tak an la a, chung chu ruh hmanhmawh tura hriattir an nih avangin Mizoram chauh nilovin hnathawhna hmun hrang hrang a mi leh Central hnuai Office hrang hrang thawkte a ba a damlo enkawl chhonzawm harsa an ti ta rih a ni.

PU LALHMINGTHANGA :

Pu Speaker, tuna kan Minister zahawm takin a min rawn chhanna ah Khan, Guwahati Neurological Centre ami tena a ba a damlo

lo enkawl te tan awlsamna siam thin an tihtawp nachhan a rawn sawiah khan, khu Hospital khu loan la a, sak leh khu-tianga buatsaih anih vang a ni a ti a. Kha kha phat rual phe chu a nilova, kan hre theuh a. Kum sawm aia tam a ding tawh a, a din tirh atangin Board siam a khu khu loan la a Bank atanga Hospital tha taka siam chho anni a. Amah-erawh chu, a hmalam zang zang khan hetiang an harsatna hi Mizoram Sorkar tan emaw an rawn sawi ngai lo. Nikum hmasa khan keipawh khutah ka zu kal ve zawk a refer case in. Chuta an lo sawi chu, "Mizoram Sorkar hian Bill a ba nasa lutuk a, Department hrang hrang atanga refer case a rawn kal te hi. Chuvang chuanin, hei hi in pek tlak vat vat loh chuan credit facilities hi kan titawp thuai dawn ani", tih hi ka hnenah ngeian Administrative Officer te leh khutilaia min lo buatsaihtute pawh khan an sawi a. Tichuan tunah hian department hrang hrangah hemi Neurological Centre ah si hian leiba engzat nge kan neih ? chu chu kan Minister zahawm tak khan chhang turin kan phut a.

Tin, a dawt lehah chuan hemi ka zawhna siam hi 15 clear days hma a ka rawn siam kha a ni a. Hemi chhunga information ka lak kualna ah chuan entirnan hemi Neurological Centre mai nilo hian Calcutta Nightingale te, Kothari Hospital te leh mi dang dang hmun hrang hrang a refer case kan pekna te pawh hian leiba a tam lutuk avangin, credit facilities hi Mizoram tan an titawp tih hi kan dawng hnem em em a. Chu chu engzat chiah nge hetiang refer case chungchangah hian Zoram hian pending ba a neih ? Tin, tunah hian Treasury ah chutiang bill lut mek pass theih loh engzat nge awm tih kan zawh belh e.

PU C.SANGZUALA : pu Speaker, zawh belhna. Khang credit nasa tak kha engtik hunlai leh tute Sorkar lai a lo awange? Tin, khang leiba clear tur khan kan sorkar hian engemaw ruahman na a nei em? Ka lawm e.

PU H.LALTANPUIA : pu Speaker, tun kum Christmas dawn hnaih khan damlo hruiin Calcutta ah ka kal a, chuan Mizoram Sorkar Medical Board in Assembly of God Hospital Calcutta ah min refer a. Amah-erawhchu, kan zuk thleng a, Assembly of God Hospital hotute chuan Mizoram Sorkar nen engmah Memorandum of Understanding emaw hetiang a inzawmna kan neilo min lo tih sak a. A zah-thlak angreng duh viau a ni.

Tin, damlo na tak keng ka ni a. Tiang khan Calcutta khaw lumah ka damlo ken a pawh chu an Casualty-ah pawh chuan mut duh lovin, Bathlahah min dah a. Doctor-te pawh min enduhlo a. Chutiang ang tak chuan Mizoram Sorkar leh Assembly of God Hospital hian Memorandum of Understanding emaw engemaw inremna neilo hian A.G.Hospital ah hian refer case-a hi min risk thlak sak ngawt em ni tih kha kan zawt duh a.

Tin, chulo lelah chuan nichina kan zawhna neitupain a sawi ang khan Birla Heart Institute ah te Kothri Medical Centre-ah te khatiang khan leiba tam tak kan neih avangin kan damlo harsatna tawh ten manganna a hmun an thlen khuan an nei nasa em em a. Heng hi an manganna, damlote helaia refer case-a kal tawh si, Medical Board-in an approved tawh si, a hmun an thlenin damlo ten harsatna an tawh nasa a ni tih hi kan Sorkar hian a hria em? tih hi ka han zawt belh duh a ni e.

PU ZAKHU HLYCHHO : pu Speaker, kan hnung kar khan Calcutta Nightingale-ah ka u ka zuk kalpui a. Mizoram Sorkar Credit Card kengin kan kal ve a. Mahse, Nightingale kan thlenin Credit Card hi tihtawp a ni an ti ta mai a. Tichuan harsa chung chungin mahniin kan inenkawl chho ta a. Mizoram Sorkar hian Nightingale-ah khuan engzatnge a lo bat a, engnge ni kan pek theihlohna chhan tih kha ka han zawt duh a. Kan aia harsa te pawh khatiang kha an tawh ve thei in ka ring a. Chuvangin, Credit Card hi a Hospital lam ten an lo phal siloh chuan kal sual a awl dawn hlein ka hria a. Chungte chu kan Sorkar hian an lo enfiah thei angem? Midangten harsatna an tawh loh nan tih kha kan zawt duh a ni.

PU NIRUPAM CHAKMA : Pu Speaker, khumi Nightingale leh Guwahati Neurolo-gical ah khuan kan Sorkarin bill engmah a pe lo em ni ? tih kha ka han zawt duh a ni.

S P E A K E R : Zawhna dang a la awm em ? khawikhawm law law ang. A awmluh chuan Pu Lalchamliana chhang turin i lo sawm ang.

PU LALCHAMLIANA : Pu Speaker, zawhbelhna kha MINISTER a tam deuhva, ka chhang kimlo a nih pavn min lo hrethiam sela. Hun engemaw chen atang tawh khan damlote hi Credit system-in damlo te hi kan enkawl thin a. Amaherawhchu, Bill pek chung-changah hian Health Department hi mawhphurtu a ni lova. An Department hnuai an damlote, thawntu Department-te theuh kha, a mawhphurtu an ni.

Tin, nichina kan ngaihthlak tawh ang khan Guwahati Neurological Research Centre khu, Loan chihrang hrangte leh Sorkar tanpuina tea din an ni a. Tun hnai maiah pawh khan an Damdawi In tihchangkana atan khan IDDI leh Moxi atangin Crore 18 lai an la a. Chungte chuan regular taka an leiba kha a interest-te nen a rul tura an tih si avang khan ni 1.2.2000 khan Director-in, Chairman-cum-Managing Director, G&ARC khan Mizoram Sorkarah lehkha a rawn thawn a. Helaiah hian tihsual palh a awm ta a, chu chu different organisations-ina kan Institution-a an leibat hi lakh150 a ni tih hi, Chuvang chuan kan harsa em em a, chuvang chuan credit facilities hi kan titawp lo thei lo a ni an ti a. Chu chu Chanchinbu thenkhatah pawh a lo chhuak a. Entirnan local daily, Vanglaini-ah chuan "Mizoram Sorkarin nuai 150 a bat avangin Guwahati-a Neurological Research Centre-in Credit Society a titawp e" tih kha a lo chhuak ta a.

Amaherawhchu, khami hnu lawkah khan thil diklo a ni tih khami Centre-a miten an lo hriat khan Vanglaini-ah pawh a tihdikna an rawn siam ta a. Different Organisations tiha kha Mizoram Sorkar tih nia ngaih palh khawilaiah emaw a lo awm avangin khatiang ang khan ba tam angin kan lang ta a.

Amaherawhchu, wawiinniah, March ni 12-a Deputy General Manager, Administration-in min hrih dan chuan, Mizoram Sorkarin G&ARC-a a bat khu nuai 40 a ni. Chu chu G&ARC biakah chuan a ni a. An loan lak hrim hrim vang ni lovin, loan la an tam a, an loan lak a kha an loan laknate khan rul thuai thuai tura an phut avang khan an ti ta a ni.

Tin, vawiinniah hian information kan nei kim chiah lova. Amaherawhchu, ni 29.2.2000 thleng, a hminga India ram Hospital hrang hranga leiba kan neihte chu hetiang hi a ni a. Birla Heart Research Centre, Calcutta-ah 4,02,713 a ni a. Tin, Tata Memorial Cancer Hospital, Bombay-ah 1,67,753 a ni a. Christian Medical and College Hospital, Vellore-ah Rs.44,302.29p a ni a. Guwahati Neuro Research Centre-ah hian nuai 40 a ni. Tin, Downtown Hospital, Guwahati-ah Rs.13,07,630 a ni a. Vawiinnia kan hriat theih chin a khatiang credit facilities avanga Hospital hrang hranga leiba awmte hi 95,46,698.29p an ni.

Tin, Treasury-ah bill tang engzat nge hetiang hi information ka neih loh avangin ka chhang mai thei lova, engemaw zat chu a awm thei turah ka ngai a ni. Tin, credit system-a kal kan phal rau rau a nih hi chuan leiba hi a awm lo thei lo. A chhan chu, Sorkar kalphungah quarterly-in LOC release thin a ni a. bill a lo thlen yeleh hian Department-te hian pe duh mahsela, an pe nghal mai thei lova, LOC-te an neih te te a ngai thin a ni. Tin, member zahawm tak pu C.Sangzuala zawhna kha credit nasa hi eng hunlai ami nge, engnge ruahmanna a awm em ? tih a ni a. Hei hi a hun a rei tawh em mai a, kan zawt thin a, eng hunlai ami nge, engtik atanga intan nge tih kha a hriat hleih theih loh a ni. Chuvangin, hun rei tawh tak atang khan credit system hi kan Sorkar hmasate khan loh theih lohva ngaiin an lo ti tawh a. Hei hi Department lam hotuten min hrih dan chuan, danah chuan credit system-a kal theih loh a ni. Medical attendance rules-a awm a. Chutah chuan TA/DA leh Advance engemawzat in pek theihna dan a awm a, mahse, tunhma atanga lo hman tawh a ni a, tun maia han hlih hi a hreh-awm viau a ni an ti a.

A bi ktakin, Health Directorate amite phei chuan, staff-te hnenah, "credit system hi hmang lo hram hram turin kan ngen che u a ni" tiin circular-te an chhuah tawh nghe nghe a ni. Amaherawhchu, hei hi Sorkar pawhin a hria a, hrehawm a ti khawp mai. Tin, kan Secretary-te January 24-a an meeting pawh khan hetiang credit facilities damlote tana kan pek avang hian Mizoram Sorkar tan financial burden nasa tak a thlen phah anih hi an ti nghe nghe a. Hei hi ennawn turin G.A.D. kutah an dah mek nghe nghe a ni. Tin, kan leiba hrim hrim hi engtingge kan rulh tlak theih ang, a zavaia kan rulh loh pawhin hei hi Department tinah an bat zat theuh hi collect a, pawisa an neih hmasak theih anga pe tura tih hi a tha lawm ni tih hi ngaihtuah mek a ni.

Tin, Suangpuilawn bialtu pu Lal-tanpuia han sawi kha a dik ngeiin ka ring a, khatiang thil kha a lo thleng anih chuan kan Medical Board ten tihsual palh an nei em ni aw ka ti a. A Chhan chu, Medical case refer tur hian Sorkar damdawiin bakah Private Damdawi In te Sorkar hian approved a nei a, approved lohah an lo in kal tir palh anih chuan tihsual palh anih a rinawm a. Hriat-thianna kan ngen sak a, a pawihle a ni.

Tin, Member zahawm tak pu zakhu khan "Nightingale-ah credit tihtawp min lo tih san si a" a tih kha, khatiang kha an kal hnuah a lo thleng anih chuan a pawikan ti hle a. Mahse, wawiinni thleng hien Sorkar chuan credit tihtawp anih thu lekha a la dawng lo. Tin, an bat zat hi kan hre famkim rih lova, tunah hian Sorkar angin engzatnge kan bat Department hrang hrang hian i en chhuak vek ang u, tiin hma kan la mek a ni.

Tin, a tawpberah pu Nirupam rawn sawi Nightingale kha chu kan chhang zovah ngai ila. GNRC-ah hian nuai 40, ni 12.3.2000-ah chuan in ba e tiin an Deputy Manager khan min hrilh a. Chu chu wawinnia kan bat zat niin kan hre rih a. Chu chu a remchang apiang ah pek zel a ni a, a changin san deuh chang a awm a, a changa tlakhniam deuh chang a awm thin a ni. Ka lawm e.

Pe e, chu chu bill hi pu Speaker, kan pe zel a, a remchan dan zelin a batu Department khan an pe zel a. Wawinniah hian kan Sorkar hnuah pek zat chiah ka hre lova, Sorkar hlim khan Department hotute leh GNRC hotuten min hrilh dan chuan nuai 70-80 inkar liabilities a awm a, wawinniah chuan nuai 40 a ni, in pe ve zel e min ti a ni.

PU LALHMINGTHANGA :

Pu Speaker, kan Minister zahawm tak statement-ah khan Department-te hianin kalpenna tur hmalak a sawilang deuhin

ka hria a. Hei chu a that ka ring lova, Medical facilities kan neih that loh avang hianin instrument leh investigation tihna tur kan ramah kan la nei tha lova, Doctor ten an thiamlo tihna pawh ni lovin. Hetah hian nunna chhandam turin kal lo thei lovin, kan in refer thin a ni a. Khatih laia a credit zawng kan kal dan Department hrang hrangah te rehzim anih chuanin, a tuartu tur a kha nunna chungchang thu tak tak a ni dawn a, tih tur zawk a ni a lang a hi chu, advance pek dan kawng hi a awm thei zawk lawm ni? Kha zawk a kha approximate-in, entirnan, a bill tur chiah a kha chu a chhut theih loh anga, mahse, tuna damlo zawng zawng ina an mamawh ngawih ngawih a hi chu heih TA/DA han

Entirnan, niminpaah mai pawh khan Bombay atanga patient rawn haw ka va kawm a, chutah chuan an harsatna em em chu, advance an neih theih loh kha a ni a. Chuvang chuan advance pek theih dan zawng hian Sorkarin hma a la thei lawm ni. Tuna rehzim tuma a kawngka tihzim tum ai khan chu zawk a chu min chhang thei em tih kha a ni.

PU ZAKHU HLYCHHO :

Pu Speaker, nichina zawhna min chhannaah khan ka lungawi vak lova, a chhan chu a hmunah ngei kan zuk kal a, min lo dang

tawh a, kha kha official-a lehkha an hmuh loh vang ringawta. Keimahni ang tho khan midang pawn harsatna an tawh dawn tih kha, a chiangin ka hria a. Chuvangin, keimahni ngei zu kal a, a hmuna harsatna kan tawh kha chu kan Minister zah-awm tak hianin action a lo la thei lawm ni ka ti a ni.

S P E A K E R : Aw, chulai chu Minister khanin a chhang thei em ?

PU LALCHAMLIANA MINISTER : Pu Speaker, Opposition Leader zahawm takin a rawn sawi a kha, credit tih tlem lam kha chu kan sawi chiah lova. Amah-erawhchu, Medical rules-ah hian advance inpek theihna dan te a awm tih te min hrilh a, chulam chu kan tih kha a tha zawk angem tihte kha en a tul awm mange tih thu kan sawi a. Kan sawi lai a kha chu Secretaries meeting January 24 a meeting an neih pawn hetiang credit facilities avanga Sorkar leiba hi an ngaih pawimawh thu kan sawilang a ni a.

PU LALHMINGTHANGA : Pu Speaker, approximate estimate khan pek sa theih ni ta se, TA/DA bakah khan, kha kha refer case-ah hian credit a tlem phah anga, khuti lamah harsatna kan neih tlem phah anga. Tin, patient tan pawh thil manhla a ni dawn a ni.

PU LALCHAMLIANA MINISTER : Chu chu Pu Speaker, danah a awm sa tih min hrilh a. Amaherawhchu, hei min hriat theuh angin thlahnih leh ni li office-ah ka thut ve na chauh a la ni a. Chuvang chuan, a dan leh dun a pawh kha kan la hre famkim hman lova, kha kha rawtna tha tak niin ka hria. Tin, Saiha bialtu zahawm takin a rawn sawi a kha lehkha kher kher phut a member-in kan tih tawh tih kha chu amah pawn hi CEM-ah te Minister-ah te rei tak lo awm tawh a ni a, Sorkar kalphung chu a hriain ka ring a. Amaherawhchu, naktuk maiah pawh hian Calcutta lamah hetiang thil hi zuk enfiat turin kan intir dawn a ni tih kha kan sawi a ni e. Ka lawm e.

PU ZORAMTHANGA CHIEF MINISTER : Pu Speaker, kan member-te zawhna lo kal, hemi thil a hi a pawimawh em mai a, eng-emaw kan information leh hmalak dan kha tawi te kan sawi i remti em ? Khami credit facilities chungchang thu a chhannaah khan han chhanpui lawk a rem em ?

(SPEAKER : Aw, han chhang ta che)

Awle, Pu Speaker ka lawm e. Kan member-te pawhin an engto ber a ni tih kan hria a. Tin, Mizoram pumpuiin a kan problem lian a nih avangin, engemaw tia solve dan tur kawng kha Sorkar pawhin hma kan la mek a. Kha kha min lo hriat puiah leh kan vaia kan hriata tha ka tih vang a ni a. Tunah ringawt chuan, entirnan, kan zuk refer a, credit facilities-in kan ti ta a. A lehlam Damdawi In. lamin an bill tam theih ve tur kha a ba a a kal chuan lo ngaipawimawh lutuk lovin a bill sang kha an lo ti nghek nghek ve mai a .

Tin, a zu kal ate lah khan a ba a bill a awm dawn chuan, mahni entitle chiah lo pawh Air condition room-ah emaw, khawilai room man sanga le remchan chuan han awm mai a lo awlsam baw si a, a bill kha sang lutukin a kal fo mai a. Chuvangin keimahni chanvo ve tawp pangngai atanga pek nghal kha a theih ang chin chin kalpui chu siamremna tur anih dawn avangin, tuna kan ngaihtuahnd awm chu hetiang damlo zu kal apiang, Sorkar hnathawkte kan pung zel anga, ram population a sana thil man a san chuan, kan damlo inenkawl na pawisa sen so hi turu lutukin kan zawhlohin a kal thuai tho dawnin kan hria a.

Chuvangin eng system emaw, Medical insurance system-in emaw tihdan kawng hi hnam fing zawkte tihdanin i ngaihtuah teh ang u tiin, kan Sorkar hnathawk (federation) hotute pawh ka lo sawpui tawh a. Entirnan, tunah chuan kan hlawhte a lo pung a, sangsarih, sangriat, a sing biin hlawh kan lo la theuh tawh a, a total emolument-ah chuan. Hetah hian a chawhruala thlakhata cheng za vel pawisa dah pawh chuan ti ta ila, thlatin hian nuai 40/50 kha a dah theih a, kum khatah chuan nuai 500/600 te a tling nghal mai a. Chumi interest ringawt pawh chu lo ti ila, a pung ringawt pawh kha kan kumkhat dah khan nuai 40/50 vel a interest ringawt pawh a kal thei a, Sorkarin engemaw zat a do let nan va dah baw ila, chutah chuan tu pawisa mah bo lovin la lo hman lo kan nih chuan mahni service tawpah kan la leh vek thei dawn a. Tichuan, harsatna awm hauh lovin hei hi chu kan ti thei dawn a. Mahni hlawh zawng zawng hmanfai vek mai a, damlo inenkawl dawn a, thenawm leh laina hnena puk tur zawnga Sorkarah emaw tlan luh ringawt mai zawng, mi tihdan pawh a ni love.

Chuvangin hetiang kawng zawng hian i dap teh ang u tiin, ka lo sawpui tawh a, anni pawhin tha an ti khawp a. Tunah hian committee kan siam mek a, chumite chuan kawng tha dap turin hma kan la a. Tin, chuta ka lo sawiah phei chuan a hlauhawm a chu, Sorkarin kha pawisa tlingkhawm a kha kan zenpui anga, kan hman zawhsak ang che u tih in hlau a ni mai thei a. Hetah hi chuan a board a committee hran khamite khan siamin Sorkarin zenpui hauh lo turin ti ila. Tichuan kan Medical Treatment pawh hi harsatna nei lo a kan kal theih nan Sorkarin rawtna pawh kan siam a, committee pawh kan siam mek a ni tih kan sawi a ni.

PU LALHMINGTHANGA : Pu Speaker, khatiang kha mimal ta kha a ni a, kan zenpui nasa mai si a, hei kan Sorkar hianin khatiang ang lekah khanin a lut ang tih a hlahawm hlein ka hria a kha thil kha. Hei entirnan, an fate lehkha zirna tur atante, tin, in an sakna tur atan te, medical reference atante pawh GPF tling khawmte pawh Sorkarin pawisa indaih loh avangin a pe hlei thei lo a ni si a. Tuna kan Chief Minister zahawm tak rawn rawtna kha a tha fu nachungin, a awmkhawm chuan a Sorkarin certificate engengemaw te kha a demand leh anga, a zialo anga, enchian viau a ngaiin ka ring. Chutilo chu pawisa indaih lo atana hmanral kha thil hlahawm deuh a ni reng a ni.

PU ZORAMTHANGA : Pu Speaker, "e, rawn duang CHIEF MINISTER chhuak ula, kan tihpui lohna tur che u in, dan in rawn siam dawn nia," ka ti reng a ni.

S P E A K E R : Information lam kan mamawh lo a, question No.2-ah i kal tawh teh ang. Pu Nihar Kanti Chakma, question No.2 zawt turin i lo sawm ang.

PU NIHAR KANTI CHAKMA : Pu Speaker, Starred question No.2, will the Hon'ble Minister in-charge Home Department be pleased to state - When the sub-jail, Tlabung will start functioning ?

S P E A K E R : Chhang turin Minister Pu Tawnluia, in-charge Home i lo sawm ang.

PU TAWNLUIA : Pu Speaker, Tlabung bialtu MINISTER zahawm tak zawhna kha; engtikahnge Tlabung Sub-Jail hi mumal takin a function theih ang ? tih a ni a. A chhanna chu, Tlabung Sub-Jail hi a thawktu tur staff zat, mamawh ang zat post siam hunah leh appointment siam hunah te leh, he a staff-te chenna tur Quarters-te sak zawh hunah mumal taka function tura tih a ni ang.

PU NIHAR KANTI CHAKMA : Pu Speaker, supplementary question, exact date hi min hrih thei dawn em ?

PU TAWNLUIA MINISTER : Pu Speaker, a ni chiah sawi chu a har hrih tih min hriat-pui turin ka ngen a. Tin, Tlabung Sub-Jail hi 1997 atanga sak tan chhoh tawh, chhunzawm chhoh zel a ni a. Kan Minister hmasain chak takin nikum kan han Sorkar tlan lai atang khan, hma a lo lakna avang zawkin tunah hian kan Jail sak mek a pawh hi kan chhunzawm a. Tunah hian Government lam atang pawh hian proposal siamin hemi staff requirement-a te pawh hi Sorkarah post creation-te proposal an rawn peih vek a.

Tin, tunah hian kan sak lai mek te saw staff quarters pahnih leh Superintendent quarters pakhat leh Female Ward pakhat a ni a. Hei hi kan beisei dan chuan tun financial year chhung ngei hian an complete theih kan beisei a. Chutiang ang chuan Sub-Jail hi Tlabungah function tir thuai kan tum mek a ni a. A exact date erawh chu tunah mai chuan sawi a harsa hrih a ni e.

* Speech not corrected.

S P E A K E R : Starred Question No.3-na zawt turin pu R.Lalzirliana i lo sawm ang.

PU R.LALZIRLIANA : Pu Speaker, ka zawhna chu hei hi a ni. Trade & Commerce Minister min chhan atan :- Trading Regulation, zofate hum zo tur siam tumna a awm em ?

S P E A K E R : Chhang turin pu Aichhinga, Minister in-charge, Trade & Commerce Department i lo sawm ang.

PU AICHHINGA MINISTER : Pu Speaker, zawhna Trading Regulation, zofate hum zo tur siam tumna a awm em ? tih a ni a, kan chhanna chu 'awm e' kan ruahman chho mek a ni tih a ni e.

PU R.LALZIRLIANA : Pu Speaker, hei Trading Regulation awm lovin sales tax te kan han la ta a. In manifesto No.13-na pathum na teah khanin dan tha zawk siam a nih hma chuan Sales Tax lak a ni lovang in ti a. Engtiziaa Sales Tax hi la leh ta thut mai nge in nih? Pahnihnaah chuan, ka lo hriat danin Congress hunlaia in duh tawh loh kha, Trading Regulation kha tih nun leh in tum niin ka lo hria a. Hei hi tlawmah pawh lak turah ka ngai lova. In duh tawh loh hnu mah nise, a aia tha in siam thiam si loh chuan, hei hi tihnun leh in tum mai dawn lom ni? tih kan zawh belh e.

S P E A K E R : Chhang turin Pu Aichhinga ilo sawm leh ang.

PU AICHHINGA : Pu Speaker, Sales Tax chung-
MINISTER : chhang kha chu a relevant chiah lova ka sawi lo mai anga. Hemi Trading Regulation

chungchang thua chuanin, he Trading Regulation a hi 1991 ah khanin Governor pawhin a assent tawh kha kan nei a. Chumi chu kan hman dawn a, a that lohna hriat a awm a. Tichuan, 1997-ah khan House-a kan Member-te khan engpawh-nise, concensus-in ngaihtuah nisela, tuna kan hman hi a tha tawh love tih a lo awm a. Chumi atang chuan Political Party hrang hrang-te leh kan M.L.A. te ho khan ngaihtuah hna an nei ta a. Chumi an neiha chu uluk taka siam turin kha kan lo nei tawh mek a kha amendment leh thildang tunlai lai a kha an han siam tha tlang ta a.

Tichuan, Central lamah pawh an zu tlen a, chumi chu a lo thlen chhoh dawn tiin Department chuan a thlir a. Tichuan, Central lam atangin querries an rawn siam a, chungte pawh chu kan chhang chho zel a ni. Mahse, thu mum tak a chhuak thei lova, Sorkar kan lo nei ve tak hnu hian Chamber of Commerce hote leh Official te sawm khawmin engtingge helai thil hi kan kalpui theih ang tih enna kan nei a. Chumi kan enna chu a bulah chuan, hmana President-in a lo assent tawh Ordinance House-a lut mai tawh tur, nimahsela, danthlaka awm leh ta kha a tha mai em? Hei hi kaltlang thei hma tir a ni em tih ngaihtuah nate kan nei ta reng a. Amaherawhchu, thil tha tak a nih rualin a aia tha zawk siam dan a awm thei em? tiin ennawn leh nise tih a lo ni ta a. He kan Session hi kan zawh hnuah hmana Party hrang hrang leh M.L.A. Political Party hrang hrang atanga lo buaipui chhoh tawh mek, tuna kan nghah mek hi zu nawr zui leh dan kawng zawn nise tiin, tun Session zawhah meeting koh leh a, thlir hona nei leh nise tiin thu dah mek a ni a. Hemi hnua kal zel dan tur crawh chu la thlir ho zel a ni ang.

S P E A K E R : Starred question No.4, Pu Lalthan Kunga leh Pu Lalhmingthanga zawhna a ni a. Pu Lalthan Kunga zawt turin i lo sawm teh ang.

PU LALTHAN KUNGA : Pu Speaker, ka lawm e. Pu Lalhmingthanga nena kan zawhna hi a inpawlh deuh a, mahse, kan zawt tlang mai ange.

(a) Ram pum huapa Sapthei chin dan tur hi ruahmanna a awm tawh em ?

(b) Awm nise, a lei theitu turte nen Memorandum of Understanding siam a ni tawh em ?

(c) Kumin Calendar year 2000-2001 chhunga lo neih season ah hian Sapthei ching turin Sorkarin chhungkua engzatnge a thlan ?

(d) Chutiang chhungkua thlan an awm anih chuan, eng kawng in nge Sorkarin a tanpui ?

Hosticulture Minister zahawm tak chhan atan ka zawt e.

PU ZORAMTHANGA CHIEF MINISTER : Pu Speaker, ka lawm e. Zawhna chhanna chu :-

(a) Rampum huapa Sapthei chin dan tur hi ruahmanna a awm tawh em ? tih a ni a. Chhanna chu :- Rampum huapa Sapthei chin dan turah hian Sapthei tuna kan chin ber, hemi a that duhna Ft.3000 vel bawr chin chunglamah hian hmalak mek a ni. (b) Chhanna - Sapthei hralhna Marketing chungchangah hian Memorandum of Understanding siam a ni tawh em ? Tute nen mah siam a la nilo. Hei hi tlemin sawifiah ka duh a. Hralh tham, han siamna tham kha a rah kan neih hian a la phak loh avangin. Rawn duh em emin min rawn siampui pawh tum mahse, hralh tham a la awm ngang loh avangin kan la siam rih lova. Memorandum of Understanding an rawn hel na a, kan la siam duh lo zawk a ni e.

Tin, (c) na chhanna - Kumin Calender year kum 2000-2001 atan hian Sapthei chingtu turte Sorkarin a la thlang lo. Hei hi a awmzia chu, thlan ngai lovin hemi area kan identify bik a that theihna tur a ram san lam leh kawngpui rawn phurh chhuah phakna hmunah chuan, a theih apiangin a tam thei ang lo chin tir phawt mai rawh u tiin hmalak a nih avangin a bika kan nei lo tih a ni.

Tin, (d)-na, chutianga thlan an awm anih chuan eng kawng kawngin nge Sorkarin a tanpui ? A chhanna chu, Sapthei chingtu turte Sorkarin thlan a la r neih loh avangin tanpuina pawh kum 2000 atanga 2001 chhungin pek an la awm lo tih a ni.

PU LALHMINGTHANGA : Pu Speaker, Pu Lalthan Kungana kan intawm a ni bawk a. Hei, hmanni lawk khan Vairengte thleng khuan ka zuk kal a, a hma deuh lawk khan heta tangin Lungleiah, Lunglei atangin Lawngtlaiah, Lawngtlai atangin Tuipangah, Tuipang atangin Zawnglingah, Zawngling atangin Khawtlaiah ka kal a. Khang khaw hrang hrangah khan Tlangaute auvin Sapthei ching duh chuan Village Council leh B.D.O.-te hnenah in report tur a ni tih nikum lam khan an au vek tawh a ni. Chu chu an sawi dan chuan Horticulture atanga order chhuak a tih a ni a. Tin, khatah khan khaw hrang hrang ami ten an hming an pe a. Tin, chumi rual chuan December thlaah a hmun vah tur a ni tih kha khaw hrang hrang a an hrih dan a ni bawk a ni. Mitam takin an vat a. Tin, a bik takin kan Chief Minister zahawmtak bial lam, khimi Champhaite, tin, a thlang Khawzawl, Khawhai, Biate tlangdung pheite, Khawbung lam te, khitah pehi khi chuan chhungkaw singkhat leh sangnga vel target neiin Sorkar lam pawh hian chhungkua, Sapthei that theihna hmun anih avangin hma la tura hrih an ni a.

Hmanni mai khan, ka Office ah Sesih VCP-te Leisenzo VCP-te, leh Thekpui tih te an lo kal a. Chutah chuan, heng a hmun hi kan vat tawh si a, Sorkarin an rawn tih danah khan pawisa puk tur kan rawn pe ang che u anga, chumi bakah a zamna tur thirhruite leh a ban siamna turte pawh pek in ni ang min ti a.

"Hei chin tur kan hrelo a ni" an ti a. Ngawiteh u, kan Chief Minister zahawmtak hi hemi Department changtu hi a ni a, a hnenah kal ula zawt teh u ka ti a. Chubakah Horticulture Director hnenah kal ula zawt teh u ka ti a. Tahchuan, Horticulture-ah te an kal a, an rawn report leh kha chuanin a tih ngaihna kan hrelo. In vah tawh si chuan Vau maute lo hmang ula a ban a tan chuan min ti a ni te an ti a.

Khatiang ang khan mi engemaw zat a sing tel Sorkar hian a ti laklawh ni hian a lang tlat mai a. Buh an chin dawnin an hlauthawng si, Sapthei an chin dawnin a tanpuina Sorkarin a tiam a kha a lokal si lova, Chutiang dinhmunah chuan mi tam tak an ding a ni. Hei hi engtinge Sorkarin a tih dawn? Special messenger te tirh chhuah a, khatiang ang mi laklawhte eizawna tur a kha, a Department-in tun March thla chhunga a hrihfiyah loh kha chuanin nasa takin thingtlang mipui hian an tuar dawn a ni. Chu chu chiang takin ka sawi ngam. Ka mit ngei a ka hmuh leh interview-a min rawn hrih a ni tlat a ni.

Chu tak a chu Sorkar hian engtia tih nge a tum tih ka han zawt e.

PU LALRINZUALA : Pu Speaker, kan Chief Minister zahawm tak chhanna kha; Rampum huap Sapthei chin dan hi ruahmanna a awm thei tawh em ? tih kha, 'hmalak mek a ni tih a ni' a. A thlang ah khan Calender year chungga lo neih season-ah hian Sapthei ching turin Sorkarin chhungkaw engzatnge a thlan a ti a, 'a la thlang lo' tih a chhan a ni a. A thlang lehah khan tanpuina pek an la awmlo a ti a, hmalak mek a ni tih a ni bawk si a. A engah khan nge hmalak a nih ? A sawi a kan sawi 'lo ti rawh u' tih lai kha nge ni a, hmalak mek lai kha a englai tak kha nge ni ta ? tih kha ka han zawt teh ang.

PU R.LALZIRLIANA : Pu Speaker, hmannah khan Horticulture thuchhuah ka hmu a. Chutah chuan Sapthei hi Horticulture-in tumah ching turin a ti lui lo/a ti lo a ti a. Kan Chief Minister zahawmtakin Sapthei lo neitute tana chhenfakawm tur ziate, a man to dan turte a sawi reng lai hian engatinge Sorkar hian mawhpur ngam hauh lova hetiang ang thuchhuah a siam ? tih a ni a. Kan fate kawng dik zawh tur chuan an duh loh lam deuh pawh kal turin kan ti lui ngawng ngawng a, chutiang chiah chuan, thil hlawk tur leh tha a nih chuan kan Chief Minister rawt ang hian engatinge tlanche chungga a Department ber hian thuchhuah an siam ?

S P E A K E R : Chhang turin Minister i lo sawm ang.

PU ZORAMTHANGA : Pu Speaker, ka lawm e. Pakhat-
CHIEF MINISTER naah chuan, kan Sapthei chin dan turah hian a fail palh kan hlauh avangin a selection ah pawh kan uluk a. Entirnan, Thekte-ah te, Thekpui-ah te chuan a tha duh tih kan hria, lo ching teuh mahsela, Chhipin Motor-a a phurh phakna Dungtlang emaw, nih loh leh Samthang bula Truck thlen theihna, Vaphai bul hnai emaw thleng khan chhipin an rawn phur thleng thei dawn lo tih kan hriat avangin; vawihnih khat bak an phurh theih dawn loh avangin khangah kha chuan ching lo law law turin leh, thildanga kal turin kan duh zawk a. Chuvangin tuna kan instruction-ah chuan Truck-ina a lak phakna, Motor-ina awnze neia an Sapthei thar a lak phakna tura rawn lakchhuah theihna area anih loh chuan; a kilkhawra duh duhna a lo chin a kha engtinge in tih dawn tih kha, chhipin a phurh thlen vek theih si lova, heng hi chu lo ti lo turin kan hrih ang. Amaherawhchu, keimahnin kan phur thleng reng reng ang an tih chuan a khap a khap thu chu a awm lo a. Chu chu anmahni mawh ni sela.

Truck road-a rawn thiar thlen phak theihna chinah hetah hian hma i la ang u kan ti a, chu chu tuna kan kal duh dan chu a ni. Chuvangin kan ti lui lo reng a ni. Tih-luih chuan a chuangtlai a, mipuite phurrit siam mai mai tur kan nih avangin ching turin kan tilui lo a. Hmun-dangah pawh tihluih chi pawh a ni bawh lo a. Mitin ina an mawh a an lak ngam china kalpui tur a ni reng a ni.

Tin, a thlan chunchang thua chuan ramhniam lutukah chuan ching mahse, a tha tak tak lova, chuvangin ram sang deuh 3000ft. bawh vel 2500ft. chung lam emaw tal kha a area kan identify, a chin theihna tawka tuna kan Sapthei neihlai dumpawl a hi chu a ni e tiin kan hrilh a. Tin, ka sawi ang khan tin hnih khat hmuna bul tanna hi chu loan tello pawhin kumtin vah tho tho a ni a. Hei hi han vat phawt sela, khami a Sorkarin hmalakna, theihna tur chin kan tihah chuan a tiak kan ngaihtuahpui dawn kan ti a. A tiak phun tur chu kan identify a, khuain a zir chuan, tun ami kan hriat chinah chuan a tiak, a chi kan neih hian a daih thei mai turah chuan kan ngai a. Chu erawh chu a thlawnin an phun tur chu pek theih ngei kan tum a, kan inring bawh a. Chutah chuan hma kan la a, an rawn phun anga, a zam a lo hun chiah anga. A zamna tur tipuitling thei a chu a bialtu khan an rawn identify vek anga, chumite hnenah chuan a zamna tur thir hrui a ni emaw, thil dang puihna chu a dawh leh chiah ah khan kalpui a tih kan tum a ni.

Tunah chuan, 'ka duh e' ti na zawng a kha loan kan kalpui chuan thil dangah a buai ang tih kan hlahv vangin pawisa kha a engahmah hmian a Sapthei hmun theihngalhin a loan buaipui khan kan kal palh dah ange tih kan hlahv avangin, a tak takah pek tur chi kha identify kan tum a. Chu chu tunah pawh hma kan lakna a ni.

Tin, nikum lama '99-2000 inkara lo ching tawh, khany buaipui ngai leh a tanpui tlak kha chu, kan theih ang tawh pawh puiin kan kalpui reng a ni.

PU LALHMINGTHANGA :

pu Speaker, a chiang tawh lova. Kan Chief Minister zahawmtak kha amah leh amah kha a inkalh em aw ? ka ti a.

Hetah kan zawhnaah hian kumin Calendar year chhunga lo neih season-ah hian Sapthei ching turin Sorkarin chhungkua eng-zatnge a thlan a ti a. Thlan engmah a la awmlo a ti bawh si a. Tin, khawtinah khan Elangau an au a, a bik takin Ruling Party Unit-te phei kha chuanin M.N.F. lamte phei chuan enrolment zawn nante pawh an hmang nual a. Tichuan, a zavaia han total hianin information kan han dawn chin hi chhungkaw 15000 kha Sorkar ta vek an ni a. Chung ho chu loan pek tur anga sawi an ni a. Mahse, tuna an sawiah khan khany kha tih a la awm reng reng lo angin min chhang a, awmin a rawn sawi leh deuh bawh si a, an chianglo a ni.

PU ZORAMTHANGA : Pu Speaker, a chhan pawh kan
CHIEF MINISTER : chhang zo ang chu mawle. Chu-
vangan, a hmun pawh kan hrilh
a. Horticulture Officer te
hian hemi area chin tiin an identify thei a ni. Chumite
hnenah chuan Truck thlen phak lohna kilkhawrah chuan lo
ti suh u. Chutilo chu headload ngawt chuan engtikahmah
a thlen theih loh thu pawh an hrilh chiang a. Chung hmun
pawh chu identify chin an nei vek a ni.

Tin, chumi a thar chu hma la
turin.....sawi thei tehreng e. Mahse, khua zawng
zawng kha sawi turin a tam lutuk a. A elevation chin
chhim lamah. Tin, khawchhak lamah a ram area sang chin te
chungah chuan, hmanni ah pawh kan hrilh vek a ni. Tin,
kuminah a hma lo lak turin lo pawh an la hal lova, tunge
a taka khami area chungah pawh khan awmze nei a kalpui
tur lo pawh hal zawh hma chuan a la chiang lova. Chu-
vangan, (Interruption)

PU R.LALZIRLIANA : Pu Speaker, a nilo, hmana sawh-
thing loan in khawn vel YMA in
tih tir pawh kha in la ti thei
lo a nia. Chuvangan, tunah kha
kha peih a ngai tawh alawm.

PU ZORAMTHANGA : Pu Speaker, lo hal hma chuan a
CHIEF MINISTER : chi a phun theih loh a tin a ni.
Chuvangan, lo an rawn hal anga
he mite hi a chi neitu tur tia
an identify khan a chi pawh tunah chuan kan identify a.
He mite hi kan lakna tur a ni tih a ni.
(PU LALHMINGTHANGA : Pu Speaker, kha pawh kha wrong
statement a ni. Hmun tam takah an hal tawh, chhuanlam a
tling lo.)

Pu Speaker, a chin a la hun lo
atin a ni. A area pawh kha kan ti tawh e.

S P E A K E R : A chhanna i lo ngaithla phawt
ila. Hun ala awm a, in zawt
leh dawn nia.

PU ZORAMTHANGA : Pu Speaker, hal mahsela, a
CHIEF MINISTER : phun a la hun lo atin a ni. A
chi pawh kan nei, chu chu kan
pe dawn khawp e.

Tunah hian eizawn ngaihna hrelo kan sawi tak khuahte khan, a tlangdung tawp tawp pawh khan, lo vat tawh September-a vah tir tawh, hal tur, chumi a ngaihna hrelo chu an awm a ni. Chuvangin Sorkar hian a tum kha a tichiang thei angem? Tah chuan chung chu ching rawh a tih chuan ching turin tunah March thla a ni a, a tlai mai dawn si a. Chu chu a hrih law law thei em? A theihlo anih chuan buh ching tur emaw pawh in a thei em? Kha kha chu tihchian a ngai.

1. 12
2. 13
3. 14
4. 15
5. 16
6. 17
7. 18
8. 19
9. 20
10. 21
11. 22
12. 23
13. 24
14. 25
15. 26
16. 27
17. 28
18. 29
19. 30
20. 31

....38/-

1. 12
2. 13
3. 14
4. 15
5. 16
6. 17
7. 18
8. 19
9. 20
10. 21
11. 22
12. 23
13. 24
14. 25
15. 26
16. 27
17. 28
18. 29
19. 30
20. 31

....38/-

PU LALHMINGTHANGA : Pu Speaker, feet 3000 chin kha khami lai nge nia, ka hre miah lo kei chuan a feet san zawng hi. Mahse, hmanna ka kal khan Vairengte atangin Khawbung thleng inkar khua zawng zawngah hian Sorkarin ching tura select hming pek kha a nei tlat a ni. Sapthei chin kha an tum tlat mahse tunah department in kha thu kha a zuk leh si a.

Tin, entirnan, Champhai atanga Truck kal theihna Khuangleng tlangdung phei Khawbung thleng hianin chutiang chuan ti turin. Entirnan, Leizenzo tihte Sesih tihte kha an lo ban anih pawhin Thekpui, Thekte te kha an lo kan anih pawhin truck kal theihna tho a ni kang kha. Entirnan, Khawzawl atangin Vanlaiphai thlengin truck kal theihna tho a ni. Khangah te khan lo vat a, kal ngaihna hrelo hal tawh si an tam a, chu tak chu wawiin rorelna ah hian kan tihchian loh chuan mi kan ti laklawh dawn a. An eizawna a chhia anga, chulai chu hriatchian a ngai a ni, hei chu ka ngen tlat a ni Pu Speaker.

*Speech not corrected.

S P E A K E R : Ngawi rawh u, question hi 10:45 ah kan tan a, chuyang chuan zawhna kha han pekbelh ula, kan Chief Minister chuan a chhang leh anga, Speaker thuneihna angin question hour a tawp hunah pawh kan dan bung 47-na 2-na a chhanna hun chu ka pe anga, chuan question chiah kha han pe rawh u, a dang sawi belh tawh lovin.

PU J.LAWMZUALA : Pu Speaker, Sapthei ching turte thlan a la awm lova, lo hal zawhah tih a, pre-plan pawh awm lovin a chingtu turte kha hlawhtling thei turin kan beisei thei dawn em ni ? Hetiang anih chuan kan planning hi a va chhe awm em em ve ? Hei hi min hrilhfiah leh se khawngaih takin.

PU J.LALTHANGLIANA : Pu Speaker, Agriculture, Horticulture hi Sapthei chinna hmunah te siam mek ani a ti si a. Kan Chief Minister khanin truck kal theihna chauh a chin, tur ani a ti a. Horticulture link road te hi kang hmun te kha a tlawh dawn lo em ni ? tih kha kan zawt a ni.

S P E A K E R : Awle, Chief Minister i lo sawm ang ule, chuan kan question hour kanntitawp dawn nia.

PU ZORAMTHANGA : Pu Speaker, khang kan area identified kha chuanin a tam thei
CHIEF MINISTER ang ber Sapthei huan hi siam se kan duh a. Duhthlan bik pawh

ngai lovin a vat a te leh khata chin duh a te kha chu a tam thei ang ber tih kan tum a ni. Tin, Horticulture Link Road kha tunah kan siam a, truck road nena in link tir hram hram pawh kan tum a. Pu Speaker,..... a tulah chuan Truck road pawh a thang ve zel a, chumi nena hma kan lak zawm theih nan. Engemaw bik khawilai emaw chu link road lo laih tir pawh kan nei e.

S P E A K E R : Question hour chu kan zo ta a. Panel of Chairman turte hi ka'n puang anga. A hmasa te kha hun a lo tawp tawh a, Panel of Chairman hi a term chu kum khat chhung a ni a. Chumi atan chuan heng kan M.L.A. zahawm tak takte hi ruat an ni.

1. Pu Sanghmingthanga H.Pautu
2. Pu L.N.Tluanga
3. Pu K.T.Rokhaw
4. Pu H.Rammawi

Business Advisory Committee in tun session atan kan BAC in hetiang hian a tlangpuuin programme a siam a -

1. 15.3.2000 - Wednesday - Governor's Address
2. 16.3.2000 - Thursday - (1) Obituary, if any
(2) Question
(3) BAC report
(4) Announcement of Panel of Chairman
(5) Discussion on Governor's Address.

Ni 17,18,19,20 thleng hi Holiday a lo ni leh a.

- Ni 21.3.2000 - Tuesday - (1) Budget for 2000-2001
Presentation (2) Vote on Accounts
of (3) Supplementary Demands for 1999-2000.

Ni 22.3.2000 - Wednesday - Government Business

- (1) Questions
- (2) Introduction & Consideration of Bills, if any.
- (3) Any other Govt. Business.

Ni 23.3.2000 ah chuan a ngai bawk, Introduction & Consideration of bills, if any. Any other Govt. Business tih ani leh anga. Dt. 24 chu Zirtawp a lo ni a, Private Member's Business a ni a, question, resolution, motion leh a gang a awm apiang tih a ni anga. Ni 25,26 chu chawlh a ni a. Ni 27 ah hian Question lak a ni anga, Passing of Vote on Accounts, Discussion & Voting on Supplementary Demands for 1999-2000, Introduction, Consideration and Passing of Appropriation (No.1 & 2) Bill, 2000, General Discussion on Budget for 2000-2001 leh a awm apiang te.

Tin, ni 28 ah hian government Business, Question, General Discussion on Budget te a ni anga. Ni 30.3.2000 hi Govt. Business, Question, Discussion & Voting on Demand for 2000-2001 leh a dang business awm apiang te, ni 31 Friday - Private Member's Resolution a ni a, a dang ang bawk khan hman a ni anga. Ni 1,2, hi chawlh a ni leh ang. Ni 3,4.2000 ah hian Govt. Business, Question, Discussion & Voting on Demand for 2000-2001 leh a dang awm apiang. Kha kha ni 4,5 leh 6 a ni anga, ni 7.4.2000 Zirtawpni a lo ni leh a, Private Member's Business kan hman dan pangngain. Tichuan ni 8 leh 9 chawlh a lo ni leh a, ni 10.4.2000 ah chuan Govt. Business, Discussion & Voting on Demand and any other Govt. Business a ni anga.

Tin, ni 12.4.2000 ah chuan holiday a lo ni a, ni 13 chu Govt. Business, Question, Discussion & Voting on Demand, Introduction & Consideration and Passing of Appropriation Bill, 2000 te an ni. Chu chu kan programme han duan dan tlangpui chu a ni a. He House hian min pawmpui tura han rawt thei in awm em? He BAC Report hi min pawmpui thei mai em? Awle, a lawm-awm e. Tunah Pu Vanlalhlana Deputy Speaker, Rules Committee Report present turin i lo sawm ang.

DEPUTY SPEAKER : With your kind permission Sir,
I, member of the Rules Committee
having been authorised by the
committee to present the Report
on its behalf, present this 1st Report of Rules Committee
Thank you.

S P E A K E R : A copy kha member te hnenah sem
nisela. Hei hi kan Rule 273 in
a sawi angin Rules Committee
Report chungchangah Amendment
siam a ni a. He thil hi House

Budget Committee chungchang thu a ni a. Sawisel duh chuan 22.3.2000 thleng hian sawiselna hun hawn a ni. Tunah Bill introduce turin Pu Lalchamliana kan sawm anga. The Mizoram Sales Tax (Amendment) Bill, 2000 chu he House ah hian introduce phalna han dil teh se.

PU LALCHAMLIANA
MINISTER

: Pu Speaker, i phalna in The Mizoram Sales Tax (Amendment) Bill, 2000 chu he House zahawm takah hian ka rawn introduce e. Ka lawm e.

S P E A K E R

: Bill copy hi member te hnenah sem tawh a ni a. Sem nawn a ngai tawh lo anga. Governor thusawi chungchang lawmthu

sawina Motion kha niminah move ani tawh a, kan sawi ho dawn anga, sawiho bituk hi a hun bituk hi House hian rem in ti em ? Hei in hriatthiam ngaihna lai kan awm a, Thawhtan thleng hian chawlh a ni a, Governor thusawi hi a tlangpuiin kan sawi dawn ani a, nakinah General Discussion ala awm dawn a ni. Chubakah Demand sawi ala awm leh dawn a, holiday in min zawm chhoh vak avang hianin, nikhah kan ruat a, mahse lehlamah Demand kha nidang aia reiin ni 8 ngawt sawina hun member te kan pe thawl ve thung a. Chuvang chuan yawiin a hun tuk hi in remtih chuan-in a hun hi fix ila, chutilo chuan kan tlai lutuk theiin ka ring a, chulai ah chuan in hriatthiam na ka dil a ni. Member te zalenna kha lehlamah thui tak ala awm tho tho dawn bawk a. Chulai ah chuan a hun tuk mai rem in ti em ?

PU H. RAMMAWI

: Pu Speaker, minutes 5 emaw minutes 10 emaw hun bituk a awm loh chuan ni in min daih lo tnei a. Chuvang

chuan kan tihdan pangngai angin, House practice pangngai angin minutes 5 leh minutes 10 emaw hun bi pakhat tan ruat a thain ka ring.

ZAKHU HLYCHHO : Pu Speaker, kan Governor thu-sawi hi subject 40 a sawi a. Chumi sawi tura minute 10 chauh chu a tlem lutuk deuh lo maw ! Minute 15 tal hun min tuk rawh.

PU LALHMINGTHANGA : Pu Speaker, Saiha bialtu zahawm tak rawn sawi kha, kan Governor Address hi tun tum chu a sei phian mai a. Department zawng zawng hi a khawih vek a nia. Chuvang chuan minute 10 chung a han sawi chu a tawi ka ti a, 15 min pe thei langin, a tlai leh kan tlai deuh mai anga. A Ruling lampangte pheh chu in insum deuh ang chu mawle.

PU LALRINCHHANA : A tuk a kha Pu Speaker, MINISTER minute 10 vel kan tih lova, hun kan duh tam a nih chuan Opposition lam atangin panga in sawi sela, Ruling lam atangin 5 in sawi ila. Chutiang atan chuan minute 15 pawh chu hmang ila, a pawh lova. Amaherawhchu, a hmang zat tur kan in tuk loh loh chuan minute 10 aia tam kan tih chuan hunin min daih lo lutuk dawn. Chuvangin minute 10 chu maximum-ah hmang ila a tha ang. A tuk a kha in rem tih chuanin.

S P E A K E R : A tuk remtihna kha nangmahni hnen atangin lak a ngai a, danin a sawi ang hianin, Mahse, a hun tuk a kha chu Speaker kut a awm chu a ni a, kan hun a kha kan han sem thin a, minute 15 anih chuan kan tlaivar mai awm mange kan ti deuh a. Chulai taka kha nia, inhriatthiamna kan rawn dilna chhan a kha. Lehlahmah nakinah General Discussion leh Demand-ah a ni kan pe tam ta a, tunah hian holiday hian min zawm lutuk lo se chuan nihnih hi kan siam mai ang chu kan ti a nia. Mahse, khatiang anga han siam remna kha kan han buatsaih chu a nia. Hai then tum ta ila, minute 7 velah hianin zawh tlan tum ila a tha lawng maw ?

PU LALHMINGTHANGA : Pu Speaker, engmah a sawi tak tak hman loh. Chuvang chuanin, a tlem lutuk. A lai i then rau rau anih chuanin 10 leh 15 inkara then tur kha a ni dawn lawm ni ?

PU F.MALSAWMA : Pu Speaker, 40 ina sawi tur
MINISTER : chuanin minute 10-ah pawh
khan darkar 66 a duh dawn
tlat. Chuvang chuan sawi
vek a nih kha chuan

S P E A K E R : A rei khawp ang. Anih leh
englo in i ti ang, a hun tuk
min phalsak bawk a, hun tam
lam a hi chu Speaker tuk tur
a ni a, minute 10 i ti mai ang, hrethiam rawh u, ka ngen
a che u. Ni e, ngawi rawh, mover kha, motion neitu kha
kan sawm phawt a ngai ang. Chumi zawhah erawhchuanin a
sawi hmasaberah i tang dawn nia. Anih leh motion neitu
Dr.Lalzama kha sawi hmasa turin i lo sawm ang.

DR.LALZAMA : Pu Speaker, hun min pek
avangin ka lawm e. Niminah
khan Governor Address chu
kan ngaihla a, tin, hei
kan hmu theuh a, a lawmawm khawp a. Heng kan en hian mi
tupawhin a thalo kan tih ka ring lova. A chhan chu, hei,
Mizoram rethei tak, hetia kan Sorkar hnuai ei leh bara
intodelhna tur chi hrang hrang a lo lang uai uai a. Tin,
kawng hrang hranga kan hmasawn theihna tura Sorkar hmalak
na te a ni a. Hei hi keini pawhin kan zavain kan hlut
theuh kan ring a ni.

Tin, hei, kan sawilan tur
phek 2-naah khanin pawimawh deuh mai tih kan neih chu,
Central Sorkar atangin duhsakna kan hmu viau a, a lawmawm
a. Tin, proposal kan Sorkarin an siante pawh beisei awm
takin thil a awm a ni. Tin, kan prime Minister-ina May
ni 22,1999-a a rawn tlawh tum pawhin, Mizoram tana hma-
sawna tur chihrang hrang a rawn puang a nih kha, kang
pawh kha kan hre vek anga. Chuvang chuan a lawmawm a, kan
hmasawna bul tur a ni.

Tin, chubakah chuan, Peace
Bonus pawh hmundang leh hun danga kan hriat ngai miah loh
te pawh tunah chuan a hmel a lo lang a. Tin, kan Prime
Minister zahawm tak pawhin Governor leh North East-a
Chief Minister hote Shillong-a inhmukhawm tumin, kan ram
tana hmasawna pawisa hman tur te min rawn puanchhuah sak
a. Hei, crore 180 tih te kan hmu a. Tin, chubakah chuan
crore 50 kha kumtina hmuh turin, Non-lapsable pool of
Resources atangin kum 5 chhung pek tur kan nih tur thute
kan hmu bawk a. Chuvang chuan a lawmawm khawp mai.

Peace Bonus kan han tih tak
a te pawh hi, hundangah pawh kan la hmuh ngai hauh loh thil
kha niin a lang a. Vawinniah hian hmasawna ropui tak kan
nei dawn a ni tih a langin ka'n hria a.

Tin, hei, North East State 8 zingah hian pali(4) phei chu hmun ralmuang tak te kan lo nih avanga Peace Bonus pek tur anih thute pawh kha kan ngaithla a. Chung zinga paliah pawh chuan hei a hmahruai kan han ni lehngal hi a lawmawm em em a. Chuvang chuanin, vawiinniah kan zavai hian he thilah hian kan lawm theuh kan ring a ni. Tin, chubakah pawisa dinhmunte a harsa chung chungin Sorkar hnathawkte hlawn han tihsan chungchangte pawh kan hmu a. Heti chung hian vaibelchhe 10 deuhthawa tihpun ngai pawh kha lo ni mahsela, harsatna awm lovin vawiini thlengin kan kal thei hram hram zela, a lawmawm khawp mai a ni.

Tin, chulo, lehah chuan, kawng chi hrang hrang anih avang hianin a pawimawh zual pui awm awnte han tarlang ila. Helaiiah hian Assam Rifles hmun Zokhawsanga an sawn theihna dan tur kan Sorkarina hma lakna te pawh a takin a lo lang tan chho mek zel a. Khatla hmuna Assam Rifles-in an luah thinnaah te pawh tunah chuan approach road laih tan chhoh mek zel anih chungchangte a lo lang bawk a. Chuvang chuanin hei hi tunhma atang tawh a lo beih thin, a lo hlawhtlinna kan Sorkar atang hian a lo lang hi kan zavai hian a tha kan tih theuh kan beisei a ni.

Tin, chulo lehah chuan, kan ram dinhmun thlirin Police lam pawh tihchak a ngai a, tunah hian hei M.A.P. Batalion thum, Mizoram Police leh I.R. Battallion kan neihah hian belhchhahna turin tunah pawh kan Sorkarina hmalakna, 2nd I.R. Battallion din theihna tur pawh approved a lo ni ta a, lawmawm hle a. Hengah hian hmanraw tha zawkte nena kan in recruit chhohna tur thil te a ni a. Chuvang chuan hengte pawh hi kan Mizoram tana tha tur thil pawimawh tak mai anih kan hmu bawk a. A lawmawm hle a ni.

Tin, chulo lehah chuan, nichina kan sawilan thuakah khan Chawa kan intodelhna tura hmalakna ropui tak mai kan Sorkarin a nei a. Chawa into-delh tum hi thil pawimawh tak a ni a. Chhungkua pawh thenawnte Buhfai kan puk fo chuan engmah a tihtheih lova, a zahawm lova, chuvang chuan, tunah pawh Chawa kan in to-delh theihna turin nasa takin hma kan la tih kan hria a. Leilet siamna turte, tin, irrigation project pawh thar hlawk tak taka kan lo thar theihna turin Sorkarin hma a la a ni tih kan hria. Tin, thlai chihrang hrang leh Ser chihrang hrangte kan han chin theihna dan turte. Tin, Alu, chawmeh lam chite, Vaimim te, Bean-te, thil hrang hrang kan hmu chho zel a. Chuvang chuan hmalak tawhna leh a lak mek leh a hlawhtlinna thenkhatte pawh he Governor Address-ah hian kan hmu a ni.

Tichuan, Pu Speaker, han sawi zel ila, Link Road laih chungchangte pawh kan hmu a, nichinah pawh ka'n sawilang a ni a, Member zahawm tak tak te khan an sawi a. Link Road laih pawh kum khat leh tlem kan Sorkar a kal chauh a, chumi hunah chuan han tihpuitlin thut thut theih pawh a ni lo a. Amaherawhchu, tunah kan

chho mek zel a ni a. Tun kumin chhungah ngei pawh hian hei Agriculture Link Road thlai chingtute pawhina awlsam zawka kan thlai tharte kan phurn chhuah zel theihna tur a lo lang bawk a ni. Hengte hi thil nghahhlelhawm tak mai a ni. Nakum lamah phêi chuan Zoram mipuite heng kawngah hian kan hlim hle dawn niin kan hria a ni. Chuvang chuan kan Sorkar hmalakna a lawmawmin, tupawhin hengte hi chu kan sawisel a rinawm lohva. Amaherawhchu, thil hriatthiam lohte engemaw kan nei anih chuan kan zawt bawk anga. Engpawh nisela, helaia kan Sorkarin kan ram(Mizoram) intodelh theihna tura hma a lakna hi kan zavai hian kan thlawp theuh a rinawm a ni. Chu chu kan sawilang duh bawk a.

Tin, chulo lehah chuan, ram dangte nena insumdawn tawn theihna turin kan Chief Minister zahawm tak pawh Bangladesh-te kalin Bangladesh-te nen pawha, Border Trade kan neihna turte, tin, Myanmar-te nen pawha kan insumdawn tawn theihna tur thil tak takte hmalak tawh a ni. Chuvang chuan tunah hian thil lawmawm tak mai anih zia kan hmu bawk a. Tin, midang a hre ngailo tan pawh hengte hi an han hriat chuan thil lawmawm tak anih ka'n ring bawk a ni.

Tin, hengtianga insumdawn tawna kan neih chhoh chuan kan Ram tan lakluhna tha zawk leh hralhchhuah tur tha zawk Zoram mipuiten kan nei chho zel anga, tha tho takin kan ram mipuite tan hmalak chhohna a awm dawn niin a rinawm a. Chuvang chuan heng kan Sorkar hmalakna Border Trade chungchangah thil lawmawm tak mai kan hmu a ni.

Tin, Sawhthing leh sum chang thei/thlaite chinna turin hmalakna Sorkarin a nei zel tih kan hria a, heng pawh hi lo lang a ni a. Kut hnathawk tute tan a tha tho takin, Zoram mipuite tana tha tho awm takin kan Sorkar hmalakna lo lang kan hmu a ni.

Tin, chubakah inkalpawhna kawng tha te pawh chung atana kan mamawh anih bawk avangin hma an la chho mek a. National Highway laih turte pawh Seling - Tipaimuk - Kohima Road kan tihte, P.W.D. kutah hlan a lo ni ta a.

Tin, hmun hrang hrang, Aizawl to Thenzawl - Lunglei, tin, Bairabi - Zamuang Road tihte a awm a, kan hmu a. Tin, chubakah chuan Aizawl - E.Lungdar 40 Kms, Rawpuichhip - Mualpui (90 Kms) atan sanction kan han hmu hi a ropui khawp mai. Kan Ram inkalpawhna kawng pawh hi tha taka hmasawna kan nei thuai dawn niin a lang a, hei hi thil lawmawm tak a ni.

Tin, chubakah Hydel Project lamahte pawh hma kan lakna a lo lang bawk a. Hengah pawh hian Power lama kan intodelh theihna turin hmun hrang hrangah Hydel Project te siam niin, nakin lawkah chuan Mizoram tan a intodelhna, tin, State dang tan pawh hman

khawp pekchhuah theih ni dawnin a lang a, a lawmawm tak meuh a ni.

Tin, thingpui lamah te, Industry lamah te, Mau atanga thil siam tur chungchangah te hma lain kan rama thing leh Maute hman tangkai dan turte a lo lang bawk a. Chuvangin kan ram hian midang ram dang awt hauh lova intodelh kawng tinrengah hma kan sawn theihna tur a lo langin kan hmu bawk a ni.

Tin, thildang miharsa zualte tana in sak sak theih turin tanpuina pek thute pawh kan hmu a. Chhungkaw 831-te tan tanpuina pek anih thute a lo lang. Chuvangin, kan Sorkarin miharsa zualte tana an hmalakna lawmawm tak kan hmu bawk a ni.

Tin, Hospital lamah pawh hmalakna thui tak a lo lang bawk a. Sub-Centre pawh Central Sorkarin-a a rawn tih bak khum chung chungin Sub-Centre thar han dinte a lo lang a. Tin, Hospital sak theihna tur hmalakna kan hmu a. Tin, State Hospital tan ngei hmalakna kan hmu bawk a ni. Heng avang hianin tu tan pawh a thillawmawm tak a ni tih chu a chiang nghal a ni. Phai lamte kan pan thin a, pan ngailo tura kan intodelh theihna tur a hmalakna pawimawh tak a lo ni zel a. Tin, zirna lamah pawh hma kan sawn theihna turin Durtlangah te Engineering College dinna turin hma an la bawk a ni. Tunah pawh ram hmun remchang tak Durtlangah Sorkarin a nei tawh nghe nghe a ni.

Tin, University ngei pawh Peace Accord-ah khan Mizoram University neih theihna tur kan sawi thin kha tunah pawh a takin a lo lang chho zel a ni.

Tichuan, Science College pawh Aizawl-ah kan neih chhoh pheih chuan mi ram leh hmun-danga kan fate zir ngai tawh lovin, khawvela Institution tha bera ngaih turin kan din thei mai dawn a ni. Chuvangin, heng kan sawi leh kan hriatte hi a lawmawm tak zet a ni.

Tin, a dawt lehah chuan, Tui in tur a kan intodelhna turin Sorkar hmalakna turin Sorkar hmalakna kan han hmu leh a. Tui in tur hi a pawimawh a, Zokhaw hmun hrang hrangah te leh Mizoram Chhim lam Saiha-ah te Creater Water Supply Scheme-te, a lo puitlingin pawisa sem zat te pawh kan hmu a. Aizawl Greater Water Supply Phase-II te pawh hmalak chhoh mek zel niin a lang bawk a. Champhai Water Supply Scheme-te, pawh kan ti chho thei zel dawn niin a lang a. Kan Ram Tui in tur intodelhna tur kan han hmu bawk a. Vai ramah te, hmun thenkhatah harsatna tawh mahse, Mizoram ai chuan intodelh viauin an lang a. Mizoramah pawh hian intodelh taka thingtlang lamah pawh, khawpuiah pawh tun aia intodelh turin hmalakna kan han hmu bawk a ni.

Tin, a dawt lehah, Ran vulhna lamah pawh han sawi thuak ila, Ar vulhna tur te, Vawk vulhna tur te leh kan Ran vulh te pawh tam zawk kan lo neih theihna tura hmalakna nasa tak a awm a ni. Kan Sorkar hmalakna Judiciary lamah te pawh Court Building sak thu te, District Court Building, Saiha leh Kolasib-a sak turte, High Court Main Building, Luangmual-a mi hmalakna te kan han hmu a.

Tin, chubakah chuan Sorkar hnathawk mi 1796 lai mai hnenah te in leh lo din theihna turin loan kan han pek thu te a lo lang bawk a. Tin, in sakna tura Sorkar hnathawk nilo te pawna an han lak theihna turin family 624 lai te loan pek an nih thu te kan hmu bawk a. Tichuan, Sorkar hnathawkte tana hamthatna nasa tak in leh lo din ve theihna mai pawh a lo ni bawk nen, a pawimawh hle bawk a ni.

Tin, Aizawl town chungah mi harsa zualte BPL kan tih thin tante pawha inhlawhfakna tur pawh ruahman a ni zel a, chuvang chuan kan ram into-delh tura hmalakna bakah mi rethei harsa zual tak tak tan eizawna harsa lo tura Sorkarin hma a lakna hi a ropui, hle a ni.

Tin, Excise lamah pawh chutiang zelin hmalakna kan hmu bawk a. Excise Force-te Total Prohibition tun ai pawha hlawhtling zawka kan kalpui theihna turin kan ramah hian zu khap burna hi hlawhtling zawka a lo awm theihna turin, chak zawka hmalakna te kan han hmu bawk a ni a. Tah hian tlawngai pawlte leh Kohhrante pawhina nasa taka kan Sorkar hmalakna zu khapna hi an lo thlawp avang hian a lawmawm hle a. Mizoram mipui zawng zawngte nasa taka kan intanpui tawn hi a ngai em em tih a lang a ni.

Tin, Sangha khawi lam pawh kan han hmu bawk a, a chipchiar lo deuh pawhin han ti puat puat ila. Sangha chi nuai 25 sem tawh a ni tihte kan hmu a, hei hi Department Subsidy a ni a, a lawmawm hle mai. Vairam atanga Sangha lakluh pawh a tawp theihna tura Mizoram kan intodelh hunte pawh a thleng ang tih a rinawm a ni.

Tin, chubakah chuan Sports lam hmalakna pawh a ropui hle a ni. Kolasib-te, Champhai te District Office tharte hawn a ni a. Tin, kan nula leh tlangval thalaite pawh sport lamah hma an sawn in Delhi a National Taikwando Championship-ah pawh Bronze Medal te an zuk la a ni. Heng an hmalakna te hi a fakawm hle a ni.

Tin, chubakah Printing and Stationery-ah hmalakna tharte kan hmu a, Printing Office Champhai leh Kolasib-ah a thar kan lo nei ta a ni. Tin, chubakah District Council pathum, Mizoram chhimlama kan neih te pawh kan Sorkarin theihtawp chhuahpuiin tha taka hmasawn theihna turin a tanpui theih turte a lo lang a ni.

Tin, Aizawl Treasury pawh hmunhniha siam a lo nih thute, tin, Sub-Treasury-te Champhai leh Mamit-ah pawh a lo awm tawh a. Chuvangin, a lawmawm khawp mai. A tlangpuiah chuan kan Sorkarin kawng tinrenga hma a lakna hi a ropui khawp mai, kumkhat chhung, kumkhat leh tlem chauh a la ni nain a hmalakna han hmuh hian a lawmawm a. Chuvang chuain theihtawpa kan zavaiin, Mizoram mipui zawng zawngte pawhin a kan thlawp a, hlawhtling taka kan tan chhoh zel pawh a bei-sei awm a, chuvang chuan ka motion hi min pass-puia, min thlawppui turin in zavaiin ka ngen che u. Ka lawm e.

S P E A K E R

:

Bu Lalrinzuala, hei kan sawi tak angin, a Motion neitu hi chu ngaihnathiam loh theih a ni lova. Midang

erawh hi chu minute 10-ah zawh i tum teh ang u.

...50/-

PU LALRINZUALA

: Pu Speaker, hun min pek avangin ka lawm e. Hei i dinglama kan thutlai khanin thi hi a lo lang fiahlo deuh emaw ni. Helam hi a lanna tlang deuh niin ka hria, vawiinah pawh hianin a lanna tlang atangin ka'n sawi ve anga. Nikuma kan Governor zahawmtakin March 16 a he House a a thusawi leh nimina a thusawi vawina kan han sawi ho tak a hi nimina a thusawi lai la la pawh khan ka thinlung hi beidawna, hlauhthawna in a khat a. A chhan chu nikum March Ni 16 a a thusawi ah khan Leiba Vaibelchhe 79 Nuai 36 in bul kan tan thu a sawi a.

Nimin thusawi phek 4 na paragraph 9 ah khan Vaibelchhe 145 leiba kan nei, tih kha a sawi ta mai a, mi barakhaih hle ani. Hemi ina a rawn tihlan chian em em a chu he Sorkar hi Financial management ah hian a failed theihtawp ani. A chhan chu kan House Leader zahawm tak Delhi-ah a zuk kal a, a rawn hawn apiangin Vaibelchhe tamtak a rawn hawn reng a, chanchin bu ahte Radio ahte kan ngaihthla thin a, a hawn ahi a tam hle ani. C.M. meuhin ka hawn e atih tak-ah chuan a tak tak anih ka ring a.

Phek 2-na Para 3-na ah pawh khan Peace Bonus a kan han hmuhtam thute kan han ziak a. Kan hmu kan hmu ang hian a lang tlat mai a a thu chuan. Amah-erawhchu, Vaibelchhe 145 leiba-ah kan lo chuang reng ani tih kha kan ngaithla ta tlat a.

Chutah chuan chhuanlam kan han ziak a Para 4-naah khan, Sorkar hnathawk hlawh kan han tipung a, he House Member-te hlawhte kan han tipung a. Chumi avang chuan phurrit nasa tak kan phur ani tihte kha kan han ziak a.

Pu Speaker, vawiinah hian kan la hre vekin ka ring a. Kan House Leader hian a thusawi apiangah, ka beng verh em em, ropui ka lo tih thin a sawi thin a. Kapernaum naupang ka ni e tih hi ka in tehkhin thin a tihte kha a sawi thin a. Thlaler a mipui 5000 hrainan a Kapernaum naupang thil tihtheih ziate kha a sawi thin a. Tin, ~~hmu~~undangah Reubenate unau Aigupta pur phur ang kan ni a, a hmunah hian a dang ala tam tih kan hria a, a chuang aliamin a awm a. Chuvang chuan hlawh zawng zawng kan tisang a, harsatna hi a awmlo reng reng atih kha kan au hla kha ni thin a.

Chumi avang chuan ani lawm ni helalah hian he House Memberte hlawh tihpun dawnah khan a tam em em ani tih kha min hrilh avang khan i he lo khan kan tipung a.

Mahse, vawiinah chuan leiba bu kha alo ni ta tlat mai a. An vaibelchhe hawn zozaita kha khawiah nge a tlinkhawm tak tih tur ani. Helalah hian an ziak a, vawiin ni thleng hian Treasury khar ala awm lova he Sorkar chhungah tih ani. A mak khawp mai. Niminah Aizawl Treasury . S&N hi kan zawt a. Aizawl South Treasury ah hian Vaibelchhe

40 tunah bill pending a awm ani. Aizawl North ah Vaibelchhe 15 bill pending a awm bawk a. Chti chung chuan tukin Chan-chinbu a rawn chhuakah khan nitin Nuai 20 chauh Treasury a kaltlang thei, an pass thei tih a rawn inziak bawk a. Chumi in a hrinchhuah Chiang em em a chu mi pawisa in Contractor te leh midang supplier te mi pawisa lak tur khan kan Treasury hi kan hnawhkhat a, chutiang chuan kan la nung hram hram ni hian a lang tlat ani.

Chuvangin, nimina kan Governor thusawi hi lawmthu han sawina chi emmi ni dawn ka ti ani, a pawl ka ti em em ani. Sawi tur tamtak khalaiah khan a awm ani. Tichuan Financial management ah kan han fail hlah a, hei hi chu House hian a pawmlo thei lovah ka ngai ani. Hun ka neih tlem avangin han sawi zawh vek ka duh a. Kan Governor khan minute 55 hun a hmang a, keinin minute 15 kan hmang dawn ania, a harsa viau ania.

Para 10 naah khan pakhatnaah kan ram remna leh muanna him taka vawn anih zel theih nan Central atangin tanpuina thil tamtak kan hmu a, chung zing-ah chuan Motor-te pawh tamtak kan hmu ani tihte, Police ho hman atan tihte kha a awm a, a lawmawm ka ti. Mahse, ka bial chu border area ah a awm a. Bungmunah khuan Police station a awm ve a, M.P. tlan lai pawh khan khami Police station area ah khan bomb te kha hel hovin an tipuak kha ania, a hlahawm em em mai kha ania. Khulalah khuan O.C. hovin Police an awm ve a. Heng motor min han pekte hi han hmu ve se ka duh hle mai. Motor pakhat mah an hmu lova. Kan sawi thin a thuneitute hnenah pawh vawiin ni thlang hian Motor an la hmu lova. An enkawl Area hi a zau si a. Border Area zau takah an awm a. Chungahte chuan engtin nge Motor-te kan hmu ve thei ang em? Hengte hi a mangan thlak ka ti a. Han pe ve ila chuan kan tan hian a va han remchang dawn em tihte ka ngaihtuah ani.

Tin, 11-nate, 12-nate Agriculture leh Horticulture tih lampang kha chu nichina sapthei chin chungchang thu ringawt kan han sawi pawh khan bei a dawng e tih kha ani mai. Khawiah nge chinna hmun tur. Ft. 3000 chin pawh chu, khawng an locate area chu tih pawh kha a chhanna kan hmu thei ta hauh lova. Kut hnathawktute an mangang mek a. Kum 1 mumang kan ziak khawm ni ber hian ka hria a. A tak erawh chu vang em em si ani. Agriculture Link Road tihte kan han sawi a. Ka bialah chuan Tuidam Agriculture Link Road ah eng emaw zat hi pek ani tawh ani. Helai atang hian kan hriatpui lo nge ni. Nuai 6 aia tam pek ani. Nakinah Demand-ah ka la sawi ang. Mahse, chutah chuan Km 1 pawh Motor kawng an la lai si lo. Chutiangte chu ani kan pawisa hmandan hi, I enngun deuh ang u.

Phek 8-na 13-na pakhatnaah khan kan C.M. Bangladesh zin thu kha kan han ziak lang a. Ka beiseina a sang khawp a, khalaiah khan Lunglei lamahte ka va sawi thin a. Indo-Bangla Border Trade hi kan la nei dawn ani kan ti a. Kan nghakhlel. A zuk kal khan Memorandum of Understanding-te hi chu a rawn hawn ngei ngei dawn ani kan ti a. A chhan chu State dang C.M. ramdanga zinte chu

MOU an rawn hawn ziah a. Ka tawng an huatthu suhah, Laloo-a te takngial pawhin an hawn kur zut ania. Kan C.M. zin erawh chu kutruakin a lo haw aniin ka ring a, helaiiah hian ziaik a awm tlat lova, chubakah Bangladesh-a a zinna rah chhuah kha hmuh tur a awm lo. Vawiin thleng hian Bangladesh nena kan insumdawn-tawna engmah kawng a la tlang chuang ta lo. Vai sumdawng tlemte Chakma an lo kal a, kha kha kan kal-chhuak anih chuan thudang.

Education lamah sawi tur tam tak a awm a. Hei Education hi ram Development tha taka a kal theihna tura kan mamawh ani kan ti a. Session hmasaah pawh kan sawi tawh a. Singla Teacher awmna ka bialah a tam lutuk tlat, vawiin ni thleng hian, khang mite kha Mizoramah kan chhiar ve lo em ni? Chutiang ang bial a awm tan chuan a hrehawm. Tin, Assistant Hindi Propagation Officer, Lung-iei, Chhimtuipui, Saiha velah kan dah thin. Amaherawhchu, heng AHPO -te hi Aizawlah vek kan pawt khawm leh tawh a. Hmun dangah reng reng hmuh tur an awm tawhlo. Hetiang hian education system hi engtin nge kan siamthat thei ang tih hi ka ngaihtuah.

Forest Department lam han en ila nikumah chuan thui tak an kal tawh a. Kuminah erawh chuan Plantation tlawngai pawlin tlem an phun a, khang zawng kha a ni a, Forest Deptt. lian leh ropui achievement ziahtur pakhatmah awm ta lo te hi, a pawl ka ti. Transport Deptt. hi a ropui ka ti a, Governor thusawiah hian a tha awmchhun ani awm e ka ti hial. An revenue chhunluha hi Nuai 241.34 December thla thleng khan an chhunglut ani, tih a inziak a, lawmawm ka ti, tah hian lawmthu ka sawi ve teh ang. Amaherawhchu, Chanchinbu lamah ka lo hmu a, kan Transport Minister-in Department-ah hnathawktute ban tur tamtak an awm ani, bana a vau tihte kha a lo ziaik ta a. Khawngaihtakin hei hi chu ti tawhlo se ka va duh em. Hei Governor address ah meuh pawh a chhuanawm chhun anni a. Duap leh sela tih kha kan ngen nghal duh a.

Tin, Pu Speaker, phok 20-naah khan ka sawi hman loh ka hlau em a. Fisheries chungchang kha sangha chi Nuai 45 Mizoram luipui 13 ah chhuahin a awm a, kan ti a, ziaik kalh mai ani. Nuai 45 chu a tam ani. Amaherawhchu, vawiin ni thleng hian ka zin ka zin thin a, kan ram luiah hian sangha a pun tak thu sawi vawi khatmah ka hrelo. Kan House Member zahawmtakte hian in hria em ka hre lova, pakhatmah hi a pun thu an la sawi miah lo mawle. Chuvangin, rinhlelhna hi sual ani e an ti na a, a sangha chi chhuahlo hian a thu hian an chhuah emawni aw tihte ka ngaihtuah a. Hei hi ennawn leh atan a tha khawp mai. Nuai 45 luipui 13-a kan chhuah anih chuan pun deuh awm tak ani. Vawiin ni thleng hian Silchar lam atanga sangha kan dawn, kan ei a la thulh chuang si lo. Chutiang chu kan dinhmun ani a, thil reng reng mai hi a buaithlak zo vek a niin ka hria. Ka lawm e.

PU J. LALTHANGLIANA

: Pu Speaker, ka lawm e. Hei kan Governor thusawi lawmthu sawi a move tu khan a rawn rawt a. A hmasa bera lawmthu han sawi ka duh chu, a paragraph hmasa berah hian Chapchar Kut hlimawm tak kan zawh hlimin hei Budget Session kan nei tih a rawn sawi a, kan hnam Kutpui min rawn ngaihsanpui hi lawmawm ka ti hle ani. Tin, chulo lehah chuan thil dang thenkhat ka hriat thelh pawl ka tih em em a awm a, University chungchang thu hi kan sawi duh a. Mizoram Accord 1986 tih hlawhtlinna atan Central University Mizoram ah kan nei dawn a. A bill pawh Rajya Sabha ah pass ani tawh a, Lok Sabha ah pass thuai ani ang a tih hi a sawi sual niin ka hria a. Chu State University ani tih MNF election manifesto 1993 ah hian chiang deuh main a inziak a. Hetah hian inremna thuthlunga tel, Mizoram State University neih kan duh tih an ziak a. Chuvang chuan Governor thusawi a Central University Mizorama kan nei tur hi chu Accord a tel kha ani lo ani tih hi kan sawi duh a.

Amaherawhchu, Central University kan nei tur hi chu lawmawm ka ti. Tin, Residential Science College Aizawl ah neih ani ang tih kan hmu a, a lawmawm khawp ani. Science lamah co-education tur ani ang a ti a. Hei hi engnge kan tih tih ka hrelova, ka hriatdan chuan Zirtiri Womens' College saw tih tum ni awm tak hian an sawi thin a. Zirtiri Womens' College saw hetia co-education tur hi chuan a hmuchhuak tuten an remti lo viau dawn niin mi sawite ka hria a. Hei hi High Court hialahte kal an tum niawm ten an sawi ka hria a. Chuvang chuan enchian tha khawpin ka hria.

Tin, Education ah kan lut ta rau rauva han ti ta zel ila, thu lawmawm tak mai chu Mizoram hi India ram State ah literacy percentage ah kan sang ta ber a, 95% hial kan lo ni ta hi a lawmawm em em ani. Amaherawhchu, helaia sawi tel nghal se ka tih kan Election Manifesto a zirna lam tih hmasawna atan hian zirilaite man tlawm zawka Text Bu pek te, rethei zualte hnenah Uniform a thlawna pek kan tum ani tihte kha sawi tel sela, a lawmawm leh zual awm mang e ka ti a. Heng a langlo hi chu a pawl hle in ka hria.

Tin, hei Mizoram hi Public Distribution system ah hian a tha ber pawl kan niin ka hria a. Governor pawhin a rawn sawi lang a. Mahse, helaia a sawi hmah, tih kan tum lo em ni ka tih chu BPL hote tan hian Central Sorkar atang hian Buhfai 20 Kg man chanve a pek tur a awm a. Hengte hi pek kan tum lo nge a lang tel hauh lo mai a. A beidawn thlak hle in ka hria. Kan State hian kan la pe ve lo ni awm tak ani.

Tin, LPG bottling plant hi Mualkhang ah neih kan tum ati a, IOC hian an ti zo thuai ang e a ti a. Tuk tin Gas bur ruak a intlar peu po mai. Hemi ruala tih Tripura ah khu chuan Gas hi an thun tawh ani. Bottling Plant puitling an nei tawh a. Gas ah harsatna an nei vak tawh lo. Hengte hi kan ti muangchang

lutuk a, chuvang chuan hei hi tihpuitlin kan tum ang tih ni lo hian tih puitlin thuai a tha in ka ring.

Tin, chulovah chuan ka hma a Member zahawm tak rawn sawitu khan Bangladesh border a border trade chungchang thu kha hei vai sumdawng sawmhni h vel an lo kal a. Silchar a mi nen an danglam chuang yak lo a ni a. Mizoram chamber of Commerce nen memorandum of Understanding (MOU) ni awm tak hi an sign ve a, an sign lai hian Director, Trade and Commerce Govt. of Mizoram a awm ve e tih an ziak a, ken Governor hian a rawn sawi lang a. A thu hi kan chhiar chuan, insum dawn tawna tur reng reng a awm lova, item a inziak love, Mizoram Sawrkar leh Chittagong Hill Tract hi in sumdawn tawna a awm theih chuan kan lawm hle ang tih vel chauh an ziak a, ka hma a mi sawi tawh ang khan beiseina sang taka ken Chief Minister in Prime Minister phalna lain Bangladesh a tlawh a, engemaw tak rah chhuak turin kan beisei a, Governor pawn a rawn ziak lang a, mahse, engmah hlawhtlinna a ziak lang lova, lawm thu han sawi na tur awm in ka hre lo, tih tak tak a MOU te hi kan ziak ve a nghah hlelh awm hle in ka hria.

Tin, kan Governor in a rawn sawi lan ang kum khat chung hian Mizoram hian inthlan, District Council thianna kan nei a, M.P inthlan 1999 khan kan nei a, tah hian free & fair manners hi kan nei a, without any on toward incident a ti a, ka hriatsual nge ni ka hma a mi khan a sawi tawh a, bomb puak a, Buarpu bialah chuan vanneih thlak takin hliam an awm lova, mahse motor te a chhia a, tin, nidanga thil thleng ngai reng reng lo te a thleng a, tin kan Chief Electoral Officer te file a vawm te a awm a, chuvang chuan hei hi chu a uar deuh em aw ka ti a, free and fair chuan kan nei a, a lawmawm em em mai a, buai ngai reng reng lo, kan V/C inthlan te pheih chu a hmunah hian kan han chhiar nghal mai a. Vote kan thlak zova, buai reng reng lo hian hei nang i vote hmuh zat ani kan in ti a, hei hi chu a chhuanawm em em chuan ka hria. Chuvang chuan inthlanna kan neite hi tluang taka kan neih theihna tur in anih tak tak theihna tur chuan tun hnu chuan awm tawh sela, tih hi kan sawilang duh a.

Tin, chubakah chuan LAD kaihhruaina hnuai a V/C inthlan December '99 hlawhtling takin kan nei an tih hi a lawmawm a, conduct se ka ti a, han sawi belh law law se ka tih chu inthlan hma a EAS pawisa MNF Unit te kuta kan pek chiam chiam mai te kha a ti hlawhtlingtu ani te han ti law law sela, a tha lawm ni te ka ti ani. Pu Speaker, chuvang chuan khangte kha han sawi tel vek atan chuan Governor khan han sawi tel se chuan a kimchang deuh tur kan ti anih chu.

Tin, chu lo lehah chuan, hei Industrial growth Centre hi Luangmual lamah khuan kan nei a, hei vaibelche 10 lai kan seng tawh ani si a, hei hi a hmunah khuan kan kal tawh emaw, ram ruak ruik mai a awm a, engmah tih lohna ti mai a, Industry Deptt. hian

in hnih khat an sa a, kawng erawh chu a awm tawh a, khung khu Industrial Growth Centre tak tak hian hmang ta ila, chumi atan chuan hmalak hi awm ta sela. Kum engemaw zah a awm ta a.

Tin, khungah khuan Compensation la pek lohte an la awm a, mimal khuan sign board an la tar a, Compensation min la pe lo alawm an ti a, a then chuan lungte an la la ani. Chuvang chuan khungte khu pek fel law law atan a tha hle in ka hria. Industrial growth Centre Project kan neihte khu hei hi tha in ka hria a.

Tin, chulo lelah chuan, Governor pawh hian hrehawm ati hle in ka hria a, a rawn ziak lang a, March Ni 1 atangin Power tariff kan ti sang ani, hei hi mipui support na ka appeal ani ati hial mai a, Governor pawhin a pawl atih khawp. Hai, My Government have been constrained to revise the power tariff pawl a ti em em mai a kan Governor pawhin, March Ni 1 atanga power tariff kan tisang kha, Pu Speaker, a rei tawh vak lovang. Kha kha heti em em a kan Sorkar pawhin hrehawm a tih chuan a hnuhkir theih mai lawm maw ni le, a move back theih mai lawm maw ni le? Kan Governor pawh hian hrehawm a ti ani, tih ka'n sawi duh a.

Tin, pakhat chauh kan sawi leh duh a. Teirei Hydel Project hi Mega Watt 3 commission tawh ani a, a lawmawm e. Mizorama kan siam ohluah chuan Mega Watt pe chhuak tam ber kan ni ang. Amaherawhchu, helalah hian han sawi tel law law sela thaa ka hriat chu, a chin hriat leilet neitute leh Hu an neitute compensation kan la pe miah lo tih hi han sawi kim tel law law sela chu a kim tur ani a. Khungte khu a la pe lo ani tih kha kan sawi duh ani, Pu Speaker. Hun ka la nei em aw ?

S P E A K E R : I nei tawh lo.

PU J.LALTHANGLIANA : Pu Speaker, anih leh ka lawm e.

PU SANGHMINGTHANGA H.PAUTU : Pu Speaker, ka lawm e. Governor Speech kha nichinah khan Member zahawm takin lawmthu sawiin a han move kha kan hre

tawh a. Hei, thu reng reng hi kan endan, a angle a zir hian a awm ani tih kan hai lo theuh a. Miin positive thinlung a neih emaw leh, negetive thinlung a neih emaw atang hian thil reng reng hi kan attitude a lang theuh ni hian kan hria ani a. Khawvelah hian kan famkim lo vek a, Sorkar pawh a famkim chuang lova.

Tin, thil engkim hi ziaik dawn ila hetiangah hian ziah kim sen pawh a niin ka hre lo bawk a. Sorkarin Kum 1 leh tih leka an hmalak pawh hi. Chuti chung chuan, hetiang anga harsatna tam tak nei chungin, kan Sorkar tirh phat pawha harsatna, leiba-te nen kan wal chho pawh ni mah ila. A lehlamah, puka, leiba-te punga kan kal chho zel anih dante han ziaik lang chho mahse helaiah hian, tuna kan hriat tawh anga Prime Minister ina Peace Bonus chungchanga, State dang pakhatmahina an hmuh ve theih loh chungchang hi, non-Plan chungchanga Nuai 100 min han pek lo la thlen theih loh chungchang thute leh, 50 crores Kum 5 chhunga kumtina lapsable min pek turte hi han hmu ta ni ila chuan, helaia kan problem lo lang hi chu ziahlan chu a ngai lo mai awm mange tih chu ka zuk ngaihtuah deuh a.

A engpawh nisela, a kilhkelh chuan kan hre bik lova, chuvang chuan heti lek kan han ngen hi chu a lawmawm hlein ka hria a. Tin, hemi lawmawm ka tih-na em em chu Financial management a harsa tak chung a kan tih pawh a, Bank, RBI ina khar tura a la rawn ti miah loh chungchangah hian lawmawm ka ti a. Financial managementah hian kan Sorkar hian an thiam hle niin ka hria ani. Chuvang chuan hengah hian lawmthu kan sawi duh a. A chhan chu kan han Sorkar tirh pawhin a crore 40 chuang anga kha chu Treasury ah khan tang a awm tih kan han hre chho a. Tichuan an pek zel chung pawhin khati lai karah khan an accumulate lo thei lo, hnathawh anihah chuan kan hai lo tlang theuhin a rinawm a. Chuvang chuan a vanneih thlak hle. Kan duh angin thil tih fel theih loh mah sela, Bank pawh khar lova India ramah Financial management chungchang a, kan C.M. pawh, comment kai chhote pawh kha lawmawm ka ti a. A enga pawh nisela, chung angah pawh chuan, Bank te lo khar rup rupte chu lo ni sela chuanin han indem bawrh bawrh pawh awmin ka hria a. Amaherawhchu, khatiang awm hauh lo a, harsa tak chung a, khati laia Sorkar hnathawkte hlawh kan han ti pung a, Fifth Pay Commission recommend angin leh keini ho Member-te hlawh pawh telin. Tin, a lehlamah Sorkar hmasa atanga Budget kal atangin 330 crores atanga 360 crores kal chho kha a inhlata a tam lo hle a. Chuti chungin hetiang a kan han kal chho thei hi ropui hle in ka hria. Chuvangin, Financial Management ah hianin he Sorkar hi fak tlak hle in kan hria ani.

Tin, hei vanneihthlak hle a kan hmuh leh chu a rawn tihlan pheik 9-ah khanin Two New National Highways - 44 A leh National Highway 150 te kan dil ngawt ngawt avang pawh ni chuang lo a, Prime Minister lo kal ina khatiang a min rawn pe mai te, hna kan han tan chho thei mek zela te hi malsawmna ram dung leh vang

chungchangakte leh thenawm ramte nen pawha awlsam zawk a, kan inpawh theihna tur rawn tih lante hi lawmawm hle in ka hria a.

Tin, helaia LPG chungchangah khan Mualkhang tihte ah khan, khulaiiah khuanin a mimal tak pawh a, ka Constituency huam chung anih avangin lawmawm kan tizual a, chutah chuan kan Industry Minister pawhin a la rawn sawi duh awm mang e te kan ti a. Hmanni lawka Delhi kan kalin, hemi chungchang thu pawh hi Central lamah Minister Chemical & Fertilizer lamte, a dawr ani tih te ka hria a. Ama'n duh leh kha lam kha chu la sawi sela, Sorkar in a rang thei ang bera hma la tur hian an nawr ani tih erawh chu kan hriat a tha awm e. Chuan hemi a rawn tilang hi lawmawm ka ti a.

Tin, University chungchangah hian Central University chungchang hi lawmawm hle-in ka hria a. Memorandum of Settlement tih hlawhtlinna ani tih kha ka'n sawi duh a. A chhan chu, Memorandum of Settlement ah khan, University tih ani a, chutah chuan 'Central' tih kher chu a in ziak lova. Tin, 'State' tih kher pawh a in ziak lova. Amaherawhchu, helaiah hian kan sawi duh a chu, State University nei tur hian Memorandum-ah ziah a ngai lova, chu chu State power ani tih chu Member tin chuan kan hre theuh ang a. Pu Denga'n a hnu a lehkha a thawhah phei chuan "Central University aia tha deuh hlek a bik deuh tak" tiin a nawr nghe nghe ani a. Enga pawh nisela, khami ah khan Central University hi chu a te berah, rilrua awma chutiang a ziak chu ani tih a kha ka'n sawilang duh a.

Tin, chumi thu ah chuan tun-ah hianin Parliament ah khuan Lok Sabha ah tabled ani tawh a, amaherawhchu, Sorkar, eng eng emaw khulai Gujarat Sorkar a, RSS hi an zawm thei ang Sorkar hnathawk ten tih ang chite. Tin, henglai hnaiiah Bihar Politics avang te a in aubuaina avangin thil a kal mai thei lova, amarawhchu, hei thil a han kal fel chhoh tawhah hi chuan an rawn pass thuai tawh chu ka ring a. Engpawh nise, bill chu a awm a, chu chu ka hre chiang bang a. Chuvang chuan, hetah hianin, helaia Central University rawn dah chhoh tur hi lawmawm hle in ka hria ani. Chu chuan kan Memorandum of Settlement a rawn tih nghehna, a rawn tih phuisuina niin ka hria a, hemi rawn ziak lang hi lawmawm hle in ka hria ani.

Tin, chulo lehah chuanin, School lam zirna chungchangah hianin engpawhnisela, a bik taka harsatna a tam hle, India ram pum chungchangah pawh ani. Hei keini ramah te'ng te chuan Elementary Education chungchang hi chu a tlangpuiah chuan kan ti chhelo viauvin an lang a. Chutah chuan sum leh pai erawh chu duh thu angin neih theih ani lo hrim hrim a kan hre tlang vek a Membrete chuan. Central Sorkar erawh chuan Elementary Education a ngai pawimawh em em a, rampumah, keini erawh

ah hi chuan chu ai mah chuanin High School leh Secondary chungchangah hian, a feng fenga han sawi chuan Pawl 8 atang a 12 inkar ho hi kan buai zual niin a lang a. Drop out pawh an tam a, a hnuai lam hi chu buaina pawh a tlem viauva, hei thingtlang lam pawh a bik takin a tlem viau a, tin, hei thingtlang lampawh diktakin harsa kan intih pawhin thahnem kan ngai a, chutah chuan tun hma in, kan School Education Minister zahawmtakin a sawi fo thin angin, Missionary hun atang in heng lampangte pheh chu kan ngaipawimawh a, tun a literacy rate a pakhatna kan nih chhohna pawh hi thingtlang in, Sorkar in ti theilo mahse building te an sa tawp a, chuan zirtirtute pawh pe in khatiang khan kan tang kawp tha hle in ka hria a. Helai chungchanga kan tih chhohnahte hian a lawmawm chho hle in ka hria, khalai kha kan ti lang duh ve leh zawk a.

Tin, a bika hetilaia Taxation chungchangah khan an han thawh tha hle in ka hria a, Deptt. te reuhte tute tawngkam takin emaw, Bible ah Bethleh-hem khaw te reuhte Judai te zingah nimahselangin i chung atangin awptu tur alo la chhuak dawn si a, a tih ang deuh hlek khan, a in appropriate kher lo pawh ani thei e, nimahsela, ka'n sawi duh chu Deptt. te reuhte tih kha kan sawilan duh ani a. Chumi ni chungah heti zat tax an han hmu chhuak chho thei hi lawmawm ka ti a. Hemi taxation, sales tax lak chungchang ahte a helai chho a kan han tih lut/pe lut thei te, Transport Deptt. in tax kan ti lut chho thei te, khatiang kha hmasawna ropui tak Sorkarin a nei niin ka hria a.

S P E A K E R

: Ngawi lawk teh aw, kan hun hi a laklawh dawn a. Dar 12 minute 4 emaw a rik loh hi tuna thusawitu lai tawp hun tur ani

a, Dar khat zawk. Chu chu a hun hi kan hman zawh tir dawn nge, midang hun kan ko anga, hun pangngai midang khan kan pel mai ang. Engngeni in ngaihdan ? Dar khat hi kan pel hret mai dawn em ni ang ? In remtih dawn loh kha chuan ani hi sawi sei hret mai sela. In remtih dawn chuan midangin sawi leh zawk in duh chuanin a hun kan pawt sei hret mai thung anga. Khalai kha a hun hmaahnidangah khan Member thenkhat chance in la thiam ang reng khawp mai a, hun laklawhah hianin kan pek belh mai thin che u a. Kan pek belh ve mai dawn em ni ? Anih lrh Dar 1 thleng hun i nei anih chu.

PU SANGHMINGTHANGA H. PAUTU : Pu Speaker, hun pekbelh ka nih avengin ka lawm e. Chutia hun pek belh ka nih chuan Primary Health Centre chung-

chang ahte, a bikin health chungchang ahte a rawn tihlan kha a lawmawm hle in ka hria a. A thar an rawn hawn belhte, tun Kumtharahte pawh an han tihbelh zel tur chungchangte, khami laia crore 10 lai India Sorkarin a rawn pek belh chungchangte, hei hriselna chungchanga hmasawn kan pawimawh hle a. Member ten kan hriat theuh angin khawvelah reng reng hian Health & Education hi a san phawt chuan ram changkang tehna ani lo thei lova. Weini ah pawh hmasawn chhohna han kal chho zel, hma lak chhoh zelnahte, tunhma atanga Sorkar hmasa atanga lo kal chhova, Referral Hospital han ti puitling tura hma kan lak chhohna zel tun ang lo kal te, hmun hrang hranga Hospital sak zawhte khang ang a lo nih kha lawmawm hle in ka hria a.

A bik taka nichina kan sawi zawk, amaherawhchu, kan laklawh takah khan - Transport chungchang kha ani a. Hei, Transport hi tunhma atanga kal chhovin harsatna a awm tih kan hria a, tunhma phei kha chuanin bus pakhat hi driver pasarihin an enkawl ani ti ang deuhthe pawhin Magazine ahte pawh chhuah anih kha, engahpawh nisela, thil engnge maw avangin harsatnate pawh a awm thei ani a. A engle khawle ka sawi duh berah chuan hei bus tharte lei a, Licence fee leh thil dang dang road tax tih leh eng emaw atanga han ti chhova, hetiang zat an han hmu thei hi nichina Member ten an han sawi ang khan lawmawm ka ti a, chhiah an han pe lut thei kha, A bikin hei hi ngun leh zuala, leh active leh zuala Transport Deptt. in an han tih chuan hlawk leh zualna pawh a awm ngeiin ka ring a. Chu chu helaiah hian beiseina thui tak min pe ani.

Tin, Railway reservation chungchangah hian helaia pek belh kan han nihte pawh kha tun Sorkar anih hnuah ani a. Howrah - Delhi tihte Guawhati - N.Delhi te pawh hi kan Sorkar din hnu a tih anih ziate rawn tihlan kha a lawmawm ka ti. Tin, chuvang chuan, hetah hian lawmthu sawi loh theih loh niin ka hria ani.

Tin, chubakah chuan tui in-tur chungchang hi. Hei, Aizawl leh thingtlangah pawh kan buai a, hei tlemin khua an thal deuh tan a. Aizawlah chuan motorin tui kan chawi leh tan mai a. Amaherawhchu, Rural Water Supply Scheme, Urban Water Supply chungchangah te a bik takin Greater Water Supply Scheme Phase - II chungchang han tihchhoh theih tur anih thute, sewage Scheme, drainage scheme chungchang heng ang hna la chho tur anga an awm chhote an ziak lang kha lawmawm hle in ka hria, hei hi chak taka hma an la chho theih ani ngei dawnin a lang a. Heng avang hian lawmawm ka ti a. Tin, chumi mai bakah a bik taka Accelerated Urban Water Supply Programme tih heng khua Sairang, Darlawn leh Saitual ang a he Water Supply Scheme ti puitling tura hma chhawp chho thei a an awm leh sum an awm te hi lawmawm ka ti leh zual a, Aizawl lam mai nilovin, thingtlang lamte hmunpui deuh deuhva hmalak chhohna han lang thei hi, helai a Governor's Speech in a'n tilang chho thei hi lawmawm ka ti ani.

Tin, a bikin, Fair Price Shop tih chungchangah hianPu Speaker, ka zo mai dawn e. Mizoram hi kan vannei hle a, a lehlamoh chuan tawngkhat hmang kan nihnate, tin, chikhat anga kan awmnate hi kan vanneihna niin ka hria a. Y.M.A. tha takte kan nei a. Tin, Upa pawlte, Hmeichhe lampang pawh, chi hrang hrang awlsam taka hmundang ang lo taka kan han nei theite intihbelh a kan awmte hi, nichina an sawi ang khan BPL te tan a bik taka awlsam taka lak theihna tur ni dawn a han hawn belh a awmte hi heng avang hian lawmawm ka ti hle ani. Chumi avang chuan lawmthu ka'n sawi duh a.

A tawpna berah chuan Pu Speaker, kan Excise Force ten theihtawpin hma an la chho zel a, hemi Total Prohibition chungchangah hian Sorkarin theihtawpin hma a la chho zel a, a la mek zel a.

Tin, hetah hien a bik taka Office a, Sorkar nilo, tlawmngaipawl Y.M.A te, Upa pawlte, Hmeichhe lampang te leh chi hrang hrang ten an tawiawmna avang hian a lawmawm hle in ka hria, hemi a rawn tilang hi. Chuvang chuan hei hi lawmthu han sawi a pawmtlak ngei ani tih thu in ka'n conclude ani. Ka lawm e, Pu Speaker.

S P E A K E R

: Kan chawl rih ang a, Dar 2:00 P.M. ah kan lut leh ang. Meeting adjourned.

2 : 00 P.M.

S P E A K E R

: Kan Business kan chhonzawm leh nghal ang a. A sawi duh apiang jin theih ani e. Pu L.N.Tluanga.

PU L.N. TLUANGA

: Pu Speaker, kan Governor hian thu a sawi tam viau a, tah hian lewmthu han sawi theih lohna lai ka hmu nual a.

Phek khatna tlar tawp hian kan Sorkar ngaih pawimawh zawng leh hma chhawp fel hle tawn an rawn sawi a. Chawh- hma lama kan zawhnaah pawh khanin a ground work te kan pelhzia a lang chiang a. Lonei mi leh Huan nei mite tana hmachhawpna hi kan nei zau hle a, kan nei chau hle tih kan hriatna chu Ruling MLA meuh pawhin hetiang kawngah hian Sorkar in hmachhawp a nei em tiin a zawt a. Kan MLA ten tun angah pawh khatia an zawh chuan hmachhawp kan nei fel- lo hle niin ka ring.

Tin, phek 2-na tlar tawp berah Central Sorkar chungaw lawmthu sawi hle tur hian kan Governor hian a ngai a, sentence tawp lamah hianin, peace bonus chungchangah hian Committee pawimawh tak din thu kan hria a. Aizawl tlangahte hial pawh an thu a, chumite rua- hmanna ang ang pawm ni mai awmin a in ziak a. Committee pawimawh tak kha chuan kan ram mamawh ngei puhruk nan loh theih lohva an ngaih an ziak khawm a, crore 447.16 lai ani. Mamawh ngawih ngawih Centralin Sorkar pe se ti a mamawh em em an ziahkhawm kha chu crore 447.16 lai ani. Mehse, a taka min pekah chuan heta ziahkah chuan crore 180 chauh ani. He- ta a ziahnaah hi chuan kan group of Officers pawimawh tak tena an recommend ang min pe anga an rawn ziate hi, kan dil zat, kan beisei zat an recommend zat angte pha lo em em chungin lawmthu kan sawi thei dawn em ni? He group of Officers te hian Mizoram mamawh ngawih ngawih an ziak chhuak a, an recommend zat pawh min pe lo ani a. Chuti chung chuan lawmthu kan sawi zel dawn em ni?

Tin, phek 5 naah hian kan Police indaih loh thute an sawi nual a, chuti chung chuan Law & Order kan kengkawh tha viau e tihte an sawi a. A- maherawhchu, tun kum liamta 1999 chung ngawt pawh khan kan ramah thil duhawmlo tak tak Law & Order in a kengkawh that tawh loh avangin thil thleng a tam em em ani. Chung han thlir chuan kan Police te, kan Sorkarte, han fak vak ngaihna awmin ka hre lova. Tunhnaia thil thleng thar leh zual Lawngtlai Bank rawkte, Saiha incident te ngaihtuah pheh chuan, kan Magistrate te, kan Police te, eng an ti zo ta nge? tualthahna rapthlak takte a thleng a, inphil maite a thleng a, a tam em em ani. Hengahte hian an fail hle tih a chiang a, Chuti chungaw lawmthu han sawi chianma tur ka hre lo ani.

Phek 15-na ah hian State Transport chungchang thua hian Revenue Lakh 241.34 an la lut a tih an rawn ziaka, hemi la lut tur hian engzat nge an sen? tuntuma kan zawhna ah pawh a lang reng a. Transport deptt. ah ngat chuan 1999 chhurng mai pawh khan Nusi 25 leh singkua aia tam an hlauh ani. Mi bumna tur ni awm taka lakluh lam chauh an sawi a, kan hekpui zia sawi silovin han tarlan te hi engnge a awmia, mak ka ti ang reng hle mai. Pu Speaker, kan Governor thusawi tam tak hi mumang ang ruau mai ani a. Duhthusam ramah min chenpui satliah mai niin ka hria, a paragraph tin hi a nihna tak nen han mil ila, han chhut ila, a tak ram a tlem deuhin ka hria. Ka lawm e.

PU H. LALTANPUIA : Pu Speaker, kan Ruling lam M.L.A. te an ngawi riau mai a, min han pa pek deuh emaw chu aw ka ti a, nge ni a tawp lamah an la sawi dawn ka hre lova. Chuvangin, kan sawi ve leh pawp mawi ang e.

Ka sawi hmasak ber duh chu nichina Buarpui M.L.A zahawm tak Pu Lalrinzuala'n a rawn sawi, a bul rawn tan nana a rawn hman. a kha a ni a. Nikuma kan Governor zahawm tak ina 16th March, wawiin ni ang bawka a speech ani a, a address min pek ani a. Tichuan, hei hi tun kum ami ani leh a, phek 24 ve ve ani a. Kan entawn dun vang vang hian Pu Speaker, thil thar teh chiam hi ka zu hmu thei miah lo a, ka hriatna a tlem nge ? saptawng ka thiam lo nge ka hre lo a, amaherawhchu, thil thar dangdai tak, kum khat chhunga hmasawna, a zuana zuang ang chi kha chu ka hmu lo ani.

Tichuan, nikuma a address-na a tih zauhna, a phek a hlai deuh ani mai a. Hei hi a te deuh hlek a. Khami ang zul zui khan a tam zawka hi chu a expansion a rawn siam deuh ni mai hian ka hria. Chuvang chuan, nikum leh tun kum, kum khat kalta chhung hian engnge ni kan ram ina beiseina thar a neih tur le ? kan ram ina thil tha dang kawng thar kan neih a hi a vang viau in ka hria a, kan neih awmchhun hmasa ber, (a phek hmalam atang hian han en ta ila) chu kan Opening deficit ani a, kan State opening deficit nik n khan 79.36 crores ah bul kan tan a. Vawiinnia kan Governor Speech-a a lo tan leh dan chuan, vawiinnia kan current financial year open deficit a chu 145 crore a lo ni ta a. Chuvangin, kum khat chhunga kan deficit a hi 65.64 crore in a lo pung ta ani. Kum khat chhung ringawt pawha 65.64 crore a a pung anih si chuan kum nga te lo Sorkar ta ni ila, leiba kan va ngah nasa dawn em tih hi Pu Speaker he kan Governor Speech a a lanna atang chuan mi a ngaihtuah tir lo theilo ani.

Chutih rualin Peace Bonus

kan tih angahte sum tlem a zawng kan hmuh thu a rawn tarlang leh a. Amaherawhchu, hei pawh hi thil thar teh chiam ni in ka hre lova. Kan House Leader zahawm tak hian Mizoram dung leh vangah Peace Bonus chungchang hi a sawi nasa a, mipui pawhin beiseina sang tak kan nei a. Amaherawhchu, helai a lang, Peace Bonus a Nuai 180 kan han hmuhtharah hian Nuai 90 chuang a kha Interest tel lova loan puk tur, nakina 11th Finance Commission ina kan pawisa hmantur min pek atanga cut leh tur ala ni leh nghal a. Hetah hian document a awm vek a. Chuvangin, Pu Speaker, hemi thilthar anga rawn lang India hmarchhak States 7 leh Sikkim ina kan insem cheng Vaibelche singkhat leh sangkhat chuangah hian Mizoram in kan chan tlem ber thu a rawn ziak ta mai a.

Keimahni aiah rambuai nasa zawk, Manipurte, Assamte, tin, population a keimahni aia tlem zawk mah Sikkimahte an dawna chu kan phalo em em ani. Chuvang chuan, thilthar awmchhun a pawh hi Pu Speaker, India hmarchhakah hian kan te ber a. Pawisa kan dawng tlem ber ani ramna leh muanna nei State ah hian tih hi a rawn terlang mai niin ka hre leh bawk a.

Chuvangin, Pu Speaker, lawmna tur hi kan Governor Speech ah hian ka hmu lo ani.

A dawt lehah chuan, Trade and Commerce chungchangah han sawi leh zawr zawr ka duh a.

Kan Governor Speech ah khan 'The Trade & Commerce Department is in the process of expanding its activities and has plan to have the trade representative in Silchar, Guwahati, Calcutta, New Delhi and Mumbai during the next financial year in addition to opening Regional Offices at Champhai and Lunglei' tih kha Chiang takin a rawn tarlang a.

Hetianga hmalak tum si, wawin ni a Trade & Commerce India ram chhunga hmalakna tur, nikuma kan Governor Speech a lo lang kha wawin ni ah hian a bawhzuina tur a hlawhtlinna emaw a hlawhchhamna emaw hi kan Governor Speech ah hian hriat ka lo beisei em em a. Amaherawhchu, chutianga lem reng reng a rawn lang leh si lova. Chuvangin, wawin ni-ah pawh Border Trade te hi kan la ti theilo anih pawhin, keimah ni ram chhung a Trade representative Silchar ahte, Guwahati etc. ahte neih tumin hma kan la ang tihna lai ahi a rawn lang leh silo hi paw ka ti a.

Wawin ni-ah Bagha thleng a sawhthing an leidan chungchangte kan zuk en ve mai mai a, chungahte pawh chuan Pu Speaker, kan sawi duh chu keimahni hian India ram chhungah rau rau pawh hian sawhthing hralhna tur atan hian a link hi kan lo nei reng reng lo, amaherawhchu, a rugin Bangladesh atangin an lo kal a, Silcharahte, Bagha ahte. Helaiia kan sawhthing control rate hi khulai Bagha Syndicate an tih, mi hausa awmkhawm, an H/S Headmaster, a hote nen khuan pawisa thawkhawmin khumi Bagha hmun atang khuan Kg-ah Rs. 20/- chuangte in an hralh chhuak leh a. Chutianga hnamdangin min control theihlohna turin nikuma Governor thusawiah khan Trade representative te nei turin tan lak anih tur thu te a sawi a. Mahse, chumi chungchang thu chu a lo lang leh si lova, paw ka ti tak zet ani.

Hemi chungchangah hian beibeina sangtak ka nei thin tehlul nen, mahse, beidawnaah min hnuklut leh zel thin em tih tur niin ka hria. Chuvangin, kan Governor thusawiah hian lawmna tur ka hmu lo.

Tin, kan sawi leh duh chu Civil Aviation ah hian a ni a. Nikumah khan Kawmzawl (Lunglei Dist.) ahte, "The Civil Aviation Wing has also undertaken to prepare Project Report for Construction of Airdrop at Kawmzawl" a ti a. Governor thusawiah khan. Mahse, tuna Governor thusawiah chuan chung chungchang chu pakhat mah tarlan ani lova. Nikuma Governor in a sawi tawh thiltha tamtak kha kan hlauh leh ta zawk a. A danga penhleh zawk kha kan expand vak vak mai niin ka hria a. Kan hlam chhiah leh mai dawn ta em ni ?

Tin, Pu Speaker, NLUP chungchangah NLUP hi kan titawp ang tih niin ka hria a, ka hriatsual loh chuan, wawi tamtak question pawh ka siam tawh a kan House zahawmtakah hian. Keini NLUP la dawngve lo bial te hian engnge a alternative tur dang min siamsak rawh u kan ti a. Mahse, hei hi ngaihtuah mek ani tih kha kan R.D. Minister zahawmtak khan min chhanna ani a. Mahse, chutiang chu ka lo beisei em em lain NLUP thlakna tur engmah wawin ni hian a rawn lang leh ta silo hi, pawh tak meuh meuhin ka hria a, mahse, kan Governor Speech ah hian NLUP chungchang hi pawise engemaw zat kan lo nei leh tawh si a. Hei hi khawiah nge an hman tak ang tihte ka ngaihtuahnaah a kal a. An la zewh loh ah khan an bel chho ta nge ni tih kha ka ngaihtuahna hi a tithui em em ani. Chuvangin, Pu Speaker, NLUP thlakna tur, NLUP la dawng ve lo bialte tan he House in a, kan R.D. Minister zahawmtakin min tiante pawh kha wawin ni ah ka beiseina hetah hian a rawn chuan ka ring a, a chuang ta der mai si lova, pawh ka ti hle ani. Chu chu ni mai teh se. Pu Speaker, ka lawm e.

PU C. THANGHLUNA : Pu Speaker, ka lawm e. Hei kan Governor thusawi hi ka han chhian ve thin a. Mahni bial lam concern te thlir loh theih ani lova. Chung te te ah chuan lawmthu sawi har tihna riau ka nei a. A sawi tam hle a, wawin ah hunte a tlem a, kan sawi vek seng lo ang a. Mahse, point tlemte han tarlang ta ila tha in ka ring a.

Ken Governor Address ah khan 'My Govt. remains committed to maintain Law & Order and peace and harmony amongst all sections of the people to protect the security of the State and will leave no stone unturned to apprehend the perpetrators of these crimes' a ti a. Hetih lai hian ka han sawi duh chu a thu hi tha hle mahsela, January Ni 17 tlai a Lawngtlai Bank rawk lo ni ta mai kha wawin niah hian sawi loh theih niin ka hre love. Lawngtlai Bank an rawk lai khan

a rawktute khan hmanrua an nei tha em em lova. Mahse, a vengtute ithlahdahna avangin a vengtute silai hmangin kha Bank kha rawk ani ta a. Mipuite rikrapin mipui lam hawiin an silai te an kap a. Mi inte an kap ani. Vanneih-thlak takin Civil mi hliam leh kahhlum an awm lo a. Tichuan, kha Bank rawk zan pawh khan a rawktute an tlanbo a, silai an kah tuar hnu ah tlan chuakin kan Police te Thana lamah ka Phone a, lo kal vat turin ka sawm a. Mahse, darkar chanve hnuah pawh an peih thei tlat lo ani chutiang chuan kan C.M. zahawm tak leh kan Home Minister zahawm tak pawh telephone in ka hrilh a. Anmahni ka be thei lova, mahse midang duty te hmangin ka hrilhah ka ingai a. Chutiang chuan, tlai khawhnu a a rawktute an tlanbo vek hnuah Police Inspector pakhat a lo kal a. Bank chung enpui turin ka sawm a. Chu pawh chu a duh lo. Mahse, YLA hotute nen a banah kan pawt lui a, kan lut a, pawisate chu a tel telin Bank chhuatahta a la let rum ani. A thawktute reng reng hmuh tur an awm lova, an thi ta nge tiin reitak kan awm hnuah cashier leh Cash Officer chu strong room chung atangin an lo chhuak a, zam hmel an pu lo. Khami atang khan keima rilru a thil lo awmdanah chuan kha Bank rawk, thil lo thleng a kha tute nen emaw tang-ruala thiltih a ang hle in ka hria ani.

S P E A K E R : Bank rawk chungchang kha Case awm mek ani a, chhui mek ani a, kan danin he House-ah sawi a remti lova. Member ten kan hriat a tha ang a.

PU C. THANGHLUNA : Pu Speaker, engpawhnise, ..

S P E A K E R : I sawi theih chin chu a chhui-dan kalhmang emaw, hmachhawp chin inzauh chu phal ani a, a piahlam kha chu kan danin a remti tlat lo.

PU C. THANGHLUNA : Pu Speaker, Case kal lai tihah Court-ah a kal em ni ?

kha kha chu Department in thil an chhui ani mai a. Engpawh-nise, khalaiah khan kan sawi duh chu, khatiang taka Bank. rawkna ropui bik ani chung pawha waviin ni thlenga thil sua titute man an ni lo hi mak ka ti a. Sihtlangah waviin ni ah pasarih chu an awm reng ani. Pahnih erawh chu an vak bo tawh. Chumi pasarih awma chu waviin ni thlengin Police te hian engahnge an man theih loh? "Mizoram Police te hi India ram Police tha berah kan siam ang" in ti ani lawm ni? waviin ni ah Bank rawktute an la man thei lo kha mak ka ti a. Tunah hian kan hriat danah chuan a chang changin an aw-puite hnenah pawh an la riak ani. Chu chu man theih an ni tlat lo. Chumi kelzelah chuan Lengmaksuk khuaah pawisawilo kahhlumnate a thleng a, chumi hnuah Jailah pawisawilo kap-hlumtu Hav. Bahadur pawh chilhlum a lo ni leh a. Mipui thin-rimin heng atang hian sawlaiah sawn mipuih peace and harmony a awm tak tak lo niin ka hria a. Chuvang chuan helaia Governor thusawiah hian a takna a awmlo deuh a ka hriat avangin lawmthu sawi har hlein ka hria a. Chhimlamah chuan buai namen lovin kan buai a, kan Police te pawh kan dem a ni mai thei. Fel tak tek an awmlaiin sawlaiah Police a tha lo ber ber leh a hmantlak loh ber ber min dahsak thin hi, sawtiang anih chuan buaina a awm zel dawn a. Kan Police tha deuh ho hi min dahsak ve tawh thei ula a tha in ka hria a. Chu chu kan Sorkar te hriatah pawh han sawilan tulin ka hria a.

Tin, phok 12-naah khan kan Governor thusawiah khan R.D. Block te pawh block thar, Block riat lai hawnbelh turin a tarlang niin ka hria a. Chutah chuan, ka sawibelh duna chu block 8 hawn tura kha chumi, khami laiah hawn tur ani ang tiin sawitlang ni thei se a tha in ka hria a. Amaherawhchu, sawitlang ani tlat lova, khawiahnge Block thar hi hawn anih ang? entirnan Mizoram block zawng zawngah hian Lawngtlai block tluka block lian hi a awm ka ring lova, a mipui thuah pawh a population, a area zau zawngah pawh block thar hawn belh hi a phu hliah hliah ani. Governor thusawiah hian kan lo lawm ve viau anga, amaherawhchu, block thar hawn hunah hian Lawngtlai block hi then ani leh si lovanga, a aia te te kha, block hniah then ani ang a. Lawngtlai block kha a ngalin a awm leh mai ang tihte kha ka ring a. Chuvangin, waviinah lawmthu han sawi vak pawh hi nakinah kan lawmlahna tur ani leh mai ang tih ka ring a, chu chu han sawi lan tha in ka hria a.

Tin, phok 16-naah khan, tui intur tha thingtlang mi leh khawpui lam miin kan neih theihna turin, ngaihtuahsak zel anni ang tih, Governor address ah khan a awm a. A thlamuan thlak hle a. Mahse, mizorama khawpui thenkhat Lawngtlai tia lek lek te, a aia te te, tuiin tur tha tak tak pek annih laiin, Lawngtlai tui har lutuk waviin ni thlenga Greater Water Supply Scheme emaw, engmah waviin ni thlenga sawilan la awm ve lo hi, paw ka ti lo thei lova. Chuvangin, Chhimlam hlamchhiah

zel in kan awm a. Governor address ah pawh sawilan kan la ni lo zel hi, lawm harsa ka ti a. Kan mamawh tak tak thawh tur emaw thawhtawh saah emaw, keini Chhim lam reng reng hi a hming a lan ve ngai loh avang hian lawm harsa ka ti em em ani.

Tin, Co-operative chungchang kha. han sawi leh lawk ta ila, LPG connection chungchangah khan Ngopa, Khawzawl, Lungdar 'E', Thingdawl, Kawlkuh, Thenzawl, Tuipangte, 500 connection pek anni e, tih a awm a. Lawngtlai khawpui ve tak si, hengho aia khawpui lian zawk si, thingtuahtur supply awm tawh silo. LPG connection kan neih ve theihna tura, vawiin ni thlenga hmalakna awmla te hi, hetia sawichhuah a lo nih tak si ah chuan Lawngtlai khawpui tan ruahmanna awmve loh reng reng avang hian, a bial neitu tan chuan lawm thu sawi tur awmin ka hre lova, Pu Speaker lawm harsa ka ti em em bawk ani. Ka lawm e.

S P E A K E R

: Pu R. Lalzirliana, a pharmacist, han sawm ila.

PU R. LALZIRLIANA

: Pu Speaker, ka lawm e. Kan Governor Speech hi a sei a. Radio ahte a sei zia kan lo hria a. Sawi tur a tam khawp

mai a. Kan sawi zung zung mai ang a. A bul lam atangin tan ila. Para thumna ah hian Peace Bonus tih hi a lar khawp a. Min pe tak tak dawn anih chuan a lawmawm ka ti khawp mai a, a tlem emaw a tam emaw, helaia kan Budget piah lam a kan dawng anih chuan lawmawm ka ti hrim hrim mai a. Mahse, chutih lai chuan vuina ve deuh ka nei a, helaiah North East State ah a tlem ber lawrlak mai kan han ni hi chu a vui thlak viauvin ka hria a.

Tin, vawiin ni a a dawng tam tam ahi hel State tih theih mai annih hlawm avangin, Peace bonus pawh nilovin hel bonus kan lo dawng ve ni hian ka hre deuhhleka. Lawmna tur hi min pe tak tak dawn anih chuan awmah han ngai teh phawt ila. Mahse, kan sawi hi a tam tawh a, kan lo lawm ve thin a, Sorkar Deptt. tinah te han kal ila, pawisa awmlah thu hi an sawi leh thin si a, khatiang kha chu ani em tawh lovang chu tih kha lo beisei phawt ila.

Palina ah hian Sorkar hnathawk te hlawh pek theih chungchangte hi lawmna tura ni ang em aw ! ka ti a. Ho hi ka ti khawp mai a, Sorkar hnathawkte hi

chu hlawh hi an hmu hrim hrim tur ani a, an thawh hlawh ani a. Sorkar bat liau liau ani a, hetiang pe thei nih hi inchhuanna turah ka ngai reng reng lo mai a. Tichuan, MLA te hlawhte kan ti pung a, Car te min han leisak a, keini ang mirethei deuh phei chu kan lawm viau a, mahse, chutih lain MLA pension tawhte thla 8 kalte daih khan an hlawh tihpun ve kan remti daih tawh a. Vawiin ni a engmah an la ni lo hi chu a paw ka tihpui ani.

Tiang chuanin, helaiiah Retailer te, Contractor te, mirethei te te retailer te anni a. Contractor sum ngah deuhthe pawh vawiin ni ah Treasury ah han kal ila Vaibelchhe tel batsakin an awm mek a. Tiang chuanin, Sorkar hnathawkte hlawh pek chungchangah hi chuan lawmna tur hran a awm lova, an arrear pawh kan pe thei bawk lova, zirtirtute, College Lecturer te hengte pawh an arrear pek lohvin vawiin ni thleng hian kan la awm hi paw ka ti a. Lawmna tur hranpa hmu hian ka in hre lem lova. 8-naah hian Assam Rifles ho chungchangah hian kan C.M zahawmtak te leh Ruling Party lam atanga an PR te han en hian chhuak mai tawh tur ang hian a lang a. Hmanni lawka Delhi lam zin hawng phei chuan Mizoram Sorkar kutah an chhuah leh chhuah loh hi a awmta e tih hial kha awmin ka lo hria a. Nimahse, kan Governor thusawiah hi chuan theihtawpa an chhuahna tur a beih mek a la ni chauh hian a lang a. Chuvangin, thil hi kan lo sawi advance deuh thin nge kan beih deuh hle a ngai awm mang e aw, helai AR chhuah thu-ahte hi chuan lawmthu sawi tur a la awmin ka hre lova, sum leh pai tamna lam deuh hlek, sawlaia kawnglaihahte saw chuan a in rawlh lo turte hi kan inrawlh nual thin em ni tihte min ngaihtuah tir ani.

Tin, hei kan State deficit hi a lo pung ta tual tual mai a. Hengte phei hi chu in warningna ani a, lawmthu sawina chi reng ani lo ani. Tun Sorkar thar a lo din khan 79.36 chauh deficit ani a, kha kha Congress Sorkarah khan Kum 10 chhunga deficit an kelsan ani. Vawiin niah chuan 145 crore a lo kai ta a. Hei hi Financial Year vawikhat in han hmang ve a, chutah chuan Vaibelchhe 56 lai deficit in nei hman ta a ni. Hei hi Sorkar hmasa nena khai-khin phei chuan kum 10 lo Sorkar ve ta ula Vaibelchhe 572 in in deficit dawn a lo ni reng mai. Chuvangin, in tan a ngai hle a, hetah hian theihtawp chhuah leh zuala in awm loh chuan in Sorkar hmasa kum khat leh a chanve vel in Sorkar khan Vaibelchhe 54 in deficit hman a, kha pawh kha vawiin niah chuan in tluk ta lo anih chu. Chuvangin, hei hi in enchian a pawimawh hle mai.

Para 10-na pakhatna ah hian Peace State, India rama State ralmuang ber kan lo ni ta te hi lawmawm kan ti a. Hengte hi lawmthu sawina tling ani a. Keini Congress Party phei chuan lawmthu kan sawi fo thin a. 1984 a Congress a lo Sorkar khan khatih laia C.M. Pu

Lal Thanhawla leh a Cabinet ten theihtawp chhuah in mahni lal thutthleng pawh namthlu duhin chu remna chu vawngghim zel turin kan phut che u a. A duh pawh kan duh tak meuh ani. Mahse, chutih lain helte hian kan ramah hian bu an khuar nghet ta lutuk em ni aw tih turin a lo awm ta a. Tun Sorkar hun reilote ah pawh hian. Police eng emawzat min thah sak a, chu Police min thahsakna ami ngei chu tun kum thar bawr velah khan ngam takin min rawn kap leh ta ani. Chuvangin, kan Sorkar hian helamah hian tihtur tam tak in nei a. Kan Police huaisen tak tak kan MAP te hi kut lukhum in vawin niah hian in dah ta ni te pawhin a lang ta ani. Sorkar hmasa lam kan en chuan min rawn beitu an awm chuan kan chhehvel State ah pawh lutin hmun dang dangah kawng te zawhin mi State ah te pawh an zuk inkap hial ani tih kan hria a. Chuvangin, heng hi kan hotu ten in ngaihtuah nguna in en zui te pawh tha in ka hria a. He laiah hian kei ni ang mimawl tan hian chuan thil hriatthiam ve hauh loh mai ka nei a. Para 15 pakhat naah khan in thil hriatthiam hauh loh mai ka nei a. Heng hi nangni kan hotute chuan Switzerland of the East ahte min siam in tum a, Switzerland atanga in zu chawkchhuah nge ka hre lova.

Diesel Hydel Generating-a Tuirivang, Khawiva, Serlui (a) and Tuipui tih a awm a, hetiang te hi engtizia nge ni Diesel Hydel Generation Station te, hengah hian kan lo neih tak mai. A tha viauva, a pe chhuak chak viau dawn em ni ? current tihte power tihte pawh hi min ngaihtuah tir a. Hengte hi nakinah min sawifiah sak sel ka duh ani.

Hei 17-na pakhatnaah hianin NLUP ah kuminah Nuai 1467/- kan hmanga, kum lo kal turah chuan Nuai 393 chauh ken nei dawn ani tih kan hria a, he thil ka han hmuh hian kut hnathawk, lo nei mite tan lawmthu sawi chu sawi loh, beisei a bo vek ani. Nichina ka hma a an sawi tawh ang khan khawiah nge NLUP thlakna tur programme in neih ? tih hi ka zawt duh che u ani. Programme mumal nei si lova mi thil tih that sa vawin ni a hetiang anga a zuih telh telh mai a kan hotute min beiseina sang tak an neih lain awm mai hi a paw ka ti tak zet zet ani. Lawmthu sawina tur Governor thusawiah hian a vang hle in ka hria a. 17-na pahnihnaah hian in EAS chungchangah hian Nuai 333 kumin chungah khan kan hmang ani a, hengte hi a tam khawp mai a, a hmanna tur dik takah hmang ila chuan awmze nei tham ani. Amaherawhchu, heng in hmanna hi in ngaihtuah let duh chuan December 13 vel a DRDA a work order in chhuahte kha a tam em em mai a, khangho zawng zawng kha vantlang kutah a lut lova, MNF unit kutah a lut fai vek ani. Chuvangin, tun hnuah chuan EAS pawisate hi in neihin sum pawh nilo Central atanga min rawn pek ani a, anihna tur leh a hmanna tur dik takah in hman hi kan phut tlat che u a. Tun hnaiah phei kha chuan, nimin piah lawkah kha ta in sema te pawh kha Tuikhur hiah nan an va hmang ve chhin a, mi 26 an va thawk a. MLA te TA neih zat Rs. 350/- in an insem ani. Khatiang mai mai a in sa

....70/-

lem tur kha chuan Central Sorkar pawh hian minrawn pe fo lovang tih hi a hlauhawm hle in ka hria a, kan hotute heng hi kan hrilh duh che u ani.

Tin, hei nikum kan Governor Speech ah khanin **sub-division** 13 lai lo ruahman State tih puitlin thuai tur anih thute kha kan hmu a. Vawiin niah hian tih puitlin a awm ta em? Keini Saitual bial, Saitual sub-division te pawh kan lo nghakhlel em em a, hmanni lawkah C.M. Adviser te han kalin midangte pawh an han kal chamchi a, a signboard terna turte lam khan kan han en a ni a. Mahse, vawiin ni ah hian a reh leh ta vang vang mai a. Vawiin ni a block 8 hawn belh tur anih thu in sawi ang lek hian heng block 8 te pawh hi a thamral mai ang tihte pawh ka hlau a. Khanga an thusawi tawh kha sawinawn leh a ngai tawh hleinem in ti anih chuan, awle a lawmawm e. Amaherawhchu, thil mite hnenah beiseina kan siamsak a, mahse, beiseina kan siam anga kan tih loh chuan miten min nina tur leh min rinlohna tur a kha a lian hle dawn ani. Chuvangin, kan thusawi ang hian kan awm ang a, beiseina mite hnenah kan siam chuan chu beiseina ang ngei chuan a hlawhtling tur pawhin kan umzui pui tur niin ka hria a. Chungte chu, Pu Speaker, hun dik taka vawng chungin ka han sawi duh ani e. Ka lawm e.

S P E A K E R

: Pu Nirupam Chakma hi nichin atang khan a lo phar tlat. Hemi zawhah Pu K. Thangzualla.

PU NIRUPAM CHAKMA

: Pu Speaker, thank you so much for giving me time. Mr. Speaker Sir, since the Hon'ble Governor has said this is the first Session in the new millenium. I thank him for his address to the House, which he trusts will take us into a new era of growth and prosperity. This is his wish to all of us. Mr. Speaker Sir, in paragraph 2 the Hon'ble Governor has mentioned that in the 4th Legislative Assembly Session which he addressed on the 9th December, 1998 I quote 'I had outlined the priorities of my Government which is achieving **sufficiency** in food, evolving a new economic system to end our near total dependency on the centre and thereby putting our finance in order, creating more opportunities for generating income, seeking a lasting solution to the problems on the social front and promotion of trade and commerce'. This is what he said as

the outlined priorities of the Government. I am utterly disappointed because we do not find any concrete programme policies of this Govt. which be shown to the people of Mizoram State. The previous Govt. has adopted a policy is New Land Use Programme for uplifting the rural people. The poor people in the villages, it was a new policy at the rate of thirty thousand rupees a family can get a financial assistance has a grant need not repaid to the Govt. And he can choose the trade of his own choice. But unfortunately during the last four three Sessions, I had mentioned the initiative taken by the Govt. to do NLUP Programme. However, I am happy still that this programme covered upto 200, as Hon'ble Rural Minister mentioned in the earlier Session but what will happen after the programme end. What is the alternative programme of the Govt. we do not find so far after the lapse of one year also the Govt. could not come up with the concrete programme of the rural people. What is the initiative I am disappointed.

Here we find if you see in the paragraph 11, My Govt. continued to accord higher priority to achieving self servicing in food production. The gradual step towards mechanisation of Agriculture continue to programme. What is the gradual step we talk of mechanisation? How many Bulldozer had been purchased? What will be done for utilising Bulldozer? will the people to use it in which area what is the mechanism? Mr. Speaker Sir, I think the policies are not clear, the Govt. policy is not clear. And indigeneous system of farming introduced as alternative destructive shifting cultivation well and good. We should strive to this shifting cultivation and for that your programme has to evelve. It is good that this system is also introduced. But where is the scheme? how much money is to be given to an individual family which areas are selected? we do not find anything. In the land use programme if a person choose wet rice cultivation he will be given 30,000 rupees. If select one per one family for feed terracing how much money is to be given to him? whether it should be Departmentally are implemented, how many feed one person should do, there is no policy. And I am very very sorry that after the last one year the Government cannot come up with a clear policy.

For the purpose of Self sufficiency in foodgrain, Meghalaya soil is O.K. But there should be clear cut policy. Other system off, let us say big system is O.K. But there should be clear cut policy. However, it is difficult to appreciate Mr. Speaker, in Horticulture, if we look at the Government policy, we find that such and such will be given, such and such item will be encouraged. I want to know where these programme will be implemented? whether this programme will be implemented in those areas where NLUP is already implemented. As the Hon'ble Members have already pointed out, there are

twelve number of lapse in Rural Development in Mizoram. Where people did not have the benefit of NLUP Programme which our previous Government was ver much determined to contribute, but this Government is discontinuing, does not intend to continue.

Therefore, Mr. Speaker Sir, where any NLUP is implemented we are eagerly waiting the alternative Schemes of Government. Let our Hon'ble C.M. announce on some programmes a clear cut policy, if there is noting, let it be openly expressed in this House.

Mr. Speaker Sir, we have seen about the Peace bonus, I want to know how much Peace bonus ? what is the amount we received in terms of Peace bonys in Mizoram ? every time Chief Minister goes to Delhi we learnt that something is brought. Some peace bonus is given. Prime Minister Vajpayee has announced 180 crore rupees in Shillong. Whether before that any peace bonus is given for Mizoram. Our Hon'ble Chief Minister, the House Leader here if he kindly give us that information I think it will be beneficial for the Members to appreciate this general attitude of the Government of India. Mr. Speaker Sir, the Law and Order situation has already been mentioned by some of our Hon'ble Members. The Law and Order situation is somewhat in pitiable condition. Because it is unimaginable that there is no protection when the Bank is looted. It is very shameful ! That there is no protection from our sentry or the guards. Mr. Speaker Sir, I have many things to say but due to paucity of time. But however we may have a chance in the General discussion and Budget discussion. But however these some of the points I have pointed out, I shall be very happy if Hon'ble Chief Minister can clarify.

S P E A K E R

: Aw le, Pu K. Thangzualla i lo sawm leh ang.

Er. K. THANGZUALLA
MINISTER

: Pu Speaker, Ka'n sawi ve duh chu, hei Governor Speech hi chhiar dan kawng hnih a awm thei a. A lawmawm lohna lam-pang rirua awmsa thei viauva.

Mahse, kei ka lo chhiar ve danah chuan, a lawmawmna hi a tam riauvin ka hria a, chumi ka zuk tihna chu, Nikum March Ni 16 a, kan Governor thusawi a, Department hrang hranga hmalakna turte, hmalak mekte a han sawi leh kumina a han sawi hi ka'n chhiar tawn a. Sorkar hmalakna tur thil thar tuna Governor thusawiah hianin a inzep teuh maiin ka hria a, a sawi hmasaka, Sorkar hmalakna lo lang silo. Tuna thil thar Sorkar hmalakna tur lo lang thar hi a tam viauvin ka hria a. Chu chu, chuta tang chuanin a then chauh han sawilan ka duh a. Hei deficit finansial te hi Central Budget te kan thilir chuan deficit Budget a sang hle mai a, Crore Nuaikhat chuang niin ka hria a. Finance Minister in a hrilhfiah naah chuan Ram Development hi nasa taka thawh kan tum a, mirethei leh harsate chawikanna hna kan thawk dawn a. Chuvang chuan Plan Budget atan hian pawisa kan dah hmem em em mai a. Hemi a deficit na hi kan ngaihtuah theih kan ring a, tih ngei pawh kan tum ani. Chuvang chuan, tuna kan Budgetah pawh a hma aia deficit a lo san chhohna hian a entir chu Ram Development hi nasa zawkin Sorkar hian a kalpui dawn a, he a deficit na pawh hi kan hmuhchhuah theih ngei kan ring a. Chuvanga, hetiang Budget hi kan Governor hian a rawn tar chhuak ani a, chuvang chuan hei hi a lawmawm na tak pakhat niin ka hria a.

Tin, thil thar kan hmuh leh chu Road Communication chungchang ah hian ani. Sorkar hmalakna tura thil thar lo lang chu a hma a kan la hriat loh National Highway 44A Sairang - Manu, National Highway 150-na, Seling - Kohima tihte, heng National Highway thar kan han neih belh ringawt mai kum khat emaw lek Sorkar chhunga hma thar Road Communication chungchang thu a lo lang te hi ropui ka ti a. National Highway pakhat sual chhuah pawh hi a harsa em em mai a. Hetiang a a rual a paknih an han sual chhuak theite hi Sorkar hnathawhna hi ropui ka ti a.

Tin, kawng siamna lampang a agency emaw a hnathawktu kan la hriat reng reng lohte Governor thusawiah hian a lo lang a, NABARD te hi kan lo hriat dan chuan Agriculture lamahte chuan kan hre tawh thin a, anni atang chuan Road Construction pawisa te hi a hmuh theih ngai tih pawh hriat ani lova, tunah chuan NABARD atang hian Aizawl, Reiek, Lungdar tihte Rawpuihip ahte hian pawisa tam tak alo awm a. Heng ringawt mai thil thar pawisa hmuhna thil thar Sorkarin an hmu chhuak te hi a ropui ka ti a, heng ringawt pawh hi a lawmawmin ka hria.

Tin, thil thar dang leh chu kan la hriat ngai loh Education lamah hei hi Engineering College hawn turte, Science College full fledges service College a hnan liau liau a hawn tur lo langte hi a ropui hle in ka hria. Hei hi Education lama nasa taka kan hmasawmna tur hmalakna ani. Engineering College neih harsatzia chu North Eastern ah hianin a awm hmasa ber 1955 khan a ni a, Guwahati hmunah. Chuvangin, a North Eastern

a Engineering College kan neih hmasak ber, deuh chauh ani mai ani. Chutiang khawpin Engineering College hi neih a har a. Mizoram kan han neih mai tur hi a ropui hle in ka hria. Hengahte pawh hianin lawmthu sawi mawlh mawlh tur niin ka hria.

Tin, a dawtah hianin tunlai khawvel intlansiaknaah Information Technology lo lang tel hi ropui ka ti leh a. Tunlai chuan Information Technology ah leh Electronics ah hian khawvel an intlansiakna sa hle a. India ram pawhin nasa takin tan ala Centralah kuanin IT Ministry a hranin a ding tawh ani. Tin, kan chhehvel States ahte pawh. Tripura te pawhin IT Ministry leh Department hi a hran liau liau in an lo din tawh a. Chuti khawp chuan States intlansiakna a nasa tawh a. Kan Governor thuwawiah hian I.T development chungchang thu leh Electronic development chungchang thu ah hian a thusawi "At par with more advance States in the field of Electronics and I.T" tih a rawn sawi hi hmalakna tur kan thenawm States hmasawn zawk nena umpha tura hmalakna tura rawn sawi chhuak hi ropui ka ti khawp mai.

Tunah chuan T.V Conference te an ti tawh a ramdangah leh khawvel hmundangah chuan. America ram daih atangte khan Delhi a Conference te kha an rawn address a. Zawhna zawt rawh u an ti a, an zawt a. An chhang leh nghal mai a. Room khata awm ang main. Chuti khawp chuan hemi I.T development ah hian min an lo sang tawh a. Hetianga hmalakna turte kan Governor Speech a a lo tel hi ropui ka ti hle a. Tunah kuan Central ah hemi Mizoram ah pawh hian hetiang Central Electronics Design & Technology of India tih Centre hi an rawn hawn ve mai pawh rin theihin Minister kan kawmnaah a sawi a. Tun Ni 24 hian Meeting an nei dawn nghe nghe a, chumi ngaihtuah tur chuan. Chuti khawp chuan kan State ten heti lama hma an la hi ropui ka ti a, lawmawm ka ti a.

Tin, hei A.H. & Vety hi en leh ila, tunhma a kan hriat ngai loh hmalakna tur thil thar ropui tak tak a lo lang leh a. Modern Animal Feed Plan tihte crore 23 man tihte, Tin, pigery Village crore 19.25 tihte, hengte hi Mizorama kan la hriat ngai loh tun kum khat chhung leka hetiang ang Scheme ropui a rawn chhawp chhuak a. A ropui hle in ka hria a, lawmthu kan sawina mawlh mawlh tur niin ka hria a.

Tin, Governor Speech ah hian Sericulture lam a lang lona a, Silk development Project chungchang thuah te crore 10 project tunah hian ngaihtuah mekin a awm a. Hei hi peace bonus zinga ngaihtuah tur zingah a telin ka hria, hei pawh hi sawilan ni lo mahsela thil lawmawm tak niin ka hria a. Chu chu kan Governor Speech hi Department hrang hrang ah tunhma a thil lo lang ngai lo, development thar lang a tam em em

mai a. Lawmawm ka ti em em mai a, Sorkar hmalakna tur hi ropui ka ti a. Chu chu kan sawi ve duh ani. Ka lawm e.

S P E A K E R : Pu P.B. Rosanga, kamkhat lek ka'n sawi anga, hei tuna information ka hmuh danin Lok Sabha Session vawiin chawhnu hian Mizoram tan Central University din phalna pass ani e.

PU P.B. ROSANGA : Pu Speaker, kan han sawi tak kan Governor Speech-ah sawi duh pahnih, khat ka neih a awm nual a. A hmasa bera ka'n sawi duh chu phek 2-na paragraph thumna peace bonus chungchang thu hi a ni a. An sawi ri tam tawh viau a, tin, Mizoram-in kan thupui ber pawh ani awm e, tunlain Zoram kil tin a deng chhuak a. Tangka vaibelchhe 180 lai Prime Minister ina hmarchhak mite harsatna bik, chhawmdawlina tura cheng vaibelchhe 10271 a rawn sem zing atangin heti zat hi keini Mizoram Sorkarin kan lo chang a, engpawhnise, awmlo atanga hetiang lo awm hi lawmthu sawina tur engemaw chen chu awmin ka hria a. Amaherawhchu, uluk leh zuala zuk bihin he thil hi naupang lawm deuh mai ani em? Hemi vaibelchhe 180 lo awm theihna ni a lang hi chu kan hriat tawh ang khan Central Finance Ministry ina Mizoram harsatna bik atana en tura Committee a siamte recommend-na ani e tiin kan Governor address hemi paragraph tlar tawp lamah hian a ziak a. Report and recommendation of the Group of Officer constituted by the Ministry of Finance te recommend-na angin 180 hi min pe niin a lang a. Chung mite recommend-na han en chuan Cheng Vaibelchhe 82.45 hi non-plan a liability kan neih sa, kan leibat sa, kan thawh bat sa rulhna tur ani a. Chu pawh chu hnabik atan niin alang ani.

Tin, hei hi a tak tak a Grant anga min pek 'one time grant' tiin an ziak a. Chu chu ka ngaihtuah thin a. Kan Governor address ah hian tun Financial Year kan tan dawn hian Vaibelchhe 145 closing deficit a awm a tih kan hmu a. Peace bonus ve lemah chuan hemi 145 vaibelchhia te hi min lo rulhsak se chuan lawmawmin ka ring a, ka han pah chhin thin a, a bang hi vaibelchhe 53 dawn lai leibat la awm la thut beh kan nei ta chauh anih hi. Peace bonus kan sawi uar fu hnu pawh hian.

Tin, a 82 pawh chu thil thar ni lovin non-plan a liabilities kan neih min rulh sak nan ani a. A hrehawm hle in ka hria. Kan House Leader ngei pawh hian ngaihtuah Chiang se tha in ka hria. Hei hi chu tute tawngkam takin emaw, vaihmuam telel niin ka hria a. Lawmna

tur tling chu tling se hemi kan leiba awmsa nikum April thla tan dawna kan deficit awmsa vaibelchhe 145 tal te hi chu lo zuk dil chhuak sela chuan ropui hle in ka ring a. Chu pawh chu tling lovin Rs.82 khelai ami bik tur atan chuan min pe niin alang a, an document han en hian.

Tin, a dang leh vaibelchhe 93.50 Long term soft-loan a min pek ani a. Kha 180 zing atanga vaibelchhe 93 leh a chanve a puka puk anih chu kan peace bonus chu ! chu pawh chu mipui kuta lut tur awm miah-lo. Nikum May thla leh tun March thla tawp inkara Sorkar hnathawkte hlawn tihpunna tur liau liau ani a. Mipuihan chanvo tur, kan Agriculture development tan emaw thil dang tan emaw hlawn leh hlepna mipuite tan chuan a awmla ani. Amaherawhchu, kan Sorkar hnathawkte hlawn thla 10 leh thla 1 chhung ami tur atan long term (soft loan) a interest awm lova pugin min pe niin a lang a. Khami han belkhawm kha vaibelchhe 180 chu a lo ni ta a.

Pu Speaker, a tak taka zu ngaihtuah chuan naupang thuchhe dawn hlimin kan hlim ve mai mai niin ka hria. A hminga ram hruiatutura ngaihte hei hi kan hlimpua, hahipa kan puang hi chu a phu lem lovin ka hria. A chhan chu kan thenawm State chante kha han en ila, a then chuan vaibelchhe sanghnihte an chang a, a then chuan Vaibelchhe sangthum te an chang a. Chuti lain kei nin vaibelchhe 180 kan chang a. Chu pawh chu dik tak chuan pukte a la ni leh ta nghal a. Chutiang ang kan lo hlimpui ve em em hi chu Zoram mipui hi kan bum palh ang tih ka hlauva. Public Leader a ngaih hi chuan anih dangang hian mipui hnenah huaisen taka kan hrilhfiah a, heng atangte hian mipui mimir tan chuan hlawn hrampa a awm loh tur thute pawh hi kan sawifiah a tha in ke hria.

Tin, Law & Order chungchang hi tawite han sawi ka duh leh a. Kan Governor in mitinte ral-muang taka an awm theihna turin Law & Order tha taka ken kawh anih zel thute a sawi a. Amaherawh chu, nichinah kan hriat belh a, Bank rawk thute kha, ka rilruah Bank rawk-thiam an Sorkar a, Bank rawk a hluar dawn emaw ni chu aw tihte ka ngaihtuah.

Nichina Lawngtlai bialtu zahawm tak Pu C. Thanghluna'n a sawi kha chu dik ani lo thei lo ang a. Khatiang khawpa Law & Order tlakchham kha khawvelah hian a sawi thei an em tih ka ngaihtuah a. Pu Speaker kha mai kha ani lova, khami nghawr velah Lawngmasu ah chuan mi pawisawilo kahlum ringawt ani a. Mi pakhat dang kahliam ani bawka. Chu chu mi rilru chianguanglo thiltihte pawh ani thei e. A enga pawh nise, khang thil chu a thleng zo tawh a. A la rapthlak leh zuala ka hriat chu Jail chhung ami, khawvel ngaihdanin Jail chhungte chu himna tur a ngaih ani a. Mi

tha anni emaw, thalo anni emaw, an taksa chu a him tur ani a. Jail chhung ami va phin chhuaka, rahhlum rik ngawt mai an awm te kha chu Home Minister ni ilang chuan, moral responsibility avang hrim hrim pawhin kei chu ka bang ang. Heng aia Law & Order awmlahna hi khawvelah a awm thei dawn em ni ? Jail chhung ami mipui in va phin chhuak a, rahhlum theihna ram hi hmundangah a awmve thei ang em tih hi ka ngaihtuahnaah a awm ani. Khang mai kha ani lova, ka bial ahte, Suangpuilawn bial ahte, khawtlang lamahte insurgent group chi hrang hrangin mipuite ah chhiah an khawn mek reng a. Kan Police outpost te an suam a, an that a. Sorkar silaite put bo in a awm a. Sorkar State Transport bus te miin an hal a, insurgent group in. Chungah chuan engmah administration lam atang a an hnathawh khang ang thil a an va chhui an result hriattur public ah kan nei lo ani.

Nikum maite khan Ramhlun Veng ah tangka note siamna khawl an man tih kha chanchinbu ah kan hmu a, engtingge kha kha an tih tak tihte pawh hi Sorkarah mipuiin hriat tur kan nei reng reng lo. Heng zawng zawng han ngaihtuah hian kan ramah hian Law & Order a awmlo ani lawm ni ? Ramnuai Sorkar ang vel kha kan niin ka hria. Miin an duh duh an ti thei ni ta ber ani lawm ni tih hi ka hmuhdan ani. Chuvangin, hengah hian a neitu kan House Leader hi chuan mawphurhna a nei thuiin ka hria. Chuvangin tan lak a ngai hle ani lawm ni ?

A pathumna ah chuan, kan ram mipuite ei leh bar ah an intodelhna hi kan Sorkar dinglai te au hla ber ani a. Mahse, waviin ni ah kan thlir thin a. Agriculture ah, tunah kan Financial year chhunga kan budget ah hian Land Development ah Lakhs 100 ti te ka hmu a, mahse, waviin ni ah hian Agriculture Department hian heng tangka hmang hian mipuite hmuh tur hna an thawk em ? an Office ah wavi tam ka kal a. Eng eng emaw ka zawt a. Mahse, Chawngte bialtu sawi ang khan Mechanization tihte kan House Leader in ama Portfolio ngei a sawi tam kha ani a. Khawilalahnge an mechanize ? Hengte hi min hrihfiyah a ngai hle in ka hria. Khawilalahnge khawl hmang emaw a kan kut hnathawktute ko zanna tura hma an lakna hi ? sawi tur an nei em ? Horticulture han en phei chuan nikum April thla khan chhun zan zawmin sawhthing chi Loan an ti a. Assessment an zo chauh a. Tuman sawhthing chi Loan an pe lo. Chumi hnuah sapthei an ti, tunah engnge ni ta ber ? Kum 1 kan vei a. Hengahte hian sapthei chungchang thu-ahte khan lo hal hnu ah a chi ngaihtuah turin kan ngaithla a. Kha kha Sorkar bkalhmang em ni ? Sorkarin Plan a siam ang a, chu ang chuan an thawk tur ani a. Heng tam tak zingah 3 lek kan sawi ani a. Kan Governor thusawiah hian lawmna tur ka hmuh chhun chu phek 5-na Para 10- (2) ah hian Home Guard Duty Allowance Rs. 144/- atanga Rs.200/- a an tipung hi chu ka lawm khawp mai. Hei hi an pe tak tak em ? Chuvangin, kan Governor thusawiah hian lawmna tur vang hle in ka hria.

PU LALCHAMLIANA
MINISTER

: Pu Speaker, ka lawm e. A hmasa
bera kan sawi duh chu nichina
i thupuan Lok Sabha ah vawiin
chawnu Khan Mizoram tana Central

University Bill Pass a ni ve ta e tih chungchangah Khan
lawmthu ka sawi duh a. Lok Sabha a Pass mai tura kan ngaih
lain Congress lamte ni ngei tura a ni a. Opposition lam ten
an tibuai thin a. Chuvangin, an Pass tlai nghe nghe a, mahse,
hei an pass ta hram a, tah hian, hemlah hian tune kan MP
Pu Vanlalzawma khu a hun la reilo hle mahse, he Bill chung-
chang kher kherah chuan nasa takin a bei tih ka hriatpui
ve a. Kan MP pawh ka congratulate duh nghal a. Tin, nichin-
ah Khan kan Member pakhatin 93 ah kha chuan MNF in Central
University term hmasa a manifesto anih kha chuanin thil
fello tak a awm thei ang a, an MP ka congratulate rual rual
khan he Mizorama Central University neih chungchangah hian
Party zawng zawng hi kan thurualin ka hria a, tin, chu
bakah a tir phata bialtu zirlaite, Profesor lecturer chuan-
awm tak tak te Central University atana beihtute zawng zawng
pawh tawmpuina kan hlan duh nghal a ni.

Tin, kan sawi leh duh chu Pu
Speaker, hemi kan Governor Speech pek 4-na 9-naa Deficit
Opening Deficit Crore 145 awm tur chungchang thua hianin
he Sorkar hi nikum aia Deficit nasa tak nei ta a pawisa hman
thiam lo anga Member thenkhat ten an han charge ta a, Buarpui
MLA zahawm tak Khan helam atangin a Chiang zawng e a ti a.
Mahsela, pawisa pawh hianin hmaihnih a nei ve bawk a, hei
nikuma opening deficit kha kan hrechiang hlawm khawp a,
79.36 tih a ni a, hemi hi he Sorkarin 145 chauh a Sorkarin
a titla thei hi lawmawm ka ti a, fak tlak ka ti a. Anu chu
heti zawng hian min lo ngaihtuah pui ve ula, khatia Congress
Sorkar tla turin 1998 kum tawp dawn lamah a thu chauh mai a,
Mizoram Sorkar hnathawkte 5th Pay Commission recommend angin
hlawh kan pe ang tih kha a takin a pe thei silo MPS leh
MNF Sorkar intawm Khan a ni tak alawm mawle khawng e a takin
han pe teh ang a ti ta a. Tichuan, 1st May, 1999 atang Khan
Sorkar hnathawk hlawh chu tihpun a ni ta a. Heng hlawh tih-
pun anih tak avang hianin min hrihlan chuan thiatin Sorkar
hnathawk hlawh crore 10 senbelh a ni tih hi ka hriatdan a ni
a.

Pu Speaker, chuti anih chuan 1st
May, 1999 atanga kumin March, 31 chung chuan an hlawh sa
pangngai bakah a punna ringawt a hi crore 100 leh 10 vel
zet a ni.

LALHMINGTHANGA

: Pu Speaker, tuna kan opening
deficit tura hi a sawi lo a,
tuna heta Governor-in a rawn sawia
hi chu 1999 1st May a opening de-
ficit a ni a, chuang chuanin tuna hlawh pung pek hi chu
1999 1st May atangin a ni a, khami deficit ah Khan atang
tel lova, chuang chuanin a technical point a kha

PU LALCHAMLIANA : Pu Speaker, Congress hian 145.79
MINISTER mai pawh nilovin anmahni opening
deficit min hnutchhiah pawh kha
an lo hrechiang bik lo anih kha.

Pu Speaker, chuanin 145 min hnutchhiah ta a, chumi chung chuan kan han kal ta a ni a, hei hi a harsa viau reng a ni. Chuvang chuan khami mai bakah Khan Sorkar hnathawh hlawh atan thlatin crore 10 kan lo senbelh leh chuan tin, MLA leh Minister te hlawh pawh tihpun a ni a, chutah pawh chuan engemaw zat senbelh leh a ni. Tunah pawh engemaw zat hi chu deficit awm tur a ni. Tin, Pu Speaker, ziak lo lai hi kan kher dawn anih hi chuan a ziak laiah kan chen loh chuan sawi tur a tam khawp ang, minute 55 thusawi kha darkar 5 vel kan han khel chuan sawi tur atam hlein ka ring a. Kan sawi leh duh mai a chu, kan Memberte thahnem ngaihna kha a lo lang chiang a. In la ti hlawhtlinglo in la tilo tih hi a tam a. Thil reng reng hi a hlawhtling tur chuan hun a duh a. Entirnan, BairabiHydel Project kan hria a, 1978-1984 ah Brig. T.Sailo Chief Minister anih lai khan ka hre hlei hui mai a. Sorkar zel phei chu thui tak a kal tawh kei phei chuan ka ring nghe nghe a ni. Mahse, kum nga leh a chanve zet an Sorkar chung Khan Project report peihfel a ni lo a ni.

Tin, Congress Sorkar kum sawm pahnih leh a chanve vel an Sorkar chung Khan. (PU LALHMING-THANGA : Pu Speaker, a Project report chu peifel a ni a). Pu Speaker, peih fel pawh nisela, vawiin niah hian a takin a la thawh theih loh a ni. Memeber tena in hriat tur chu Point of order min an raise reng reng chuan ngawih phawt tur a ni. Pu Speaker, an peihfel a nih pawhin kum 16 hnuah hian a takin a la thawh theih ta lo a ni. Tichuan a hnuah Congress kum sawm pahnih leh a chanve zet an lo Sorkar ve leh a. A takin a thawh theih chuang lova. MPC leh MNF Sorkar intawm pawh kum khat zet a Sorkar leh a thawh theih lova. Tuna hian MNF Party mal thlatum vel a Sorkar tawh a, a takin a la thawh theih loh, kan sawi duh tak chu Programme te Policy te awm thin mahsela, a taka thawh theihna tur hi chuan hun hi a duh ve bawh thin a ni. Chuvangin Mechanisation Agriculture kan ti emaw, Bulldozer kan lei dawn emaw pawn pawisa a ngai thin, Chuvangin hmanhmahin thahnem ngai hle mah ila, kan thahnem ngaihna hian chin tawh nei sela, a tha hle lawm ni, tih kha Pu Speaker, kan sawi ve a ni e. Ka lawm e.

S P E A K E R : Pu C.Sangzuala a phar hmasa deuh tlat mai.

PU C.SANGZUALA : Pu Speaker, tlemte kan sawi ve ang e A tlangpua han ngaihthlak den den in Governor thusawi chungchangah kan unaute avangin lawmna tur ka hre lo tih a ti a ri mai a. Vanduai thlak ka ti hle a. lawmna tur hriat lohna mual atanga thlir hi chuan a khawhar thlak tak a,

lawmna tur hmuthiam mi nih hi a venneih thlak viau a nia. Mahse, kan unau thenthen ten lawmna tur an hmu nual a. Kha kha a genuine viauvin kahria a, hei hi ka ngaihtuahna atangin kan thlir mai a nia. Thiante sawi tawh ang khan thlirna hmun a thu a thil hi in thlak thut thut te a lo ni viauva. Lalruanga thawnthuah Hrangsaipuia nen an in bei a, "Uih veng veng tlang atangin i lo kal a, i lo thu uih veng veng anih hi" a ti a. Pakhatin "Thiang veng vawng tlang atangin le" a ti a. Thil hmuh dik lohna tlang atang hi chuan thil hmuh dik hi a har fe a nih dawn hi ka rilru chuan a ti deuh. Chuvang chuan ngaih khat a han ngaih ve deuh laite awm turah kan ngai deuh a ni.

Thil thar danglam tak tehtut beisei chungchangah hian hmanni lawk a ti ho del del kha kan ni a, thlathum emaw lek MNF hlang a Sorkar a, kan hriat sa vek kha a ni a, kan sawi awm chin deute hi a awm awm mang e ka ti deuh hlek a, khanga kan tih tlan del del kha maw kan pai a nih pawhin thla 5 vel kan pai a ni. A hrin hunah thla 4 emaw lai a la awm a ni. Chuvangin naute a la lang hman lo hrim hrim a ni tih hresa kan ni tlang awm mang e aw ka ti. Tin, chulova chuan kan member zahawm tak chhim lam atangin hlawh tihpun chungchang a lawmna tur hrelo anga han sawi kha paw ka ti viau mai. Hlawh neite hlawh tihpun hi thil lawmawm tak a ni a, hlawh neite hlawh kan tihpunin vantlangin an chhawr ber a, mi tlemte te tih ni hlawh hi vantlangin an chhawr lova, hlawh neite tihpun hi hlawh latuten an chhawr phawt a, chutah vantlang in an chhawr ve leh a ni.

Tin, kum kha leh chen kha Sorkar hmasain an lo tum tawh kha huaisen takin MNF-MPC Sorkar tangdun khan hlawh an tipung ta lawih mai a, sum pek tur hmuh lawk pawh awm lovin, hetia kan la kal thei zel hi lawmawm tak niin ka hria a. Khangte kha ka rilru a lo awm ve te a ni a. Tlem a zawng ka sawi duh chu kan Governor Address ka'n thlir hian a hrisel ang reng mang e ka ti a. A thil thlir dan reng reng hi a positive viauin ka hria a. Chumi kawngah chuan a fakawm ka ti a. Tu beng mah tih thleh leh tihnat a tum lova, dawt sawi pawh a tum lovin ka hria a. Tin, Sorkar thupna reng awm lovin kan Sorkar priorities te a rawn sawi chhuak a. Hengte pawh hi tihawm tak a ni a. Hengah hian kan Sorkar a ding em ? a theih ang chin chinah kal zel a tum em tihte rawn tilang a, hetia kan Sorkar priorities a rawn tilang te hi lawmawm ka ti a. Tin, he Address hi a sincere in ka hria a. A chhan chu Sorkar harsatna lai tak te a rawn tarlang thova. Sum harsa em em chung- a a kal chhoh thu te pawh a rawn tilang a. Tin, a lawmawm awm chhun lai te pawh a rawn tarlang a, a zawng a za thailan sen nilo mahse a tlangpui (a general) in he Address hi kan fak duh phawt a, chung kawngah chuan lawmthu sawi ka duh a ni.

Tin, kawng dang lehah chuan rawn thailan ngei awm, kan in chawimawi nan pawha itawm a ka ngaih thin, lo lang a awm a. Kan Sorkar leadership te diplomacy thiamna in pawn lamah positive response a nei tan a ni, India ah leh a pawn lamah response a lo awm tan a ni, nakinah chuan a lo la rah dawn a ni tih kha a rawn thailang tha viau a ni. Hei pawh hi kan in acknowledge/notice sak tur zing ami

ni ngeiin ka hria a. Hei hi kan Governor Address a lo lang hi a lawmawm ka ti a ni.

Tin, sum leh pai lama kan harsat zia te, kan dihamun buaithlak zia te zep thu a awm hauh lova. Chuti chung a vawin thlenga Tangka In khar lova kan la kal te hi, hei hianin kan hlawhchham e tih niawm bawk mahse a tak takah chuan kan Financial management hi belhchian dawl a ni e tih a tilang a ni lawm ni tiin kan ngai bawk a, Tin, thiltih tur lo hma chhawp te pawh tam tak tih lam a ni a, member zahawm tak tak ten an sawi nual tawh a, sawi ve yek pawh tulah ka ngai lova. Eng eng step nge he Sorkar hian a lo lak chhoh a, hma a lo lak chhoh tih te pawh hei phek hrang hrangah kan hmu hi a mal te te a sawi ngei lo ah ngei ila,.

Tin, thil lawmawm tak pakhat chu Assam Rifle sawn chhuah thu kan sawi fova, hei Mizoramah chuan issue lian a tling a ni. Hemi ah hian kan ti tak tak dawn a ni tih thlanna tah hian a lo lang a, tunah hian atah tawl te a kal chhuak tur an ni dawn a ni ang tih rinawm takin hma thar lak mek a ni. An ram chung ngeiah hnathawh a ni tawh tih te kan hmu a, hei hian thil atak ah a chang dawn a ni tih min rintir hle a ni.

Tin, thil thar eng engemaw te pawh kan hmu a, Agriculture lam kan tuipui tlang hle a, a pawimawh ber a ni tih thuah te pawh, a hna tak tak hi tunah ram nawr zawl kawngah te kan la ti huau huau thei lo anih pawhin kan tihna tur programme fel tak, hma a chhawp fel tak nakin a programme Chiang leh zual a lan theihna tur tunah hian lungphum a in phum a, tlawhchhan tur a in siam vek mai a. Heng hi nakinah chuan opposition lam member zahawm tak tak te pawh in tih a nih loh a, Sorkar chhuah chhalhna atana tanfung tur te pawh a in siam nghal thova, chhinchhiah nghal nghe nghe sela a thain ka ring a. Ram kan nei zawl ang, lei kan let ang, buh kan thar teuh dawn tih thu sawi hi a lawmawm a ni lawm ni ? Chutiingin Horticulture lamah te pawh a taka chantir theih tur thil hma chhawp a awm thluah anih hi.

Tin, hei thil thar ang reng tak, nianga kan la tih ngai loh niin kei chuan ka hria a. Bamboo, mau hmanga thil han siam chhuahna tur han reh chhuah te pawh hi exploration sang tak a ni lawm ni thuk tak a ni lawm ni ka ti bawk a, Minister zahawm tak Pu Thangzuala han sawi Information Technology te pawh kha thil changkang tak tak kan han hria a, khang ang te kha he Sorkar hian introduce na chang dap chhuahna chang a hria a, thil lawmawm tak a ni. Kan mutan leh kan harsatna hi R.D. Minister in min hrih thin. R.D. Block te pawh pariat lai kan neih belh tak tak dawn anih ngai chuan chung te pawh chu a lo lang a. Thlamuan thlakin a hriat a.

Tin, nichina kan han ngaihthlak tawh P.W.D. hi kan hmel lanna chauh ni lovin hma kan sawn leh sawn lohna kawng koritu a ni a. Khang kawngah te pawh kan hriat ve mang hauh lovin national highway te pawh 2-3- kan

lo neih belh dawn reng mai a. Khang kha a lawmawmin a thla-
muan thlak a. Hengah hian a tlangpuia kan han sawi duh chu kan
Sorkar hi mipuiin hnathawk turin an beisei bawk a, hnathawh
tum Sorkar a ni bawk a, hnathawh tumin ke a pen ngei a ni
Amaherawhchu tun reilote chhung hi chu bul tan hun chauh a la
ni a, thil thar langsar pui pui sawi tur a la awm hman lo
a nih pawhin a awm ve tho e tih kha a priat a. Hma kan sawn
dawn ngei. Chuti kawng chuan hma a la a ni. Tin, kum khat
chhung zenzawn chaw mangang lova kan awmte pawh hi a ropui
hle a. Social evils han beihna kawngah te pawh thil thar
tak tak te a lo lang a. Hengte pawh hi kan Sorkar hma lak
thar a ni tih a chiang hle bawk a. Heng te te han ngaihtuah
hian Pu Speaker, kan Governor zahawm tak Address hi lawmthu
sawi lohna rual chu a ni hlei nem. Duhthusam tak tak a thleng
phak nilo anih pawhin tiin kan sawi ve chak a ni, ka lawm e.

PU ZAKHU HLYCHHO : Pu Speaker, ka lawm e. Hei kan
Governor thusawi hi ngun takin
ka lo chhiar a. Mahse, lawmthu han :
sawina tur hi a vang hlein ka
hria. He Sorkar hi kum 1 leh thla 4 tih theih a kal tawh a.
Mahse, hemi bu atanga han en vang vang hian Sorkar hmasa
ina ruahmanna a lo siam tawh bak Mizoram hmasawna tur kal-
phung thar engmah a lang lovin ka hria. Hei hi a vanduai
thlak hlein kahria a ni. Hmanni Khan National Commission
for Scheduled Caste and Scheduled Tribes Aizawlah a lo kal
a, kha pa ina Mizoram Sorkar thurawn a pek kha ka lo chhiar
a, ni hnih khat lek vai pa rawn thleng ringawt pawh khanin
he Sorkar ina ruahmanna neih loh dan hi a rawn hmu chiang
hle mai a tih ka rilruah a lang a. Kha pa khanin Mizoram
hi literacy ah sang viau mah ula, heng Higher and Techni-
cal Education ah te hian ruahmanna engmah in nei lova,
chuvangin, hengah hian ruahmanna rawn siam ula, ka theih
tawpin ka lo pui ang che u a ti a. A hmu dik hlein ka hria.
Chuvangin, wawiinnia kan Governor thusawi atang hian kan:
Sorkar hian ruahmanna engmah hi a siam lo a ni tih a chiang
a.

Hei, kan Sorkar ina thla 7
chhunga a hnathawh, a bu-a siam hi ka lo en a, a zahthlak
ang reng hlain ka hria. Mizoram Sorkar ina thla 7 chhunga
achievement chu LDC pakhat UDC ah promote a ni a, Peon
pakhat LDC ah promote a ni a, tichuan, Handyman pakhat
Driver ah promote a ni a. Co-Terminus post khat siam a
ni a, an la achievement leh tur chu Handyman pakhat Driver
ah appointment leh tur a ni tih hi, Mizoram Sorkar thla
7 chhunga achievement a ni hi a zahthlak lutuk. Sap tawng
tea in let ang tih ka hlauh zia chu, hnamdang state dang
chhiar theihah in lo let palh hlauh ang e. In achievement
bu a nih hi. Chuvangin he Sorkar hi eng Sorkar nge maw
ni le ? Hetiang ang em em a achievement nei hi ka ti a
ni.

Chu loin Government Press release lah Buhfai chhia thapfai tih fe hi Government Press Release a ni a. Chumi khua a hawng tihte a ni a. Chumi pawh khawmpuiah chuan khuallian a ni tihte a ni a, a ropui lo hlein ka hria.

Ram hruaitu tih atan, Mizoram Sorkar hmasawna turte tih atan chuan a zahthlak lam deuh niin ka hria. Hman zana Pu Speaker, kan Chief Minister zahawm tak interview ka lo ngaithla a, khata kan Chief Minister intodelh policy a sawi ah khan Mau phun te, zu sawi ta a mawle. Hei, Mau kan vat duai duai a, kumtin kan hal a, a hmanna tur hre lovin kan buai ta a ni a. Mau tha zawk pawh kha lo chah chhuak ni sela, a hmanna tur kan hriat si loh chuan kan la vat tho tho mai dawn chu a ni awm si a, a vah a harsa mai dawn a ni. Mau tha zawkte chu chuvangin kan intodelh policy ah hrim hrim hian kan Chiang lo niin ka hria. Chu loah a sawi leh chu khur laih a buh chin hi kalna apiangah, a sawi uar em em a, hengte hi chu thingtlang pa ti ti atan chuan a tawk lek alawm mawle. Ram khat hruaitu ti ti atan leh sawi atan chuan sawi sawi atan a zahthlak niin ka hria a. Hengte hi chu kan C.M. hian sawi lang lo sela, a tha awm mang e aw ! tih te kan sawi duh a.

Tin, Pu Speaker, hei Peace Bonus ah hian kan thiante khan an han sawi nual tawh a, ka'n sawi ve teh ang. Kan Peace Bonus kalphung hi a mak ka ti ang reng viau mai a. Hei helaiah hian kan C.M. rawn hawn hi a eng ber hi nge Peace Bonus tih pawh hriat a har tawh khawp mai a. Zoram thupuanah chuan hetiang hian an ziaak a. Kan C.M. rawn thlen a tuk a Press Conference ah khanin nuaih 2400 a rawn hawn a ni tih a sawi a. Chutah chuan Referral Hospital te, Peace Bonus a lo ni pek a ni awm a. Aizawl Water Supply te, Peace Bonus a lo ni vek a ni awm a, Burma nena kan inkar kawng laihnate hi Peace Bonus a ni awm e. Hemi ka zuk chhiar laia ka ngaihtuahnaa awm chu Pu Hawla hi a lo a a nih hi ka ti. Lengpui Airport laihna te kha Peace Bonus lo ti ve mai sela, a tha mai tur a ni a, ka ti. Kan Peace Bonus te pawh hi a ho lutuk niin ka hria. Dik chiah chuan a eng ber hi nge maw ni ta le, tih pawh hriat a har tawh bawkin ka hria ka ngaihdan ber chuan kalphung tharah chuan sanction zawng zawng hi Peace Bonus a ni emaw ka ti.

Tin, a reng reng thuah, Delhi kal apiangin thil hawn tam hi an duh a, an hawn teuh teuh zel a, a vaibelchhe telin, mahse, mak ka tih em em mai chu, kan C.M. kal hmasak tun January 1999 khanin LPG connection nuaih khat a rawn hawn a. Tichuan hei kumkhat a ral hnuah a zuk kal leh a, chuta a rawn hawn lehah chuan nuaih khat a rawn hawn a kha Delhi atangin a enfiah tu tur an lo kal dawn chauh a lo ni a. Chutih anih chuanin a in vaibelchhe hawn pawh hi a ngaihtuah awm deuh mai awm mang e aw, ka ti a ni. Gas connection vawi khat in hawn tawhsa pawh kha kum khat hnuah a entu tur an lo kal dawn chauh anih chuanin a vanduai thlak hle dawnin in vaibelchhe hawn pawh hi

rin ngam tur a ni ang em tih hi ka ngaihtuahnaah a awm a ni. Tin, Pu Speaker, chu lova ka sawi duh leh chu, hei kan Sorkar hi hei kan Governor thusawiah pawh hian BJP Sorkar nen thawh hona tha tak kan nei a. Kan thil tih engkumah tha takin min tawiawm a ni a ti a, BJP Sorkar, Central Sorkar hi an hlau nge ni an tlawn aw ka ti. Vawiin a kan Governor thusawi a rawn lang lo paw ka tih em em chu, tuna Central Sorkar khuan constitution review a anmahni Hindu sakhaw mil leh nunphung mila siam an tum a.

PU F.MALSAWMA
MINISTER : Pu Speaker, BJP Sorkar nen in hrethiam tih lai kha ka lo hmu ve lova. Khawi laiah khan nge a awm min han hrilh thei em aw ?

PU ZAKHU HLYCHHO : Pu Speaker, chulaiah chuan, India rama State lian Tamil Nadu kan tih te Andra Pradesh te leh State lian te hian, he constitution review hi,

PU F.MALSAWMA
MINISTER : Pu Speaker, khang kha chu, House thei a, khawi lai k ha nge ni tih chiah kha chu. Member zahawm tak an ni a.

Pu Speaker hei hi chu tihchian a tha ang, delete a tha ang kha lai kha chu thil dik lo helaia kan awmtlanna BJP Sorkar tih lai kher kher kha chu tihchian a tha ang helai hi chu. Thu diklo a awm kha chuanin, khelai kha chu delate a tha ang. ka insist a ni.

S P E A K E R : Ni e, khelai kha a awm anih chuanin fiah taka sawi chian ni sela, a awm lo a, in lo sawi sual palh anih chuanin nawt reh leh mai ang, thu diklo hi sawi phal a ni lova.

PU ZAKHU HLYCHHO : Pu Speaker, hei Minorities te duhsak zawng leh Minorities tan a tha a ni lova an amend chuanin kan duh lovang tih an sawi lain he Governor Speech ah hian a rawn lang lova. He Governor Speech a a rawn lang lo hi a paw ka ti a ni. Pu Speaker, in pute Sorkar a ni a, i hrechiang ang chu. Ka hrilhfiah pawh ngai lovin an hre mai ang tute nge Sorkar tih chu. Hei 2.2. a ni ka sawi a ni a, a Chiang a ni lawm ni, hei hi

alawm a ka sawi, Pu Speaker, hei min tibuai nasa lutuk a, khawngaihin hun min pek belh la a tha ang, kha ka la sawi hman lo a nia.

Pu Speaker, point khat chauh ka sawi leh teh ang. Helai Governor thusawi a dik lova ka hriat chu District Council in thlan "Free and Fair Election" a ni e tih a a sawi hi a dik lova ka hriat chu Free and Fair election a ni lova, dik tak chuan kan R.D. Minister pheih chu a mualpho chiangin ka hria. Rangva family 300 daih a rawn phur a, a rangva phurh chu a trip trip in kan lo man a ni in thlan lai khan. Free and Fair election a ni lo. Chuti chungin MNF chu 3 chauh an tling thei a nih kha. Chuvangin kan MADC election kha Free and Fair a nilo tih ka sawi duh a ni. Ka lawm e.

PU R. TLANGHMINGTHANGA : Pu Speaker, kan Governor thusawi
MINISTER kha Peace Bonus tih te kha a lar hle a, Keini ai mahin Oppsistion hian an tuipui niin ka hria a, a ropui ka ti a, hman amite kha Peace Bonus lo nise tih an han duhna te pawh an sawi kha Peace Bonus ropuizia ti lang zeltu a ni a. Eng-pawh nise, kan rambuai avangin harsatna kan tawka, tahchuan remna leh muanna a mawhphurtu mipui leh Kohhran leh Sorkar te pawh. Chutiang chuan khami kal rual khan mipui duhna in kan ramnuai mite pawhin chu chu hriain remna an rawn chuang chhuak a, kan beisei leh kan ruanman angin kha remna leh muanna buaipui tura kan beisei tak Pu Laldenga (L) kan Founder President leh, C.M. hmasa ber State tharah chuan khami khan a tih rei thei tak avangin 12 lai mai kha Peace Bonus lam ngaihtuah lo. Tin, khami buaina avanga compensation tih leh kha hmana thuthlung pawh lek chhuah ngai loh kha kum 10 hnuah lekchhuah a lo nih khaan a hma pawh ka lo sawi thin leh hemi kan ram in Financial problem a rawn neih chhoh pawh a ba tam tak a neih lai a, kan Finance Minister kal ta, Sorkar hmasain ama dinhmun harsatna a rawn sawi pawh a, khami a hmemna tur thil pakhat he remna leh muanna thuthlung hi Central Sorkar ba a ni, hei hi thing rawh u, kan tih thin a kha a ni a. Chu chu, kha remna leh muanna a mawhphurtu a lehlam, India Sorkar nilo kan ram tana inpe, ramnuai atanga lo chhuak te, vawin a kan Chief Minister zahawm tak, chumi te'n Sorkara an han neih takah kha remna leh muanna kan neih tak nan hi hloh ai chuan a tel a thatpuina kan neih hi India ram leh khawvel ah pawh tarchhuah tlak a ni. Chuvang chuan he remna hian man a nei tur a ni, tia a zuk chona chu Central Sorkar pawhin awm a ti a.

Tin, lehlamah ba State tin in an ngah em em. chutih lain an thik ve mai ang asin tih ngaihtuahna lo kal pawh, thik mai rawh se, State dang pawh hian. Chumi an thikna tur atan chuan remna leh muanna, remna kan signed hnua tibuai leh buaina awm leh lova, hetiang a za leh za remna sianna kan fulfilled na ang ni Nagaland a ni emaw, midang dang, North East State a buaina nei mek te

pawhin an rawn thik anih chuan, chumi an thik a an tipui-
tling thei anih phawt chuan India Sorkar hian pek hi manhla
a ti a ni tih kan hriattlan pawh a ni a, a dik bawk a.
Chuvang chuan Central Sorkar hian BJP nilovin, Central
Sorkar hian anmahni'n awm leh tha an ti a, remna leh muanna
kan neih chuan buaina senso ai hian a manhla zawk a ni
tih an hriat avangin, Peace Bonus hi phal takin kan Chief
Minister zahawm tak sawi kha an rawn chhang let a ni mai
a. Eng ang fakauvin nge a kal zel dawn ? he Peace Bonus
hi ? Kan hriatchian em em a chu, kan Chief Minister hian
a sawi thin a, Peace Bonus hi kan plan piah ah hian 50
crores a awm hrim hrim dawn a ni. Tin, chubak chu a tul
anga kan sawi thiam leh plan kan siam dan a zir zelin chu-
bak chu a lo kal dawn a ni tih pawh kan hria a. Chumi sawi-
felna leh a taka a lo kal mek bi a hmawr in hawng kan hmuh
tuma crore 180 leh crore 50 kan han tih te, chutiang kan
hmuh a hi lo enghelh a pawl ti ang ziazang emaw a, nghak-
hlel ang chuan kan han puh hram a nga, kha kha ni lo zawnga
han sawi a, sawi nep tum khan engtin pawn sawi ila, a tak
chu a rawn thleng dawn hrim hrim a ni a. Chutah chuan
lawmawm ka ti a, kan han Sorkar phat a Peace Bonus lo
piang hi ropui ka ti a.

Tin, chutih lai chuan kan hriat
member hlui te pawh tam tak kan awm a. Mizoram mipui pawhin
min hriatpui chu 1991-92 Sorkar kalta ah Khan University
hi kan duh hle a ni. Tunah chuan Central University ngei
hi nise tiin kan Minister in-charge Education chuan Re-
solution a pulut a, kan pass a ni. Tichuan kan C.M. in
Central ah a zuk kalpui a, a lo hawng lehin a sawi chu
kan pute hian an lo phal hauh hleinem, India Sorkar policy
ah chuan States ah University kan hawng dawn tawh lo tih kha
a chhanna a zuk hmuh a ni a, a rawn puang nghal a. State
University erawh chu in duh leh in hawng ang a, amaherawh
chu a puih nan, bul tan nan crore 4 kan pe ang che u tih
thu pawh kan hria a ni. Chuvang chuan kha hlawhchhamna
vawiinnia a taka lo lang a, Central University kum khat lek
kan Sorkar hnu a lo piang mai hi Mizoram mipui leh lehkha
thiam zawng zawng leh, kan College lama zirlai leh lecturer
te pawhin an duhia an lo sawi a. Vawiin a lo hlawhtling
ta, Rajya Sabha in tukin ah a lo pass tawh, vawiin a Lok
Sabha in a pass leh tawh tih kan han hrezui te hi chu a
ropui ka ti a, a sawi lai mek pawh in tih ang deuh khan.

PU NIRUPAM CHAKMA : Pu Speaker, Congress Sorkar
lai Khan University tur kha
decision hi an siam fel vek
tawh a ni.

PU R.TLANGHMINGTHANGA : Pu Speaker, resolution kan pass
MINISTER kan C.M. Pu Hawla'n a zuk kalpui
a a hlawhchham a. State Univer-
sity an lo offer a, chumi bul tan
nan cheng vaibel che li kan pe a che u an ti a nih kha.
Chuvang chuan a dang a awm lova, vawiinah hian hlawhchham

tawh kan tih hlawhtling thei hi a roppi ka ti, lawmthu ka sawi a ni.

Chulo ah chuan 1987, 88 Pu Laldenga kan C.M. zahawm tak, khami Sorkar ah khan Assam Rifles chhuah thu hi kum khat lekah khan kan puitlin der a ni a, Pu Speaker, tahchuan, chhuak turin an intintuah a, Zokhawsang an lai tlut tlut, chutih lai chuan kha document kha awm reng chung hi khan Assam Rifles te chu khawpui atangin khawi state ah mah an dah chhuak ngai lo tih a kha kan hotupa ber ina min hrilh leh min zittir anih avangin, sawnchhuah ngaihna chu a lo awm lo a ni. Amaherawh chu kan Sorkarin a Peace Bonus te pawh chu a ni zel ang chu, remna avanga, remna siam a manhla zia hril an chak em em. Chutah ramnuai atanga lo chhuak kan hotupa ina a demand avangin Central Sorkar chuan min hmangaih em em a. Chu bakah chuan obligation loh theih loh an nei ve pawh niin ka hria, awm an ti a ni ang. Assam Rifles sawn chhuah thu kha an rawn enghelh ta a. Chumi an chhuahna chu Committee a hranpa a dinin Central ah Joint Secretary hovin an rawn buaipui ta a. "Ngawi teh u, a hranpa pass a ngai hlei nem, hei pass sa a awm a, hei hi tih puitlin mai tur", tiin, tih puitlin na tur ruahmanna an rawn ti ta a. Tahchuan heta an kulhpui an Brigade hmun Khatla ah chuan kan lai a, tunah hian Truck lehg deuh thawin kan lai chhuak leh deuh thaw tawh a ni a. Chuvang chuan a taka lang zela hi ka'n sawi mai a ni a, an chhuahna tur atana plan sawilaia an tih mek a pawh tunah hianin consultant an ruai mek niin ka hria a.

Chutiang zel chuan pay tepawh sawi tur a tam a, hun a tlem si a, pay revision chungchang te an sawi tawh a, sawi belh a ngaiin kahre lova. Pay revision thingtlang mi, mirethei te in ti si lova, Sorkar hnathawk chauh pek san a hi pawiti awmia zanga kan oppisition lama kan member te an tawng kha, an ngaisang vak lo a nih pawhin ka hriattir duh a chu, pay revise anih rual hian, Sorkar hnathawkte pay an san rual hian Sorkar hnathawk lote pay pawh a sang nghal. Vawiinni ah chuan kan hriat angin hlawfa rawih reng reng Rs. 75/- aia tih hniam loh tur tih pawh a lo awm chho a, tunhna a Rs. 35/- sang deuh a kan ngaih lai khan. Chu chu a ni zel a. Vawiinni ah hian Sorkar hnathawkte pay a let deuhthaw te a let aia tam te a kan revise ah hian lawmawm ka ti a. Chuvang chuan opposition lama thian thenkhat tena hemi ngaisang vak lo a an rawn sawi kha chu, thingtlang leh kut hnathawka inhlawhte pawh kan san sak tel tihna a ni a, chu chu kan sawi duh a.

Tin, chu le.lehah chuan National Highway No. 44 lo piangte, No. 150 lo piang te, chungte chu...

PU P.B.ROSANGA

: Pu Speaker, Sorkar hnathawh hlawh pung kha a tha lo tih kan sawi lo. Amaherawhchu Peace Bonus hi ni kan sawi.

....88/-

PU R. TLANGHMINGTHANGA : Pu Speaker, mipui chanvo a awm
MINISTER lo in ti a, mipui chanvo a awm
ve dan kha ka han hrilhfiah maia
ni. Mipui chanvo hi a awm khawp mai. Chuvang chuanin in
pawiti zawng ka ti lo, mahse in lawmna in tilang lemlo
a nih kha. Ka lawm e.

COL. LALCHUNGUNGA SAILO: Pu Speaker, kan Governor Address
atang hian thil tam tak sawi
tur a lo lang chhuak a. Kei
pawhin tlem han sawi ka duh a.
Tin, kan member zahawm takte sawi atang khan thil lo lang
chiang awmin ka hria a.

Peace Bonus bawh khan lo tan ila,
Ni e, he Peace Bonus hi a lawmawm e. A lawmawm lo kan ti
reng reng lo. Amaherawhchu kan thenawm state te in a an
dawnen kan han khaikhin hian a tlem deuh e kan ti mai a ni.
Tin, chutiang chuan kan hre vek a, tute nge dawng tam ?
Sikkim te, Manipur te Meghalaya te leh Arunachal ten an
dawng tam em em a ni.

Nizan News kha in lo ngaihthlak
chuan State pali North East ami hi Peace Bonus an pe ve dawn
anih chu mawle ! Kha kha amak viau a ni. Keinin helaiah
keimahni ta bik kan lo tih laiah chutiang chuan khati-
ang dawng tam tak tak ho pawh khan Peace Bonus an dawng ve
dawn ani an ti. In lo ngaihthlak fuh lo pawhin News Paper
ah te a lo chhuak ang a.

Chutiang chuan tunah Peace Bonus
hi keimahni chauh ta ni lovin North-East State te chu min
pe dawn a ni. Chu chu eng e ni a state hming chu an sawi
lova. Mahse, ka sawi duh tak a chu, khalaiia state ralmuang
vete khan crore 3,000 te 2,000 te kha an hmu si a, khami kha
an hmu h bawh si chuan keini chu engmah lo kan ni dawn a ni.
Chuvang chuan he thil hi a thalo kan ti reng reng lo. A
lawmawm. Amaherawhchu midangte ang hian Central Sorakar hian
min ngaihtuah ve sela.

Tin, chulo ah chuan min
ngaihtuahna tur chuan kan sawi ang chiah khan, ramnuai
ah te Independence sualin kan lo awm tawh a, inremna awm
hnuah kan lo lut a, khati-ang thil avang khan min duhsak
tur a kan ngaih lai khan, midang, khati-ang ti reng reng lo
te pawh khan an hmu leh dawn tlat si a ni. Chu pawh chu kei-
ni ai tam, hemi kan sawi kan sawi fo thin a hi chu anihna
takah chuan, Mizoram hi han thlir ta ila, Progress leh
thil engkim mai hi a in ngahna chu Electric Power hi a ni.

Hemi Electric Power hi siamtur a
kan tih ngawih ngawih lain kan State chungah, hemi ti
theilo a he kan Governor Speech ah pawh hian engmah pek ve
loh Prime Minister in Central Fund atanga crores singkhat
leh zahnih leh sawmnhieh leh pasarih a sem atanga Power

siam nana kan dawng ve lote hi a pawl tak zet a ni. Hei hian kan hmasawna tur thui tak a ti thuanthu: dawn a ni. Helai ah hian kan lawmlo nilovin State dangte nena han khaikhin hian a tlem kan ti mai a ni e.

Tin, Assam Rifle sawn thu kha han sawi leh ka duh a. Vaiho zinga kum 31 han thawh tawh hi chuan an sukthlek dan hi tlem han sawi tur awmin ka hria. Assam Rifle sawn chungchangah hi chuan Sorkar hmasate pawh in theih tawp an chhuah a, Sorkarna kan han siam ve leh khan phur takin min han tihpui thin a. Mahse, an ni khan reilote hnuah thil dangah an buai anga heng thilte chu an tihman lo ang tiin min ngawihsan ta a ni. An ngawi an ngawi a, kum 5 chu a ral zel mai. Hetiang hi a ni ang tih ka hlau hle mai a. Hei Governor Speech ah hian a lo lang a, P.W.D. Minister zahawm tak pawhin hma kan la a, kawngte pawh kan lai a ni a ti a, a dik chiah, mahse, hmanah pawh khan kawng kan lai tawh a, Khatla atang khuan ka bial anih avangin ka hre chiang em em a. Vawiinniah chuan khami an laihna ah khan Assam Rifle family Quarters an sa tawh a ni. Kan laih zawl sa ah khan an duhthusawmin In an sa leh mai. Khatiang deuh khan tuna kan laihsa pawh hi an hman leh ang tih a hlauhawm khawp mai. Hemi hi hre rana kan nawr a tul hlein ka hria.

Centre atang khuan keini Tribal te hi zu ngaihthiamna leh ngaihthiamna an neih atang hian engemaw chen kalpui hnu hian an ngawi ral mai ang tih hi an rilru ni pawhin a lang a. Party zawng zawngin hnawhchhuah kan tum chung pawha a la hlawhtlin lohna chhan hi.

S P E A K E R : Ngawi lawk teh aw, hei kan hun a tawp a, kan kal zel mai dawn lawm ni ?

P U L A L H M I N G T H A N G A : Pu Speaker, ni khat chauh Governor thusawi sawiho nan hian kan nei bawk si a, i sawi ang khan kal chho zel ila, tih kha kan rawt duh a ni.

S P E A K E R : Anih leh i kal zel mai ang aw. Dar 5 ah thingpui kan in dawn nia.

C O L L A L C H U N G N U N G A S A I L O : Pu Speaker, Paragraph 24-naah hian, "May Government is committed to the upliftment of Women, children Physically handicapped,

mentally retarded and old age persons and strengthening of voluntary organisations" a ti a.

Helai hi lawmawm ka tih rualin thil hlauhthawn ka nei a. Physically handicapped tih te, pianphung a rual banlo hi Mizoram ah kan ngah em em a. Census kan la a, Social Welfare ten an record ah kha chuan 5,000 vel chauh a ni. Mahse, anihna takah chuan 5,000 ai hian kan tam daih a ni. Heng ho hmuh hian tun a kan kal dan leh kan enkawl dan hi chu a tawk lo em em mai a, rual banlo tanpui nan kan ti a, kum khatah 1,500/- emaw kan pe a, heng hi chu engmah tham a ni lo tak zet a. Chuvangin heng mi khawngaihthlak tak mi anglo te kan enkawl dan hi hetiang ang sawi mai loh deuh hian tih dan a awm lawm ni ? Anihna takah chuan hemiphysically handicapped commissioner tih te pawh hi din thei a ni a. Mahse, helaiah hian Peace Bonus hmu tur a MOU kan sign ah khan, post ruak te fill-up lo tur tih te a lo nih rualin, a awmzia chu tumah hi Employment. pek emaw, siam thei a ni lo tih alang chiang ta a.

Kan MLA zahawm tak Pu Zakhu sawi ang khan khatiang lek an siamna dhan pawh kha, hemi kan Peace Bonus hmuhna turah MOU kan signed atanga thil awm vek awm. Chuvangin post hi kan siam theihlo reng reng. Chutiang anih lain, hetiang mi harsa leh enkawl ngaite enkawl tak tak tur Social Welfare Office ringawt atang chuan a t heih lo tih hi ka hmu chiang khawp mai. Chuvangin hengte pawh hi tih tak zet a tih theihna turin ziak ringawt lo hian tih theih sela, tih hi kan han rawt leh duh a ni. Chulai chu in enchian ngei pawh kan duh a, Pu Speaker, kan Sorkar hian

Tin, kan sawi awmlah deuh sawi ka duh tlat pakhat a awm a ni. Chu chu Mizoram Social Defence and Rehabilitation Board tih hi kan MLA zahawm tak Pu Sangzuala enkawl mek, a tha em em a, a thiltih te pawh. Mahse, helaiah hian an kalpui chho dan tur ka rilru a ka hmuh te leh kan suangtuahna thil awm ka ngaihtuah thin hian he thil hi a puitling tak tak thei angem aw tih ka ngaihtuah thin a ni. De-Addiction Centre sawi aia tam kan nei tawh a. Hetah hian mi rilru leh tih tak zeta enkawl an ni a. Hengho hi Fund te an neih loh avangin harsatna an tawk a. Sethawn ah khuan Sorkarin kan enkawl mek a awm a, khu khu harsa kan ti em em a ni. Kan Director khu rilru leh tihtak zet a enkawltu a ni a, amah pawh khu post chhuah a harsa em em. Promotion te a lo hmu ang a, kalchhuah a harsa dawn si. Chutiang chuan harsatna a awm a. Tuna kan lak tur ate phei hi Sorkar hnathawk ang deuhthawa an lo ingaih phei chuan khulai Sethawna kan hasatna chiah khu kan harsatna a ni leh dawn ta a ni. Chuvangin, De-Addiction Centre kan neih te hi enkawl zawk mai sela, tahchuan hemi Fund kum 1-a nuai 100 kan tih hi sem ta ila tha takin a kal thei zawk dawn lawm ni tih ka han sawi duh a ni e. Ka lawm e.

PU LALRINCHHANA
MINISTER

: Pu Speaker, ka lawm e. Sei tak sawi ka tum lova. Kan Governor thusaw hi lawmthu sawina tlak a ni tih ka rawn tarlang duh a.

Amaherawhchu, kan support na chhan sawi a ngai a. Pakhat ah chuan, Mizorama thil la awm ngai reng reng lo. Mizo hnam leh ram hmasawna tura hmalakna tur kawngka hawng thar, a taka rawn lang, tun Governor thusawiah hian a rawn lan avangin lawmawm ka ti a ni. Chu chu tuna kan sawi tam ber Peace Bonus hi a ni. Hun kalta ah khan hetiang hmanga ram hmasawna tur leh kan State aten sum lak luhna kawngka hi hawn a la ni ngai lo reng reng. He thil hi kan C.M. leh hotu dangten thahnem ngai taka hma an lakna azarah a bik in kan C.M. in tihtak zeta hma a lakna zarah Peace Bonus han sawi pawh khan thil awm ngai lo, nuhzatthlak a ni, ti-in an comment thin a. Vawiin ah erawh chuan kan Governor thusawiah hian kan ramah a takin a thleng tih a lang ta a. A tlem leh a tam a ni lo. A takin a rawn thleng ta a ni tih he Governor thusawia a rawn lang hi ropui ka ti a ni. Tam rih lo mahse, hemi atang hian kan ram hmasawna tura hmalkna tur hi sum tam zawk helai state in kan ruahman dan a thuin kawngka a rawn in hawng thar hi a lawmawm tak zet a ni.

Tin, ka hmaa thusawi tuten an sawi ang khanin North-Eastern State dangte pawhin hei hi an hmu thei dawn a ni an ti anih chuan a lawmawm hlei hlei. Keimahni sawichhuah a zara midang pawhin state ralmuangte an lo hmu theih anih chuanin a lawmawm hlei hlei a ni. North-Eastern pumpui India rama kan hnuhfual zia kan hmu, chumi kan hnuhfual dawmkanna atana he Peace Bonus a rawn chhuak chho thei hi lawmawm ka ti a, hei hi kan state leadership te championna ropui ka ti tak zet a, lawmthu sawina tlak a ni.

Tin, chuloha hemi atanga kal chho zel pawh a ni thei e. Nidanga la awm ngai reng reng lo kan ram chhungah hianin Development kan neih theihna atan Central atanga sum rawn kal mai nilovin World Bank atangin sum a tak takin a rawn kal tan ve ta a. Tichuan kan ram chhungah hiaminkawng siamna turin World Bank pawhin tam tawk a rawn investment an rawn ti tan tawh a ni tih a rawn lang thar hi ropui ka ti. Chu chu anih avangin helaiah hianin lawmthu sawi hi a phu hliah hliahin ka hria a ni.

Pu Speaker, tunhnu atanga lo ruahman pawh niselangin a taka a rawn lanna chu tunah hian a rawn thleng chiah a ni. Chu chu anih avangin hei hi lawmawm ka ti a. Tin, chulohah ka han tarlan leh duh chu kan State inhlawhna atana inremna thuthlungah, kan thil ruahman party dang Sorkarnain kum 10 a lo tlakkhalh avanga thil neih theih loh ten ang hiala kan ngaih kha, tunah chuan a takin a lo lang ta, hei hi lawmawm ka ti a ni. Governor thusawiah hian lang chiah lo mahse, he ruahmanna hi kan nih zie a lang a, University kan neihna tur a rawn lang ta a ni. Inremna thuthlungah khan Mizoram State chuan ama tawkin University leh High Court a nei thei ang tih a nih kha.

Chu chu kum 10 tel Sorkar hmasate hruiiah a taka kal thei miah lova lo awm a kha, tunah a taka rawn lang ta hi a ropui ka ti a, lawmawm ka ti a, Hemi avang hian reiloteah High Court pawh hi a takin kan nei ang tih ka ring.

Tin, inremna thuthlunga Border Trade kan neih tur kan tih a kha, a tak a lang thei lo kha tun Governor thusawi atang hianin, a taka lanna tur a lo kal ta a. Border Trade kan neihna tur Bangladesh Minister te hial lo kalin hma rawn lakna kan hmuh hian ropui ka ti. Chuvangin kan State ina a nihlawhna tur kawngka rawn in hawna chumi duanchhuahna tur a lo thleng ta hi a ropui ka ti.

Tin, Electric a kan intodelhna turin kan ti a. Tichuan, Mini Hydel Project te kan ti a, chi hrang hrangte kan ti thin. Maherawhchu, Tui fur tlak lai, chunglai ruahtui tlak lai chuan an awm thin tak na a, kan ram luite te han thlirin, Thal ah a kang chak nasa em em thin a. Chumi avangin thal ah chuan engmah lovah a chang zel a.. Mini Hydel Project kan han siam ho pawh hi fur chhung atan a kawk zel a ni. Maherawhchu, thal chhunga khami hun lo luah vetu turin tunah hianin Project thar Heavy Fuel Oil Generating Plant 20MW thar chhuak thei tur Bairabi ah ruahmanna a lo awm ta te. Hei hi thal chhung ah luite atanga Hydel Project a kal chhuah theih loh laia, a thlak thlengna tura Sorkar ina rawn duang chhuak ta hi ropui ka ti. Thal chhunga harsatna kan tawhna kha hei hian sukhang dawn niin a lang a. A ropui ka ti a.

Tichuan kan ram hmasawna tur kawng hrang hrangin kan buatsaih thin, ruahmanna tak tak leh scheme tha tak a kal thin, mahse, engati teh reng nge ni, thil tha hi thilthalo a kan chantir zel, NLUP tepawh a scheme a that em em lain kan han practice ah chuan drop tlakin a awm a, thil thalo ah a chang ringawt mai. Vawin niah NLUP drop a tul ta te hi a hreawm a, mahse, drop a tul tlat si. Chutiang ang chuan thil a kal tawh avangin hemi siam that lehna tur hian Sorkar kalphung tharin thil a in ruahman chhova, chu kalphung thar a thil in ruahman chhova chu vawin niah hretham lo awm mah ila, ni reiloteah a takin a rawn lang chho zel alawm. Chutiang chuan thil a rawn kal dawn avangin chumi kawng chu he Governor Address hian a rawn sawi avangin lawmawm ka ti a. Chuvangin lawmthu ke sawi a. Tin, kan zavaia lawmthu sawia kan support theuh ka duh a, ka han sawi a ni. Ka lawm e.

*Speech not corrected

PU K.T.ROKHAW

: Pu Speaker, ka lawm e, a hmasa a ka sawi duh chu Peace Bonus chungchangah hei thianten an rawn sawi hlawm tawh a. Peace Bonus

crore 180 kan hmu hi a lawmawm ka ti. Tin, hei hi kan Mizo pui te pawhin an hriat chian tula ka: hriat chu Peace Bonus hi nichina an sawi tawh angin remna leh muanna thlentu tih hi mipui hian kan theihngihlh in kahre lova. A dik tak chuan Mizoram kum 20 ram buaiyah kan awm a. chuan chumi hnu chuan Congress Sorkar tena remna leh muanna awm theihna turin tia an lal thutthleng an kian. Khatah khan MNF hotute nen remna leh muanna awmta a ni. Chuvangin vawiinah hian hemi Peace Bonus kan hmuh theihna chhan hi Mizoramah remna leh muanna awm lo ta sela, kan hmu dawn hauh lova. Chuvangin khami laia remna leh muanna lo siamtute kha kan theihngihlh tur niin ka hre lova, vawiinah hian Pu Lalthanhawla leh a kaihruai thenkhat te kan zingah lo thu theilo mahse, vawiinah helai member te hian hemi Peace Bonus kan hmuhna chungchangah hian anni vang a ni tih hi kan hriat a thain ka ring. Ann in remna leh muanna kha lo duh lo tlat ta sela chuan vawiina Peace Bonus 180 crores kan hmuh hi kan hmu dawn lo a ni tih hi kan hriat a tha viauin ka hria. Tin, kan lo beisei dan leh kan C.M. zahawm takin min hrih thin dan angin kan lo beisei danah chuan crore 400 chuang kan lo beisei lain crore 180 vel a ni erawh hi chu a beitham deuh e kan ti a ni. Hemi Peace Bonus, kan C.M. zahawm takin theihtawpa hma a la a, kan hmu ta hi a lawmawm tak takin ka hre ve a ni.

Tin kan Governor thusawi ah hian Free and Fair manner Mara District Council inthlanna tiha sawi hi a fair lo a ni tih hi ka sawi duh a. MDC inthlan lai khan a dik tak chuan Officer tam tak campaign in an chhuak a, chumai ni lovin Rangva leh IRY leh Sorkar pawisa nen theih tawpin min lei ta a. Chumi avang chuan a fair tawk lo a ni tih kan hriat a tulin ka hria. Rangva sheet khat Theiri ah kan man a, a tukah Election a awm dawn si a, Police kan ventir a. Election zawhah an sem leh ta a. Hemi avang hian kan Governor thusawi in Free and Fair Election a tih hi a fair tawk lo a ni tih kan sawi duh a ni.

Pathumna atan, Pu Speaker, Total Prohibition hi kan Governor thusawi ah hian a lo lang a. Congress hun laia kah hmalakna a ni a. Mahse, kan hun tawp dawn chiah kha a ni a. Vawiin niah hian Total Prohibition hi kan hlawtling em tih hi Mizo mipui atang hian zawt ta ila, a hlawtling lo a ni tih hi chhanna anih ka ring. A chhan chu Zu hi a rem lova, a zual zawk emaw tih mai tur a ni a, chuvangin kan Sorkar hian Total Prohibition chungchangah hian hma a la tak tak lo a ni tih hi kei ka hmuh dan a ni. Theihpatawpin hma la ta sela, vawiinah hian zu chu a rem ngei ngei ka ring a ni. A rem lova, zu hi a tam zawk emaw tih tur a ni a, chuvangin hetah hian lawmna tur pakhat mah a awm in ka hre lova.

Tin helaiyah hian Electric ah te hian thingtlangah Electric 98% vel pek a ni a ti a, a hrui chu a zam ve nual mahse a eng kan hmu lo a hi. A eng a current ber kha kan hmu lova. Chuvangin helaiyah hian thingtlang mi leh sa tan chuan lawmna tur pakhat mah a awm in ka hre lova.

Chuvangin hei kan Governor thusawi hi a tlangpui thuin lawmna tur, lawmthu han sawina tur kei chuan ka hre lo a ni. Ka lawm e.

*Speech not corrected.

PU NIHAR KANTI CHAKMA : Pu Speaker, thank you. Thank you allowing me to speak on the discussion of the Governor Address. In Governor Address in

the Para 14- It has been stated that the Government will accord high priority for the construction, of road and improvement. But it is not that so the Government is not taken care for the maintenance of road and communication, for example, the road Tlabung to Lunglei road is not properly maintained. It is in a very bad shape, There are many gorges therefore here, we cannot appreciate the Governor's Address.

In the Para 15 of the Governor's Address, it has state 90% of the village have been electrified. It may be true to some extent but without current. It is useless to be electrified. Even during my stay in my Village Nunsuri, sometimes I enquired why there is no current in my Village. They said the engine cannot effort to supply current. Then it is also very much regretted to pay there are 4 sets of diesel generating machines at present in Tlabung. But out of 4 only one is working. Therefore, unless proper care is given in this field, only by electrifying it is useless. In Para 17, Government has made many efforts for the employment to the rural youth. But the money which comes under this scheme (RD) has not been properly utilized. Even the schemes which have been implemented like EAS, the money does not reach the poor people. Of course, it is a welcome news for all of us that the Government has taken care of for opening a new RD Block. Eight new R.D. be created A stated in the Governors Address R.D. Blocks have to be poened during the next financial year. I hope that Tlabung will be given priority in this regard. And at the same time it is regretted to say that scheme under VADP is not properly implemented. Recently during my visit to my area Tlabung. There are some scheme like construction of Jeepable road work amounting of Rs. 3 lakhs. The work has not been done but money has been released. It is very sad to see. Therefore, it is very difficult to appreciate the Governor's Address. And in that Para 19, its it is also welcome news that efforts have been made for a promotion of Hindi and of 99 post for Hindi it is clear that Constituency where there is no Hindi Teacher. Therefore, how can we appreciate the Governor Address ? It is also welcome news not only for us but the people of Mizoram as a whole. The Government of India has agreed to set up the Central University in Mizoram. The credit should not go to only the Ruling Government since it was a continuous scheme.

....95/-

In para 86, the Local Administration Department. It is said that it has successfully conducted the village Council Election. But during the preparation of V/C Electoral Roll many genuine voters had been illegally deleted. The preparation of V/C Electoral has not been done properly by the Government. For example, it may be given there is one Primary School Teacher who has been working under Mizoram Government for more than 20 years, even his name has been deleted. I hope the Hon'ble Minister i/c LAD will clarify this later on. I request that in future these things should not occur. Therefore, how can we appreciate that Governor Address and at the same time here in that para 36 as per instruction of the election of Commission of India. Special revision '99 and summary revision of 2000 of the electoral roll with 1st Jan. has been successfully conducted in 1999. But it is very much regrettable to say in this house specially here in my Constituency there are many voters whose name has been deleted illegally, here are many teachers whose name has not been found in an electoral roll. Therefore, we have nothing to be happy or to appreciate that Governor Address. And in the para 38, of course it is a welcome news for all of us that another Treasury has been stated functioning at Aizawl. We would have been much more happy, had it been stated more that Sub-Treasury at Tlabung would have been start functioning. Thank you.

....96/-

PU J. LAWZUALA

: Pu Speaker, ka lawm e. Hei nimin-ah kan Governor zahawm takin House a Address a. A rei bawk a, kha lai khan hlim hmel leh lawm hmel kan awm pawh ka hre mang lova, kan muthlu deuh nghuai mai a, kan Governor zahawm tak pawh kha, thuziak sa chhiar ani bawk a, hlimtak leh lawm tak hmel pawh kha pu lovin, rei tawk hun a la a, a chhiar a, mahse vawiinah hian mithenkhat ten lawm thu an sawi thei a, a lawmawmin ka hria. Peace Bonus chungchangah hian, a lawmawm lo tehthlawt chu ani lova, kan sawi len em em ngaihtuahin a tak hmel hmuh tur ruahmanna kan han thlir lawk theih angah hi chuan, peace bonus state ralmuang, takin a lawmman a dawn tur harsa em em a kherh chhuah ani tih kan ngaihtla a, kan hre tawh a, he lawmman kan dawn tur hi, lawmman dik tak nise, chuti fakauva tih ni awm loh tak.

Hengah hian sawi loh theih loh member zahawm tak tak te pawn an sawi tawh. He peace bonus atana an ruahman hi Ministry of Finance, Government of India in ruahmanna siama group Committee, Officer Committee te a din a, ruahmanna a siam atang a 440 crore chuang zet demand an siam atanga hmuh chhuah a lo ni a. Tin, 82.45 crore hi non-plan liabilities rulhna atana one time grant tih a nita a, chu liabilities kan neih tawhsa rulhna atan a ruahmanna s siam group of Officers in a an recommend zing ami kha alo ni ve chauh mai a. Tin, 93.50 crores long term interest free loan tih alo ni leh a. Hengte hi kan peace bonus kan sawi mek a chu alo nita a. Chung kan hmuh tur atang chuan a pek leh tur leiba kan lo nei reng mai a. Heng avang te hian water tariff te, Electric tariff te leh Transport fares tihsan te House tax tihsan te kawng hrang hrang rulh leh turin MCU sign meuhin he peace bonus hi inthleng kual turin kan lo ti a. A lawmawm e, ama rawhchu hetiang ang state ralmuang (Peaceful State) kan nih lawmman ang a chherchhuah atan chuan state dang ten Prime Minister in North Eastern State a special Scheme a a sem zozai, nichina kan Member zahawm tak tak te pawhin ah sawi, state dang ralmuang lo zawk leh ralthuam chelek mek ten tam zawk tak an hmuh laia hetiang chauh kan hmu hi chu duhang in a lawmawm lem love, a la beitham deuhve kan ti a ni mai a. Hmuh loh ai chuan a tha a, a lawmawm ve tho ve, kan ti a ni mai a ni. Hengah hian kan bat let ve tur te, kan tih ve tur te awm hauh lovin a peace bonus ang liau liauvin rawn. a tawh lut sela. Hei aia tam te hi kan Chief Minister zahawm tak hianin la sawichhuak zel thei se chu chu kan duthusam ani. Amaherawhchu kan hmuh dan hi leiba ti pung zawng leh tariff tipung zawng a Peace Bonus kan han hmu mai hi a lawmawm tawk dawn em ni? tih hi ngaihtuahna tam tak rilruah a awm ani.

Tin, V/C Election free and fair kan nei ti a lawmthu sawina kha a Fair tawk lo hle in ka hria. Lunglei khawpuiah kan R.D Minister khan Cooking Gas Connection tamtawk tak election ni khan veng hrang hrangah a sem a, Gypsy chungah te a ziak a, kan hmu ani, kan hria ani.

Food & Civil Supply Minister in Connection za zet mai pek theihna tur phalna a pek atanga a sem niin a lang. Khatiang kha a fair kan ti thei dawn em ni?

Tin, Boarder Trade chungchangah kan House Leader, kan Chief Minister, zahawmtakin Sorkar restrote siam hnuah Bangladesh te a zuk tlawh kha a lawmawm kan ti em em a, Mizoram mipui kan lawm a, Chhim bial mipui a bik-in kan lawm leh zual awm e. Khangah kha a rahchhuah tur nghak-hlel takin kan thlir a, amaherawhchu MOU pawh sign lovin a lo haw leh ta hlah mai a, a hnu a rawn zinte kha Chamber of Commerce leh tutute emaw an ni, helaiiah Mizoram aiawhte nen, MOU chu an sign an ti ve a, eng Article nge an sign chu kan hre ve tawh lo. Chutiang chu vawiinni thleng hian a thamral ta mai em ni? Kolodine River, International Sea-route anga hman tur te pawh ruahmanna te sawi zui zel a la awm em? Trade & Commerce ah te hian kan hmalak tannaah kan lo lawm a, amaherawhchu vawiinniah hian engnge kan an? Sawi tur kan ka nei em? tih hi ka ngaihtuah a, hengte hi tihlawhtling thei turin kan bawhzui dawn lawm ni? A tak tak kan chantir dawn em? Heng atan te hian Lunglei leh Tlabung inkar kawng te hi a la pawimawh dawnin a lang a, nichina kan Member zahawmtakin a sawi ang kha Mizoram Sorkar PWD hian BRTF atangin kawng hi ala tawh anih chuan maintenance te hi ati tha dawn em. Kawng che lutuk bumbuh kal hleihtheih loh motor tan pawh accident hlahawm tak a ni a. Kawngchhaklam hnim in kawng chanve dawn dawn a khuh a, motor inbihruksiaknan tha tak a ni. Demagiri a border trade station neih kan beisei lai hian a kawngpui ber tur hlamchhiah a awm hi ava pawl em. Kan phak lo chung chung kan enkawl sen loh hi engvangin nge kan lak tih hi ngaihtuah chian ngain ka hria.

Tin, kan thupui ber sorkarin a ngaihpawimawh ber ei leh bara intodelh tihah te hian hmachhawp te chu kan nei ang sorkar ve mesh chu hmala tur a ni. Amah-erawhchu, vawin ni hian kan buh thar te hi alo pung ta deuh em? Nikum lama Buh tharte kha record a awm em? Helaiiah Governor Speechah te hian a lo lang tellova ka lo beisei em em a kan hmasawna thlir ka chaka, chuai chuan Civil Supply Go-down a Buhfai kan ngah tawh zia leh ram pawn lam buhfai kan stock yam a, kan intodelh ani tih te kha alo lang a. Ei leh bara intodelhnaah hian engnge kan an tak a chiang chuang lovin ka hre bawh a ni. Hengah hian Sorkar hotute hian hmalakna eng-chenge kan neih tawh pawh a chianglo em em a ziak te pawhin record te pawh a awm ve hman tur ani. Nikumah kan thar tam em? A tam anih chuan kan ti lang dawn lawm ni. Buhfai Go-downah a tam ringawt mai a, a chhia thap fai tur tamzawh mah hi a duhawm lo hle in ka hria. Pu Speaker, kan sawi zel ang e. Kan Governor Speechah hian Sorkar fel tak Accountability te transparency te kan hmu a, hetah hianin transparency Govt. nei tak tak ni ila a nuamin ka ring a ni. Amaherawhchu, eg. DRDA atang leh RD Ministry hnuai atanga thil sem reng reng hi chu a ruk thei ang berin an in sem a. VCP ten work order an hmu a, W/O an hmuh in BDO hneneh an va kal a, an pawisa dawn tur chu MNF Unit Presidentah a lo kal teuh tawh mai, chutiang chu thil dik ani dawn em? Transparency hi kan nei dawn em? A lungawi thlak loh in ka hria. Kan hotute, roreltute, kan ram hmasawna turin tan la zel turin ka beisei a. Ka ngen duh bawh ani. Ka lawm e.

PU RUALCHHINA
MINISTER

: Pu Speaker, ka lawm e. Tunah hian Governor thusawi lawmthu sawina te kan han nei a, chulaiah chuan lawm thei lo kan awm hi pawl ka ti

hle a. Thil pakhat hriatchhauh ka nei a, an tan hlathlah pawl ka duh a. "Lawmna tur hli alo ni" tih kha kan thlan sak duh a. Chang lamah chuan, "Lawm fo rawh u, ka ti leh pek thin ang lawm rawh u", tih kha kan thlan sak a, an lawm ve theih pawl ka beisei viau ani. Tunah hian kan ngaithla tam tawk hle a, a lo nihzia pawl kan hmu zel mai a, pawisa ba ten tun leh engmah awm lo atanga bul an han lak tak tak chuan kan ram a eng sawt sawt mai a, chubakah chuan mipui te hlim au thawm hi a thum hlep hlep tawh mai a. A ram hian a fawn vel ani tawh mai a. Chuvangin, a bik takin thingtlang lonei tute an hlim leh zual niin ka hre nghe nghe a, a lawmawm hle. ani

Tin, Peace Bonus kan hotuten an han sawichhuak a, hetiang a remhre taka a hming an han hmu pawl hi lawmna chang hriat loh chu pawl ka ti a. Vawlinah hian ka sawi duh erawh chu lawmna tur anih bakah lawmna tlak pawl ani tih hi kan hriat nawn leh fo pawl tha in ka hria.

Chubakah hei kan la sawi lan ngai loh leh Mizorama thil la thleng ngai miah lo thil pakhat hemi Mizoram Accord hriatrengha atana stamp vawi khatna atan chhin-chhiaha Mizo Symbol ngei mai han chuang ta hi a ropui ka ti ani. Hengah hian lawmna chang kan hre lo anih chuan a pawl hle dawnin ka hria. Kan thian thenkhat khan mechanisation tih an ang reng te an sawi a, engnge ni chung chuan hna a thawh te an ti mai mai a, an meng Chiang lo deuh emaw ni chu aw ka ti deuh a, entirnan, hmanni lawkah tun thla ni 2 miah khanin Kolasibah chuan kan Chief Minister zahawm takin AMFU Office te a hawng a, tin, chumi bakah chuanin Agriculture exhibition show te kha an lo nei hman a. Chutiang khawp chuan Agriculture leh Horticulture kan tih lamah pawl hma an han la a, exhibition pawl Kolasib district-ah chuan kan han nei hman mai kha, hmalakna chu a Chiang khawp mai.

Tin, a tlang lampang kan han hawi chuan 'Tuichhuah-en' an tih vel te leh 'Dum lui' an tih vel kam te chu Bulldozer hianin a nawr zawl veng vung tawh mai a, a hmu te chu an ip chawih chawih mai zawk a ni. Chuti khawp chuanin mechanisation kan ti a, Bulldozer khan engnge a thawh an ti ngawt tak na a, zu kal sela, ha hipin an sawi ve maiin ka ring a ni. Chuvangin a hmuh theih lohna lai Bazar a kal rek rek kha chuan Bulldozer hnathawh chu hmuh rual a ni lo. Chu chu kan sawi duh a.

Tin, chubakah chuan keimahni manifesto te emaw, kan election campaign-ah te pawl kan sawi tam em em kha kan rama sawthing te hi 1kg Rs 10/- aia tlem loin keini chuan kan lei ang a, kan hralh dawn a ni ka'n tih kha a khum leh lutuk a, 1kg ah Rs.18/- te an ni hi chu a lehling zawngin a zah theih lek lek in ka hria ani. Chuvangin a ropui a, khangte chu lawmna chang hriat tur alawm. Rs 2.50 a hralh theih loh lai leh, hralh theih loh mai ani lova, a pah tura motor an han hire vak ringawt ai kha chuan a va chhuanawm em

aw!!! lawm a nuihna tham a ni.

Tin, chung-lo rengah pawh kan la hriat loh thil thar te a lo thleng zel a, tunah hian bamboo processing te bamboo development lampang kawngah hian hmalakna thui tak a kal a, a tak a la lang lo deuh hlek a, Eng-pawhnise hengah hian kan ram chhenfak tham thil alo la thleng dawn ni a kan beisei leh kan hriat awangin kan lawm hle a.

Tunah hian hemi Bamboo development atan pawh hian 15 crore project report te pawh kan submit mek a. Tin, chubakah ramkang venna tur atan Fire Prevention atan Fire Prevention Scheme Centralah kan submit mek a, alo la chhuak lo deuh hlek a. All India a en a ngaih awangin kan la rawn tichhuak hmanlo an ti a, kuminah kan hmang hman dawn lo niin kan hria a. Ama'rawh chu, heng hi lola kal thuai tur niin kan hria a, kan hlim em em mai ani.

Tin, chu bakah Educationah hma kan sawn a, chidang a awm a, nichinah khan an han sawi nual a. Hei Hindi lampang te pawh an rawn uar chho ve zel a. Tin, keini lamah pawh uarna changte kan lo hriattak awangin High School zirtirtu niturin Post engemaw zat 90 (100 dawn thaw) lai siam belh te pawh alo ni a. Tin, M.E School atan te 100 aia tam siam alo ni tawh bawh nen, khatiang a proposal lokal zel te pawh kha han ngaihtuah chuan changkanlohna lam ani lova, a sang zawngin kan thang zel a. Khatiang khan kalphung thar a awm a, a lawmawm takzet ani.

Tin, a bik takin Tlangrama awm kan ti a. Tlang sang sangah kan awm a. Tui Supply kan nei lo em em thin a, Aizawlah pawh chutiang chu ani a. Tin, Aizawl rau rauah pawh hian veng thenkhatan Supply an hmuh laiin, a bik tak in keini khawthlang lam Luangmual lamah chuan heng ang pawh hi a rim ara kan la hre ngai lova. Ama'erawhchu tun kan sorkar tharah hi chuanin hma an han la a, tunhmasa a tlangsang lai ber a tuizem lian tak ding te mup mai chu muanawm tak ani. Tin, chumi bakah chuan distribution tank te hmun hrang hrangah an siam chik chek mai te chu, tuihal hi a reh sawng sawng nghal mai a. Khatiang a kawng a min tui an han kawt zak zak ta mai kha, supply kha la thleng chiah lo mahse a zang sawt sawt mai ani.

Chutiang chuan tuna kan sorkar kan Chief Minister te kan PHE hmalakna te a ropui em em a ni. Tin, Buhfai hi kan ei ber a nia, sawi loh theihloh a ni a. Kan Sorkar hmasa hun lai kha chuan a chhia chu sawi loh Buhfai awmlo tih hi a tam hle a, mahni Quata pawh laktur awmlo thin te ka ngaihtuah chuan lawmna tur hlir ani, tih chu a sak a sak veng veng chi alo ni. Thawkkhat lai phei chu Buhfai a tam luattuk awangin Carrying Contractorte pawhin chumi lama dah min phalsak rawh an rawn ti a. Minister in a ziahloh chuan min lo received sak duhlo an ti zel a ni.

....100/-

Tunhna kha chuan Mombati Sorkar bang rawh se tia kawng kan zavh mup mup thin kha tunañ chuan Mombati Sorkar a awm ta lova, a eng ta viah vuah a kil tin kil tang hi a eng ta mai ani. Heng zawng zawngah hian lawmlah kan tum teh thin mahila lawmna tur hlir alo ni mai ani. A han sawi-selte pawh khan an lawmlah vang ni lovin Opposition ka ni alawm an tihvang mai mai kha niin ka hria. Chuvangin an lawmthu sawinaah i pawn vek ang u, tiin kan sawm che u a ni e. Ka lawm e.

S P E A K E R : Pu K.L.Lianchia .

FU K.L.LIANCHIA : Pu Speaker, ka lawm e. Tlem han sawi ve ka duh a. Kan hun hi a tlem em avangin thu tak hla tak han sawina hun a awm lova.

Pakhatnaah chuan hei kan R.D Minister hi a awm lova. Tun tum V.C thlanna E.A.S kan Governorin an sawinaah te hi chuan "Rs.333.33 Lakhs has been incurred under E.A.S during the Current Year for generating gainful employment to family below Poverty line in the rural areas" tih a ni a. Heng an han hmangte kha a bawlhhlawh lutuk a. A hmunah ka kal a ka en vek a, dawt ka sawi lo a, a tak tlemte, randangah pawh a awm a ni tih entirna pakhat chiah han sawi ka duh a. Report ka hmuh avangin ka han kal a. Helai atangin Sanction engkim ka la a. Dec. 13, 1999 ah Project Directorin Sanction BDO-ah a pe a ni, E.D.O tinah, Ni 13 December-ah MNF Unit President ten BDO hnen a an la vek hman kha a rang lutuk. Chu hnathawh chaka chu soal hnathawh chiah ani. Ka hriat chian em em kan sawi ang e. Ni 15-ah lak an duh si, MNF Leader an tlan khawm. Lungdarah, mei an chhem BDO an nghak, zan dar 9-ah EDO an tawk. Chuti main a sem thei lo. An han sem tak tak chuan ni 15 zan pawh ani tawh lo, 16 zing dar 1-2 inkarah an sem thei tawk ani. Chu pawh chu receipt pakhat mahin an sign miah lo, a pe hmiah hmiah. Helaihan below poverty line te tan a thil siam, sorkar, 'ring lo mi' kan tih pawhin khatiang tana a rawn siam kha 'Ringtu'inti ten an sem dan chu kha kha a ni. Entirnan, ka bial Biataeh chuan Rs.70,000/- an pe. Biatae leh Riangtlei inkarah Kaifam lui dawhna tur ani. Rs.70,000/- an pekah chuan Rs.67,000/- an la, Rs. 3000/- chu khawi ami tur nge ka hre lo, an lak bang chu. Chu chu zan dar 2 velah Biatae an thlen chhohpui a, an tlaivar nghal. VC Candidate 7 te kha cheng 5000/- theuh an pe. A dang Rs.32000/- chu mipakhat, a hming chu sawilo ila, mimal hming sawi a mawilo ang e, tahchuan an kawl that tir, Cigarette awm zawng zawng an lei vek. Thalai zawng zawng an pai tir, chu chu an hman dan hi ani. Khaw khat ka sawi chuan a ram pum sawiah ka ingai mai. Chungte chu kan Sorkar hian chutiang mai mai a pawisa hman chu tha an ti anih ngai chuan, kei chuan a enga mah mai hi lawmna tur ka hmu lo hrim hrim, kha kha, khaw khat ka sawi mai a ni. A dang sawi turin hun in min daih lo, Pu Speaker, chu chu kan sorkar hian hre mawlh se ka duh a. Kan R.D Minister hi alo chhuak bo a, pawl ka ti ngawt mai ani.

Helaiiah hian kan sorkar chuan clear and transparency tih te kan Governor hian an sawi leh a. A clear em chu chu? Bawlhhlawh fai anih chu!!! Transparency a va awm lo ve. Chungte chu kan han en dawn a, MLA pawh hian hmuh tur pakhat mah Record awm lovin nuai tam tak a sem ral vek ringawt. Hei sorkar hian hria se ka duh. Nuh ral mai tur pawhin ka duh lo. Kan sorkar hmasa corruption a beitate an nih tehlu nen. Corruption chuti khati pawisa hman dik loh tih kha sorkar hmasaah khan hetiang em hi chu kei chuan ka hmu lb. A lang a pau lutuk. A dik lo. Kha kha Highlight ka duh. Lawm theihna ka hmu lo. A dawtlehah chuan ho deuh hlek chu ani naa, Central University hi a lawm-awm a, chanchin thar kan Speakerin an puang zela, mahse, he thilah hian Central Ministry a ni a, kan duh an rawn ti leh tak naa, hei hi 1993 maia an Manifesto kha ania. Khatah khan pahniha C-naah chuan Mizoram tan "State University" tih hi ani chiah ani. A chiang em em ani. Tihian a kal a kal a, Deve Gowda a lal a, a lo kal a, Aizawlah, kan inhnial nuai nuai a. Academic Associations lina State University an duh lohna Point te kha kan dawng anih kha. Deve Gowda in min rawn pe a, mahse, a sorkar a chiangkuang thei lova. I.K.Gujral a lo kal a, min rawn pe leh a. Sorkar Delhiah a chiang thei lova. Tih-puitlin hleihtheih loh khan a kal a kal a. Tunah erawh chuan hlawhtlinna a lo awm ta a. An sawi tak danah phei chuan, Member pakhat phei kha chuan Central University aia tha mahte an ti hial ta a. Chu chu kan han nei ta hi lawmawm ka ti hle a. Mahse, dil loh zawk malsawmna a ni tih hi ka chiangin ka hria a. An duh loh zawk min pe ani. Mahse, an la lawm ta zel a, an dil loh zawk an pek a, an lawm chuan ka lawmpui ve zel a. Kei chuan ka duh tak, a tir atanga vawiin ni thlenga kan sawi Central University hi ani.

Tin, kan sawi thin, hongte hi Peace Accord vangah kan han ngai leh kher kher thin a, tih tak takah chuan Peace Accordah chuan, "it is open to the State to move for the establishment of a separate university in the state in accordance with the prescribe procedure" tih mai ani, tute pawhin an dil theih vek a kha an ni tan pawh a tih ve theih tho a lawm min ti leh a, chung avang chuan hmuh tura inggaih tlat bik a te pawh hi midang hpathawh te pawh hi pawm sak ve a tha ang. Tih tak takah chuan state tam takin North-East ah pawh University chu kan neih hman an nei vek tawh, kan ram kan buai khawtlai a, mi state rualin kan U.T thei tawh a, Centralin an duhdanin min awp leh rih a, min awpaw zova, a tlaikhawhnuah India Constitution an hman tirh a, Sixth Schedule hnuaia kan awmpui district dangte heng Meghalaya, Nagaland an tih ang chi te zawng zawng chuah min tlankhalh vek tawh, kan hnufual mai mai zawk chauh a ni, chumi hnua kan lo nei ve, chuti taka hauh tur hi kan awmin ka hrelo a ni, a khawtlaina lamah kan chhut lo mai mai a ni. 1971 khan kan state daih tawh ang rambuai chu ni lo ila chuan. A chhan chu Meghalaya khan an nei daih tawh state hi, chu zawk chu ani. High Court chungchangte pawh hi kan sawilang fo. India Constitution kan em chuan High Court chungchang chu Constitution Chapter 5-na Art.214 naah chuan, 'There shall be a High Court for each State' ati ringawt mai. Hengte hi kan hauh fo dawn anih chuan remna rual khan University hi rawn hawn

nghai sela, remna rual hian High Court hi rawn hawn nghai sela chuan remna in a hawn chhuah te pawh kan ti ang chu. Mahse, ani lo. Hei hi chu State tawh reng reng chuan keini ani emaw kha khan kan phu tlan vek ani. Sawi sawi loh atan tha ka ti. Tul lova inchophawkna ani. Peace Bonus, accord tihte tunhmaa awm ngai reng reng lo an ti. Peace accord te awm chi em ni? Lal Ropulliani kha chuan a Independent humhim naah British iak-ah a tlawm duh lova. Dacca Jailah a tang hlum mai a. Kha bak kha Mizoramah Independent sual a, bei kan awm lo reng reng a lawm, va beih a, tlawm leh a, let leh zet a, remna neiha. Accord atang chauh chuan siam chi ania. Kan tel velova, kan tlawm bawh lova, khawi atangin nge Peace accord kan siam ang? Heng hi mi sawi duh loh kan sawi ani. Peace Bonus pawh hi tih tak emah chuankha leh chen kha kan hel a, kan bei a, kan tlawm ta a, mahni tlawm man thil tling hi a lehlahmah chuan a zahthlak a sin.

PU TAWNLUIA
MINISTER

: Pu Speaker, clasification please. MNF kha a tlawm lo, Pu Speaker khawngaihtakin kha tawngkam kha chu hman loh ni sela.

PU K.L.LIANCHIA

: Pu Speaker, a tlawm loh chuan Independent an puan kan hria a, India mi kan nih loh thu ziak pawn ka la hmuh tir thei a nga.

India mi kan ni leh ta a, kan Independent leh ta lova, chu chu tlawm ka zuk tih mai kha a ni. (SPK: "Inremna tiin kan ngai chu anih hi"). In remna pawh nisela, a tlawm zawk awmloh chuan a inrem theih loh reng reng, engnge pawh a khawihna, a pawh khawihlo ngawt zawk a lawm, a chiang ani mai lawm ni? Pu Speaker (Member dang en an lo sawi buai a) India a tlawm aw zawng lo. India Independent khu chhete mahin a khawih pawh ve lo reng reng, keini chu kan Independent kha chu kan surrender hmak ani. Kan in surrender hma kha chuan inremna kha a awm thei lo reng reng. Chuvangin thudik hi chu pawm ngam mai tur. Tlawm nih hi chu hreh tur a ni lo. Thil tha duhnaah chuan tlawm ngam pawh hi ka fak tho, tha ka ti tho. Independent pakhat a tlawm lohin inremna a awm thei lo reng reng.

S P E A K E R

: Kan hun a tawp ta, thingpui in ila, dar 5:15-ah kan lut leh dawn nia. Tunge kan sawm ang.

PU LALHMINGTHANGA : Pu Speaker, keimahni lamah hi chuan a hmingin opposition leaderah kan han awm bawk a. Parliamentary practice-ah hian Leader in a sawi hma a sawi kha a tlangpuin tih thin a ni a, chuti lai chu min siamsak theih chuan ka duh mai a, Treasury bench lam hi sawi tur an la awm mai thei a. An awm tawh lo anih erawh chuan ka sawi mai anga, anih i ruling ang chuan kan sawi mai ang e, Pu Speaker, kan Governor Address hi member zahawm tak Aizawl North-I bialtu khan, vote of thanks kha a rawn proposed a. Mahse, keini lam atanga kan han thlir hi chuan khami a propose na chuan pawm harsa kan ti a. Chung ka'n tihna chhan te chu member hrang hrang khan thu an rawn sawi tawh a, hetiang hun chep tak karah chuan point tam tak rawn sawi lan kha ka tum lova, hei T.V Coverage hi kan han nghak dawn em ni?

5:15Pm.

S P E A K E R : Hei minute 15 kan nghak tawh a, kan chhunzawm mai dawn em ni?

PU LALHMINGTHANGA : Pu Speaker, ka lawm e. Hei kan Governor zahawm tak Aizawl North -I bialtu khan lawmthu sawi a rawn proposed a, keini lam hi chuan heta lawmthu sawi hi harsa kan ti a, kan thianten point hrang hrang an sawi tawh a, ke pawhin hun chep tak karah hian point tam tak ka sawi hman dawn lova. Mahse kan sawi duh chu financial management-ah pawisa hman chungchang thuah hian a rintlak lo ani tih a Chiang a, chumi evidence awm thei lai a chu, hei kan Governor hian a thusawi phek 4-na paragraph 9-na ah hian tuna current financial year kallai mekah hian tun kum ralta 1999 Calender Year April ni 1-ah khan opening deficit 145 crore in kan tan a ni tiin Chiang takin a sawi a. Chutih lai chuan kan CM Finance Minister hi bawk ina kan Budget Session 22nd March 1999-a a Budget Speech-ah hian phek 19 para 13 naah hi chuan kan deficit hi Vaibelchhe 129.11 a ni tiin a sawi thung a.

Tin, Peace Bonus buatsaih dawn laia Ministry of Defence, Government of India ina a ngiat anga Mizoram Sorkar leh Ministry of Finance, Central Sorkar nga Memorandum of Understanding an ziah, 8th April 1999 a an ziakeh hian a deficit zat an ziakeh hi 133.89 crore in an ziakeh a, kha kha mi pawimawh tak tak pathum, kan Governor, kan House Leader leh Ministry of Finance leh India Sorkar aiawh dingin kan Sorkar aiawhin Finance Commissioner, Government of Mizoram ina 8 April a an ziakeh hian hemi deficit hi an rawn ziakeh bawk a. Hetiang Financial Management hnuaiyah hian sorkar th...

.....104/-

leh, mipui tana hamthatna tur a beisei phak miah lo ani tih kha Pu Speaker, he document hrang hrang hian a rawn tarlang a ni. Chumi anih veng chiah chuan hemi a sawina kan, en chiah hian beiseina sang min pe lo reng reng a. Tun, thlengin Bank leh Treasury khar em lova kan kal zel hi a lawmawm ani tih kha kan Governor hian Para 4, phak 3-na ah hian chiang takin a rawn sawi nghe nghe a. Tichuan sorkar a lo din reng reng in a pawimawh ber hi chu pawisa sum enkawlina leh management hna, ram leh hnam tana thlakhlelh awm leh khami tana thawk thei tura kha a tih tur a ni a, a pawimawh em em a, amaherawhchu an han chhuan tak em em hlawh te em pe theilo dinhmunah kan la ding lova, tin, tun thleng hi chuan Treasury khar lovan kan la awm tih ang mai hi chu ram tana chhenfakawm sorkar administration hi ani pha lo hrim hrim ani.

Tin, hemi memorandum of understanding an signed ah hian thil lo lang chiang em em chu phak khatna ah hian ni 6.4.1999-ah pheih kha chuan he overdraft hi crore 82.55-ah a chho a, chuti anih chuan Reserve Bank of India in immediately in payment zawng zawng a suspense dawn si a, chumi chhandamna atan chuan special ways and means crore 86 pek an ni. Mizoram sorkar hi tiin a rawn sawi lang ta a, tichuan, he special ways and means hianin 6.4.1999 atanga vawiinni thleng hian kan nung chho ta zel a. Tin, a chian em em na chu kan house leader ngei hi Delhi a akal hnuhnun ber a arawn hawn khan in chanchinbu hrang hrangah ahead line-ah khan special ways and means crore 82 a rawn hawn leh tih ani a.

Hetieng ang dinhmun hi khawvela thil zahthlak tawp khawk a ni a, ways and means a state a kal tawh reng reng hi chuan ama State Bank Account R.F.I in a kawh sakah khan pawisa sen pawh aneih tawh loh hnuah, Normal Ways and Means ah akal ta thin ani a. Tuna kan normal ways & Means a hi crore 25 emaw ani a, khami piah lama special ways & Means a kumpui linglet min kal puitu sorkar hi chuan hun lola kal zel turah pawh, thil tha tak tak a ti pha lo ang tih Financial Management han en hian a chiang em em mai a. Chuvang chuan kan Governor in henga rawn tarlang hi leh lamah chuan Zoram mipuite tan pawh a thil bengvar thlak ani a, tin, kan member te tan pawh keini tan pawh bengvar thlak ani a, tichuan, he thu sawi ah hi chuan in thildang eng engemaw hi chu sawi tel mahse, a kha khawmna atan khan kan financial management hi a hlawhchham a ni. Tichuan vawinah pawh hian kan Bank Account ah pawisa sen pawh nei lovin kan kal a ni tih a rawn tarlang a. Kha kha thil lawmawm hi a ni thei lo hrim hrim mai a. Chuvang chuan amoved tu member hi zahawm em emin a secondtu member zahawm em em mahse, keini lam chuan Vote of Thanks hi kan Governor hi zahawm tih mah ilangin Zoram mipuite avangin kan pass pui thei dawn lo che u a ni tih kha point pakhatna ah chuan kan sawi deuh a ni a.

Tin, a dang leh ah chuanin Memorandum of Understanding, hi Sorkar document tho a ni a, transparent vek a ni a. In hre vekin ka ring a, Prime Minister-in January 22 a Shillong a crore 10,271 India Hmachhak State 7 leh Sikkim hnena a sem dawnah pawh khan National Papers ho

chuan heng state hrang hrang zinga Memorandum of Understanding sign tute kha an rawn tarlang a. Mizoram pawh a nih kha. Assam erawh kha chuanin an sign ve a, heta kan Sorkar ina a lo sign a hi a thalo em em mai a. Hemi a action plan kan han en hi chuan Peace Bonus Non-Plan liabilities atana kan Sorkar ina a pumpuia a zuk dil a kha Rs. 447.16 a dil a ni. Chu chu Group of Officer ho a siam a. Tichuan, a hokhawmtu tur atan hian Adcl. Secretary, Ministry of Finance a expenditure chang tu a ni a, planning Commission atangin pakhat a rawn kal a, Home Ministry aiawhin pakhat a rawn kal a, kan C.S. hi Mizoram aiawhin a awm bawk a, Chumi tena an han ngaihtuah chhoh khan, India Sorkar ina a phut tak chu he liabilities leiba Rs. 447.16 crores ah hian kan pek tur che u awm mah selangin nangmahni lamah inrawn intum ve tur a ni a ti a, kan Governor hian a rawn sawichhuak ta nghe nghe a ni chu. A thusawi ah hian mobilization resources tiin a ko nghe nghe a nih hi. Chumi dungzui chuanin bill chi hrang hrang tihsan tur a ni ta a, action plan ah hian, land tax revenue te, Bazar Fee te, passenger tax te, House Tax te, Electric tariff te, tin tui fee te.

Tin, chu bakah hna pension post emaw non plan ami reng reng rawn awm thar kha chu 10% abolish tura ni a. Tin, chu vacancy filled up a chu free vek tur a ti bawk a, heng hi tuna lekhathiam leh thangthar awm mekte tan chuan, vanduai thlak tak a ni a. Chumi ang chuanin crore 446, (Speaker: ka tihdan pangngaiin minute nga ka pek belh ang che). Tichuan keini lama kan tum tur atan hian crores 447 atang khanin, crores 238.50 hi keimahni lam atanga mobilise turin an dah ta tihna a ni a. Tichuan mi an rawn pek taka hi chu Prime Minister pawhin Group of Officer te pawhin an recommend ang hian, kan non-plan hnawkhahna atan hian crores 180 min rawn pe a. Shillong-ah khan Prime Minister in a puang a chu ziak chu kan C.M. ngei khan a rawn hawn chhova. Tah hian keini pawhin a copy kan nei hlawm a ni. Tichuan, hemi 180 min rawn pekah pawh hian, crores 93.50 hi chu interest pek lohna, longterm loan, kan la ruh leh tur a RBI in a source a, a exhaust tur a pek a ni ta a. Hetiang Financial management hi, thil fello tak, kan ram tan a phurrit lian em em siemtu anih avang hian tha kan ti lova.

Tin, Treasury Bench lam atang hian fimkhur lo deuh hlek a, thil sawite a awm thin a, hetiang hi tih a la ni ngai lo. khawi ramah mah an ti ngai lo a. Anihna takah chuan kan State Finance Position kan zuk en hian 1987-88 ah tuna kan C.M. zahawm tak Finance Minister anih lai ngei khan an closing deficit-a hi 88 kumah khan 58 crores leh 41 point a ni a, 88-89 khami Ministry tlak tum a, kan kal chhohna kha crores 59.47 a ni a. Hei Government record a ni a. Eleventh Finance Commission hnenah pawh khan lo sawi rik leh a ni a, kan Memorandumah khan, amahoa buatsaih ngei a ni a, kha kha. Tichuan hetiang deficit kal chhoh zel avang hian 1990 kum khan Central Sorkarah Ministry hmasa khan khalai non-plan liabilities clear tur hian tun ang chiah tho hian kan zuk dil a. Central Sorkar chuanin Pu Mukherji-a Sorkar chu an rawn appoint a, chu chuanin 71 crore ah a rawn pe tawh nghe nghe a, 1990 ah khan, chumi hnuah 1992

ah deficit kha 30 crores a lo awm leh ta a. Tah khan khati laia Finance Minister Dr. Man Mohan Sigh Khan 'O' Budgeting a a chhuk thlak theihna turin advance-in 30 crores a rawn pe leh a. A zavai hian 101 crores hi Mizoram hian tiang ang a tam hian kan dawng tawh a ni.

Chuvangin thil hi uluk taka zir a, engemaw kan that theihna tur taka ngaihtuahna hmana thiltih a pawimawh a. Chuvangin hemi Peace Bonus kan han tih a pawh hi a hma lama kan sawi tawh ang khan kan lawm lo ni lo hian, kan that theihna tur law law, kan House Leader bawk ina a sawi thin ang hian 'O' Budgeting atanga min tanpui theihna tur 447 crores leh nuaih 16 te tal chu min rawn pe seng chuanin kan zain ka lawm ang a, heng Governor Address te pawh hi kan Vote tiang thei tur a ni a. Amaherawhchu, chutiang a nih laia a leh lamah kan tum tura mipui hnena phurrit nasa tak mai khami Memorandum of Understanding atanga kan koa rawn tla tur, chu pawh chu a monitor zel tur hian an ziaaknaah Peace Bonus Recommendation ziaaknaah pawh Ministry of Finance atangin an rawn monitor ang a, hemi State ina a tih tur ang a hi a tive nge ti lo tih hi enchian a ni ang. Chumia a dik chuanin heng hi pek tur an ni ang tih a ni a. Chuvang chuan kan dinhmun hi a tha lova. Finance Management tha lo avangin keini chuanin he Governor zahawm tak ina House a rawn Address na pawh hi kan vote pui thei dawn lo tih kha ka han hrilh che u a ni e. Ka lawm e.

*Speech not correct.

S P E A K E R : A, hei hun a tlai a, a tir khan member kan kim lova, Opposition Leader khan in sawi tur an awm tawh loh chuan ka sawi ang a.

A dang an la awm dawn erawh chuanin. A hnunungah ka sawi ange a ti a. An awm tawh lo tura kan lo ngaih avangin Chief Minister erawh chu thusawi zawng zawng khaikhawm tur a ni a. Hun a lo lak deuh pawhin ngun deuhin kan lo ngaihthlak a tha ang a. Tin, Member tin ten a kan thusawi kha a fiah thei ang berin, a kimchang thei ang berin han sawifiah sela, a tha awm e.

....107/-

PU ZORAMTHANGA
CHIEF MINISTER

: Pu Speaker, ka lawm e, member a sawitu kan fhahnemin kan sawi chhung a rei tham a. A point zawng zawng han cover ngawt chu anih kim seng lovanga. Amaherawhchu, a tlangpua han lak-khawmna tur leh, tunah chuan, demand siam a, a demand keng-tuin a tawp a Wind up-na kha anih chiah lova, Governor hnena lawm thu sawina motion kha a thu sawi hnuhnungah ka tang anih deuh avangin, demand tawp a khaikhawmna ang kha chu ni turah min lo ngaihsak loh ka beisei a.

A hmasa a ka'n sawi duh chu, Pu Speaker address-na leh kan member zahawm tak ten kan thu sawiah hian kan hriat theuh mahnise, 'Slip of tongue' sawi sual palh hi a awm thin a. Chuvangin, Nangmah rawn address vek hi min 'enforce' sak tulin ka hria a. 'In ti alawm' 'in ti alawm' inti tur kan ni lova. Chair address vek tur kan ni a. Tin, house in a kan hriat tawh mahnise, min remind leh tha in ka hria a. 'In' 'in' intih hi a thiang lova, Pu Speaker nangmah chauh rawn address a, midang kan sawina chu third person anga a kal hram hram kha House tihdan pangngai a ni tih kha min remind fo thain ka hria a ni.

A hmasain, Pu Speaker ka'n sawi duh chu Finance leh Budget thu ah kha a ni a. Kan Opposition Leader zahawm takin a an sawi kha, thil thui tak kha, a dikna lai a awm a. Kan sum ba leh kan sum phurrit rochun hi a turu em mai a, kum khata vawikhata han clear rual a ni lo reng a; khami ba nasa lutuk vawikhata han clear theih loh avanga, kei ka Finance Ministry kha dem tur kan nih chuan kang zawng zawng min rochun tirtu khan mawh an phurh zual ka ring a. Chuvangin, kum sawm chuang chhung lo tlingkhawm a kha chu vawikhatah ka clear thei mai bik lo a ni tih erawh chu kei pawn ka admit e.

Vaibelchhe zali chuang expenditure liability-ah pawh a awm a, loan lampang kha chu claim sawi lovah lam ila, loan chu loan lam a ni a. Chuvangin expenditure liability ringawt pawh kha a nasa lutuk a, hetah 5th pay-commission ang a hlawh pek tura Sawrkar hmasain order an lo siam tawh 1996 kum tir atanga hlawh pek tur a lo kal chhova. Hlawh bat tlingkhawm phei kha chu amah ringawt pawh kha Vaibelchhe zahnih chuang a ni a. Han in pe vek dawn ila tih ngaihna a awm hauh lova, kha phei kha chu khawih lovin a la awm ta rih a. Pu Speaker, a chhiarna thla leh a mihring azir a ni. Chuvangin anihna takah chuan kan han chhut chuan zahniha chuang phain kan hria a, kha kha (Pu Zakhu Hlychho : clarification 447. 16 crores-ah hian khami tuna sawi Sorkar hnathawh ho 1.1.96 atanga pek tura tih kha a tel a ni khami kha, khami tel lova sawi chuan a dik lo ang). Tel e, Pu Speaker, vawil leh khatah 200 crores chu kan pe mai thei lo a ni Pu Speaker, a tam em mai a. Chuvangin mi bat, an-ni pawhin a kum hnih chuang an lo bat tawh kha kan Sorkar thar veleha han ruih sak thut chu kan thei bik lo a ni, a dik e.

....108/-

Tin, hlawh kha chu a tam tak a kha ni hnih khatah Sorkar hnathawk a sing tel hlawh kha defference a awm avangin, kha laia kha chu roughly-in 200 crore bawr, leh lama hemi chrut chuan 200 crore a chuang a ni tih khami hisapa kha chu a kal a ni. Chuvangin chumi chu khami belhkhawm nen khan kan liability kha 400 crore chuang kan inherit a. Chutatang chuan pawisa kan hmuh Central atanga kan hmuh pangngai kha Sorkar hmasa ten an lo hmuh dan pangngai ang thova hmu siin. Tichuan, 1st May atanga hlawh pun loh theih loh dinhmun a ding ni a kan in hriat avangin fifth pay Commission anga hlawh tisangin, chu pawh thlakhatah a tlangpui thuin 10 crore sawm bawr vel 1000 lakhs a punna ringawt pawh ni tawh bawk tur nen. Tichuan, khami kan rulh tur engemaw zat han rulh bawk nen a source lo kalna kha la punna la awm hauh lo nen kan han kal chhova, chhuan tur kan nei hauh lo. Tun Financial Year lo kal hi chu hlawh kan la tluang kal thei hi thil mak niin kan hria a. Hlawh la thei a kan dam khawchhuak, hi thil lawmawm tak achievement ropui niah kei chuan ka ngai a. Chuvangin Union Finance Minister pawhin "I pawisa hmuh zawng zawng hi ka hriatpui che a, a ba i rochun pawh ka hriatpui che e. Tin, Central atanga kan pawisa pek che u pawh kan hriatpui che u a. Amaherawhchu, hlawh in la tluan thei a, bank in a an pekna tur che u payment stopping awm lova in kal tluan thei hi chu engtin nge maw in tih a mak ka ti khawp mai", min ti ve nghe nghe a. Theih pawpin tan kan la a keini pawh mak kan ti a ni kan ti ve hial reng a ni.

Chuvangin, chuti khawpa pawisa ba tam kan rochun chungin hlawh tuna kan pek, tun Financial Year chhung ami a tlangpui thuin Vaibelchhe za atanga a za leh sawm inkar ni ngein kan hria a, chumi pe vek bawk engemawzat rul bawk a Peace Bonus release a ni hman lova, Sorkar hmasa in a pawisa dawn ang pangngai kha engemaw whenah a pangngai reng, khami chin chiah dawng si a, hlawh la tluan a kan khawchhuak hi chu kan survive hi achievement ropuihan kan in ngaive a. Tin, Union Finance Minister pawhin hei hi man lawmpui ve na lai chu a ni reng a ni. Chuvangin helaiah kam Deficit Vaibelchhe 145 zet maiah kan tan chhova, tin, deficit tih pawh hi budgeting hi a kar khawp a, a chhut dan hi chi hrang a awm theih avangin sawi dan te pawh danglam danglam thei a ni a. Helai a hi chu budgeting hi a chhut dan a chi dang deuh hlek avangin kan sawi tel duh bawk a ni.

Amaherawhchu, tuna kan Peace Bonus hmuh ni a Plan Sector hi a lo chhuak tan tawh a, tin, a la rei lo lulai em mai a, an rawn puan a pawh kha January 22nd bawr ah an puang chauh a, thla khat tha awrh chauh an la puang hman a. Chungah chuan engtianga la chhuak hman tur pawh a la ni lo reng reng a, heti chung hian plan lampang Sectorah chuan crore tam fe chu a lo chhuak hman tawh nghe nghe a ni.

Tin, Peace Bonus kha kan han sawi a. Ni e, Peace Bonus hi a lawmawm khawp mai a, tun ang huna Financial problem lian lutuk, deficit lian lutuka neih laia keini tana Peace Bonus min han pe thei hi Pathian malsawmna kan dawn tak tak niin ka hria a; duhthusamah chuan Vaibelchhe 400 mai ni lo, chu aia tam hmu thei ila kan duh khawp mai a. Amaherawhchu, chutianga Upa in Fanghma no ei ang an tih ang a, a hma ami leh kan leiba zawng zawng min clear nana min pek sak ngawt kha chu Central Sorkar pawhin an thei bik lova, a theih ang tawng engemawchen hi min chhawk zangkhai nan min rawn pe a ni zawk a. Heti chung pawh hian tuna leiba kan infochun hi kan in clear zo seng chuang teh lova, chuvangin tunah pawh hian problem lian tak a ni a, mahse hei hian engemawchen chu hma la a kalpui theih turin min siam ang tih beiseina nen kan kal chho chauh a ni.

Tin, Peace Bonus-a Prime-Minister-in a rawn puanna ah pawh Non-plan-ah khan Vaibelchhe 180 a ni a, plan-ah khan kumtin Vaibelchhe 50, kum 5 chhung panga vawi 25 Vaibelchhe 250 leh 180 nena belh chuan 430 vel tuna Peace Bonus an tih mai pawh kha a ni hrim hrim a ni. 180 kha chu Non-plan ami chauh tur zawk a ni. 250 dang a kha hei ai hian kan plan siam thiam azirin a tam thei a ni. Peace Bonus dah aia tam zawk plan sector-ah khan a awm tel a a vaim 430 a ni zawk e.

Tin, hei kan inremna thuthlung atanga thil lo kal te kan University chungchangte pawh kha kan lo hria a a lawmawm hle mai. Sorkar hmasa lamahte pawh hmalak a ni a, amaherawhchu, a vanneihthlak tak achu keina sawrkarna kan chelh lainn hei hi a lo lang a. University Bill Rajya Sabha-in an passed zawh hnuah Lok Sabha-in an rawn passed ve ta a, chumai nilovin Prime-Minister-in heta January 22-a a rawn puan angin Vaibelchhe 25 chumi dinna atan chuan min pek nghal thu kha a puang a. A lo dawngsawngtu kan nih hian keimahni vang kan ti hauh lova mahse, vanneih chu kan vannei khawp a ni.

Tin, chumi rual chuan kan Peace Accord hi Central a Congress sorkar laia keini ramnuai MNF te nen kan signed a ni a. Kan inpuhtawna kha damchung lungin tan nen, hmuhna apianga kah hlum theih nen, kha kha sorkar laipui pawhin min rawn charge-na a ni a. Amaherawhchu, sorkar kha an tlawm hauh lova, keini pawh chutiingin Independence-ah khan kan thei bik lova. Anni pawh khati khawpa hmuhna apianga kah hlum tur leh Wanted a min dah kha, "Rambuai vanga nunna chan zawng zawng tan zangna dawm nan kan hmang ang. In leh lo kang zawng zawng pawh zangna dawmna kan pe vek ang. Tin, nangni ho zawng zawng pawh kan rehabilitate vek ang che u. Chuchang nilovin, Mizoram chu State-ah a chho ang a, special protection pawh in nei ang", ti khawpin an lo kal a; chuvang chuan khang laia Central Congress kha an tlawm ti ila a dik hauh lo, an tlawm reng reng lo keini pawh kan tlawm baw lo. Negotated settlement, kohhran zawng zawngte, kan political party te, he Social Organisation te beihna leh tawngtaina, an duhthusam angin dawhkanah inbiain inremna kan sign a ni e.

Keini pawh kan tlawm hauh lova, Congress Central sorkar khatih laia mi pawh kha an tlawm hauh lo, tih hi Mizoram mipui te duhdan leh tawngtaina Pathianin a chhang a, irenna negotiated settlement keimahni ve ve kan siam a ni tih kha kan sawi tel duh bawk a ni.

Chuloah Department hrang hrang ah khan sawi a tam a, hemi kan Governor thusawiah hian House lamah, Agriculture lamah, Horticulture ah Border Trade ah leh thil dang department tam tak-ah khan a rawn sawi teuh a. Khangah khan lawmna tura hmachhawp lo awmte hi i hre tlang teh ang u. Chuvangin, kan resolution ah pawh heng avang te hian lawmthu Governor thusawiah hian i sawi teh ang u, Resolution i pass ang u. Motion i pass ang u tih kha wawiin a kan thu khel anih avangin, heng pawh hi tlem azawng kan sawi den den ang a.

Pakhatna ah - Home lamah pawh, Law and Order-ah pawh tun hnaiah problem neuh neuh a awm a, pawl kan ti khawp mai a. Zoram mipuiin kan hria a, amaherawhchu, khangah te khan keini pawhin nasa taka kan inzir tur a awmna lai a awm a, Ram nun a lo complicate-a, mipui a sang sing tel karah chuan chhungkua pakhatatah pawh kan buai karah chuan buaina hi midanga awm lo ah pawh, nun a lo khirkhan chihah chuan findan leh thiam dan te a lo changkang a, thatna lama kan kal chak rualin sualna lamah pawh a lo kal chak ve zel a. Chuvangin, Bank fawkahte, khawh lai lai ah emaw, a lo awm thin a, nakinah pawh kan Ramah leh Ram dangah pawh kan la hriat ngai loh sualna khirkhan zawk te, chungte pawh a lo la chhuak zel ang tih ka ring a. Hei hi pawl kan ti em em a, chuvangin Sorkar lam pawhin theihtawp in beih kan tum a. Tupawh Sorkar ila, kan hriat ngai loh sualna emaw, Law and Order problem emaw ni pawh a awm pawh a la awm belh zel ang. Amaherawhchu, theihtawpin Sorkar hian tih kan tum a ni.

Chutih lai chuan he Central Sorkar pawhin kan hmalakna te rawn pulin hma min rawn lak sak a. Kan Police te Modernise (tihchangkana) turin Motor pawh 60 zet mai min rawn pe chho a, a lawmawm kan ti a. Chuchang nilovin, biakhlatna khawl Communication Set eng-emaw zat tha tak tak nen ralthuam pawh a tha chi engemawzat nen. Tin, kan Battallion tih punna tur kum 3 chhung atan kum tin nuai 500 I.R. Battallion tihpunna tur pawisa pawh min rawn sanction a, chu chu Prime Minister in a puan kha a ni a. A lawmawm kan ti tak zet a, kan Governor thusawi ah te pawh khan a lang bawk a.

Chuchauhchu nilovin, kan Home Guard hlawhte pawh 1500 atangin 3000 zetah a pung chho a a lawmawm tak takin ka hria a.

Tin, Agriculture lamah pawh Governorin a rawn sawi ang khan minor Irrigation project, kan tui lak hmun tam takah hian in hmu ang a: chungah chuan a awm teuh mai a. Kan tui lak hi chi hrang hrangin, Cham-phaiah teleh hmun dangah Pu Speaker kan tui kawng hi Cement

a zut a Irrigation system leh chi dang danga kalpui mek an ni a. Irrigation Project-a tih tawh a ni a, kumin hian 20 dang a lo chhuak a, kumin hian kan ti hman dawn bawk a ni.

Chuchauhchu nilovin, Alu chi te pawh harsa chungin kan ngaihtuah a tunah hian Quintal 4000 chuang zet kan sem a, chu chu Silchar lam atang a kan lak chhoh lo do let turin hma kan la a. Kan duh thusam phei chuan kan la zo hauh lova, mahse, thui tak mip chhawk a, kan mipuite pawh an lawm tak takin kan hria. Chu chu hma kan lak chhoh tum zelna lai a ni a.

Tin, chutihlai chuan kan Horticulture lamah te pawh a bul kan tan chauh avangin nichinah a tlangpuite pawh kan sawi a. Amaherawhchu, kan Sapthei chin danah te pawh tam takah mahni duhthu leh kalpui danin tlem tlem a lo pun lun zel a 'Loan an ti dawn' tiin a loan lampang a Volume a lo len deuh avangin. Helamah chuan a rem rih lo tih pawh khan mahni hmalak lak an lo la hlawn a. Kan in hrih zel a, heng chinah chuan a tha tha hauh loh a ni a, a buaithlak ang kan ti a. Tunah chuan a tam thei ang ber khatianga chin theihna hmunah leh kan lakkhawm theihna ah chuan ching turin kan inti a. A taka lo lang turah kha chuan a chi pawh tunah kan ngaihtuah dawn nilovin, kuitiah sa kha a awm vek a, a mamawhte hnenah kan pe zawk dawn a ni.

Tin, chutiang bawkin a pawimawh berah chuan Rain Water Harvest Scheme te pawh kan tih liam thia a hi dahkhawma chi hrang hrang kan ngaihtuah a. A chhan chu India pawhina an la neih loh, han zawn pawh a anni pawhin engemaw tha ber dawn an tih pawh kha Mizoram kan mamawh a ni a. Concrete a tih vek dawnin a man a to in a buaithlak a, Sintex Company kan dawrin an neih a man a to lutuk si a. Chuvangin, Polythine chi khat chumi man tlawm si chuan kan tia. Chutihlai chuan a tha chi kan han dap ange an ti a, chutikhawp chuan Mizoram hian Rain Water Harvesting-ah hi chuan a siamtu Company pawh kan hmuchhuak i ti mai ang. Thil thar hmuhchhuah a tul zia anni pawhin an hmu a. Sintex Company pawhin a man tlawm chi theih tawpa siam kan lo tum ange an ti zawk a ni. Hetiang hian hma pawh kan lo nasa khawp mai.

Tin, Border Trade chungchang thuahte pawh khan Chief Minister zu kalin foreign ministry hriatpui lova, vawikhat zinnaa Memorandum of Understanding zu signed pai mai chi a ni hauh lova, Sorkar leh Sorkar level-ah chuan. Hetah Foreign Ministry Trade and Commerce ah an kalpui hunsh sign tura ni a. Keini vawi khat zina hmawr zu hawna in a Government level a zu sign ngawt theih a ni lova. Foreign thil khawihthu hi State kan nih loh avangin a zu turchhuah hi kan tih theih tawk a ni. Amaherawhchu, kan Chamber of Commerce ve ve te chuan "Chamber of Commerce levelah hetiang hian hma i la ho ang u aw" thina erawh kha chu a thianga. Chu chu tih pawh an rawn ti a ni a. Kha kha nep pawh a nep hauh lova, hma chhawpna ropui tak a ni a. Alawm pawh kan lawmpui tak tak a ni.

Sorkar pawh hi a theih chin chinah puih pawh kan tum a. Hetiang avang hian Central Sorkar leh Bangladesh Sorkar pawh an in dawr reng a ni. Chak leh zual in hma ila ang aw tiin tunah hian an in dawr a. Hemi atan hian Prime Ministe in a rawn ziahah pawh hian Power Committee siam a ni ang a, Inter-Ministerial Task Force ten Border Trade siam a ni thua ang a, hei hi thla 12 chhungin kan zo ang an rawn ti nghe nghe a. Chumi atan chuan Morch, Manipur amite, Zokhaw thar Mizoram amite, Dawki te, Sletarkandi Assam amite, chung te develop-na atan chuan kum 2 chhung atan crore 20 zuk chawh-rual chuan, khaw pakhat zel atan crore 5 chutiang zel, chu sanction a ni a. Keini pawh Zokhaw thar Tiau kama mi Champhai chhak ami khi develop-na atan Prime-Minister pawhin hemi Border Trade point ah hian nuai 500 Vaibelchhe 5 a rawn dan nghe nghe a.

Chumi atan hma an lak tum thu te pawh a rawn ti a, tunah kuan an information ah pawh kan ram aiawh ve ve te pawhin kan um khar khar e tiin, Burma nen pawh tan an la nasa a. Tun hnai lawk ah pawh Shillong-ah Christmas hnu lawkah kan hriat theih angin Burma atanga an General pawimawh, Burma Ambassador te nen lo kalin, inhmukhawmna lian an nei a, a top ber berten khami kha sawihoin hma an la a. Tunah phei chuan anmahni lamah pawh India Sorkar an rawn nawr ve thung a. Tiau atanga Kalimyaw lampang side kawng hi min sialsak ve rawh u tiin leh, Kolodyne phei chu an hmanhmawh em em mai a. "Hei hi ti thuai thua ang u" tiin Burma Sorkar pawhin an rawn ti a. An tum chakzia hriat nan Indian Ambassador-in Burma a an Home Ministry hnenah Mizoram Champhai kua atanga rukru thila an um a han kal lo mai pawh theih tawp kan va um ang aw, convict anih pawhin a chhuah hma theih dan kan rawn ngaihtuah dawn, rawn ngaihtuah suh u tiin an rawn hrilh a. Burma pawhin, good gesture, an that zia rawn lantirin, Rangoon a India Ambassador pawh an rawn hrilh a. Chu chu Ambassador-in hetah kan Chief Secretary lehka a rawn thawn yang yang a. Khati khawp khan Burma pawh an inhawng thar a. Hemi Border Trade ah pawh hian hma an rawn la thar hle a. Kawnglehlamahchuan, chhim lam Kolodyne luipui dung siam naah chuan a mi nawrtu zawkah an tang nghe nghe a. Chu chu India Sorkar hnenah "Hei hi hmanhmawh rawh u" tiin keini pawhin nasa takin kan zuk nawr nghe nghe a ni.

Tin, chu chauh chu nilovin, Border Trade siam nan hian Vaibelchhe 5 bakah nuai 200 an rawn sanction tawh a ni. Khilai tan khian lawmawm em em a chu kan Sawthing Rate te pawh a lo sang chho a, a hma khan MAMCO kaltlangin nuai 300 chuang zetin Sawthing leina tur kha Sorkar hmasah NLUP Fund kha hman turin lo pek a ni a. Nuai 300 chuang khan an han lei ta a, an han hralh lehna kha chu a zat chiah ka hre lova, nuai 40 tling lo deuhin ka hria a. Chu lai lawr vel chu nuai 360 atang khan nuai 400 tling lo deuh kha an hmuchhuak a ni si a. Nuai 300 zet mai engtiangin nge an tih tih kha chuan khawiah nge a kal tih chuan, a tawihah a kal ber a ni ang chu. Realize leh kha a awm a, tihngaihna a awm si lova. MAMCO atangin nuai 300 vel kha rul rawh u va ti ila, tihngaihna a awm tawh si lova. Tian kan keng a kan

lek pui reng ringawt mai a, khatiang kha Sawhthing Sorkar hmasaa lo kal tawh chung a tuna Kg-1 Rs 10/- chuang a 20 hnai thuaka hralh theiha hannawmte hi Pathian malsawmna kan dawn a ni a. Sorkar hruaitute an felin an tha em a ni kan ti hauh lo. Pathian malsawmna dawngtua kan chang erawh hi chu a lawmawm a ni.

Tin, PWD ah National Highway pahnih tunah Tipaimukh kawng lam chhun leh Mamit leh Manu chhun turin project an rawn siam a. An tan mup mup a. Assam Rifles pawh hun rei tak khatia kal tawh kha kan beih yang a ni kan ti hauh lova, kan hunlain a taka hna tan theih turin a rawn intan leh that hi a lawmawm a. Tunah Bulldozer in a panna kawng a lai a, kumin chhungin Acre 75 hei chu in hmang nghal thei ang an ti saw Secretariat inte, Governor in hmun turte, chung chu nawr zawla tan nghal turin hma kan la a, stage khatnaah a kal mek ani.

Pu Speaker, Assam Rifle hmalak anih tak hi lawmawm kan ti a, Zokhawsangah pawh a taka an chhuahna tur in kha sak anih phawt loh chuanin an pawng chhuah ngawt thei bik lova, chumi in chu sa turin tunah hian project an siam mek a. Chutah chuan an consultant, an architect ni turin hemi Assam Rifle hmun min duangsaktu Prof. Sorah Dus a bawh hi kan awm lain Delhi a an awm lain umzuin thawk ta mai che tiin an rawn offer nghe nghe a. "Lo pawm vat rawh a pahnihin i thawk kawp anga an kal chak thei ang" kan ti a. 'Hei hi hma ka lo la ve ang' chu chu kan inhmuhna kan thuh hnuhnung pawh a ni nghe nghe a ni. Chutiang chuan chi hrang hrang lawmna tur kan ngah a, hemi information technology atana pawisa min rawn sanction tur ringawt pawh hi, tun Prime-Minister package atang hianin a tam tham a, hetah hian crore 100 zet North-East lam tan rawn sanction a ni nghe nghe a.

Tin, chu chauh chu nilovin, hei Horticulture lamah te pawh hma kan lak theih nan crore 262 chuang zet sanction a ni a, heng te hi a tihtham khawp mai a. Hemi thua kan sawi duha chu pawisa a tam kan tih leh a tam lo kan tihna hi chihnihin a awm a. Non-Plan a fatu hluiah chuan a tam lutk, hei hi titlem rawh u tiin Central in min nawr nasa. Hei Plan Sector hluiah erawh chuan pawisa a tama scheme rawn siam thuai thuai rawh u tiin min nawr ve thung a. Tunah hian a nihna takah chuan 22 January hi Prime-Minister ina min rawn pek hi a dawnthleng tur rawn la thuai thuai rawh u a ti a. Chumi tur chuan Department kan intur a, hei kumin ami phei chu engmah kan ti hman miah loh a. January 22-a puang chauh a ni a, crore 500 chu tu State mahin a dawnthleng kan siam hman lo reng reng. Chuvangin kum lo awm tur atan PWD in a dawnthleng siam char char ru, hei min suah tur Prime-Minister in heti zat hi min pe si a, Horticulture-in PWD in a dawnthleng siam ru, kan quota tura ngaih chin pawh kan dawng zo pha dawn love tiin.

He pawisa hi chu a plan sector-ah a tam a, ngai reng mah ula North-East hian a pawisa hi chu kan hngang zo hman miah lo ang. Chuti khawp chuan a tam a ni reng a, amaherawhchu, a plan sector-ah chuan Motor leina leh thil dang lei erawh hi chu theih tawpin hrek rep kan tum a. Tin, fatu hluiah khan, a fatu chuan ei tawk pangngai a tam lutuk nilo se tih Central Sorkarin min rawna pawh, hei hi a taka kal pui kan tum a, chuvang chuan pawisa a tam tichung hian, lehlam Non-plan Sector-ah chuan tih tlem tumin India ram pumpuia an beihna ang bawkin; Mizoram pawhin kan bei a. Hetah hi chuan pawisa a awm lo in ren tur kan ti reng a, leh lamah chuankan hman sen loh a awm ani tih chu he Prime -Minister-ina a package rawn pek-ah hi chuan a awm a. MLA zawng zawng chuan kan hmu vek a ni. Department-in a scheme an rawn zo tak tak hlei thei lova, kan in tum mek zawk a ni.

Tin, water supply scheme-te Vaibelchhe 20 tun hnai a, Aizawlin a kan tui supply a rawn pun leh zual theih nan phase II pawisa pawh rawn release a ni a. Kan chaw siamna tur atanah crore tel, pawisa eng-emaw zat rawn release a ni bawk a, tin, kan power project-ah pawh kan kal chho mek zel a, Tin, kan power project-ah hi chuan nichina "Engati nge State dangin pawisa an hmuh teuhva, keinin kan hmuh loh?" tih kha a dik chiah e. Hydel Power Vaibelchhe za tel, a sang bi siam tur chuan a kum bi detailed project report, Techno-economics clearance-te, tin, environmental clearance te, buatsaih a ngai a, chumi tel lo chuan a dawn thleng a la tim lova. Sikkim a ni emaw, Arunachal a ni emaw, Manipur a ni emaw, Hydel project atana pawisa a nuai za tel an hmuhna hi hun pei tak a kum tel an lo project- a heng an clear tawh avanga, dawng thei, a dawn thleng pek theih, dawn thleng zuk ruah theih an ni tih kha kan hriat ka duh a.

Pu Speaker, power demand kan sawi hunah kan opposition leader zahawm tak khan tun hma kum nga chung zet sawrkarna an siam chung leh sawrkarna kan siam dun chung khan power kha a kuta awm a ni a, kum khat zet. Tichuan December thla chhovah chuan sawrkarna kha kan han inthen ta a, December thla ah chuan hnathawhna hun awm lovin, Kut nen tikhan a kal chhova, kan Millenium nen. January ni 16, 17 bawr vel khan hna a in tan hman chiah a, tichuan January ni 22 ah Prime Minister in a rawn puang a ni si a, khami kar khat chung kha chuan ka lehlam hman bik ngang lo a ni. Chuvangin, khalaia kha chu engatinge i tih hman loh a nih pawhin kum khat chung a tih hman loh kha chu kar khat chung kha chuan ka hman bik lo a ni ka ti a ni. Chu chu a chhan a ni e.

Tin, chulovah chuan a tlangpui thu a kan sawi duh chu,.....

PU LALHMINGTHANGA

Pu Speaker, kan Speaker zahawm tak khan min lo hrethiam sela, kum khat chung a tih hman loh kar khat, thlakhat chung a tih tur khan ka phut hauh lova, ka phut zawk hi hu khang project-te kha clearance leh.....

PU ZORAMTHANGA
CHIEF MINISTER

Pu Speaker, tun kuma hman
leh hman loh chu thu hran
nise, hun kha a awmin a awm
lo hrim hrim a, kar khat

vel a tla a, Prime-Minister pawh zuk hmuhna hman a awm
tawh lo reng reng a ni. Kan working period-ah chuan,
ni e, khami karah kha chuan engmah ka ti hman bik lo a
ni tih kha ka chhanna a ni.

Tip, a tawpna atan ka sawi
duh chu Pu Speaker, kum khat chhunga kan kal tawhnaah
hian eng development nge i kal pui tih te, eng eng emaw
sawi tur chu a awm teuh ang. Kan Minister zahawm tak
Kolasib bialtuin a sawi ang khan, Agriculture lamah
te pawh Kolasib leh a thlang lamah te pawh Bulldozer in
kan nawr a, a nawr ve duai tawh a, Champai lamah te
pawh kan bei nasa a beih zel pawh kan tum a. Dozer lei tam
chi zawng chuan kal lovin Privatization-in a in hlawh-
fakna tur sum leh pai kan dah a, mimal dozer-a nawr tir
kha a hlawk zawk avangin chulama kal kan duh a, a nawr
chho mup mup zel a. Mahse, khati khawpa sum leh pai ba
rochung bawk, khami buaipui nen ways and means advance
main an nung a ni tih kha a dik lutuk, khami piah lam-
ah khan kan ba hi a la tam a ni. Kan dam khawchhuak ti mai
ila, hetia hlawh inpe a kan kal chho hi a mak reng a ni,
chuvangin Special Ways & Means advance pawh kan ba reng
a ni. Bat loh chi a ni lo, chutilochuan khawi ami nge
kan lak ang? Van ami lo tla a awm bik silova, a management
erawh chu theihtawpin kan ren a, kan kal ta a, kan kal
thei tawh a ni. Tunah erawh chuan kan Peace Bonus
te, Pathian zara kan dawn te a rawn in release tan a,
hemi atang hi chuan kan ziaawm chho ve zel ang chu tih
kha kan beiseina a ni. Chutiang kara kan kal chhohnaah
tih that te kan nei ve anih chuan, kan tih that neih
ve awm chhuna ka ngaih chauh zawk a chu.. kan mipuite
pawh beidawna ruamah engemawchen an thu tawh a, heti
hian sawkarin kan ti dawn chumi rate a tha dawn pawh
ti ila ani tak tak lovang tih beidawna ruamah an thu
tawh a. Heti hian pawisa nen kan tang ang ti mahila inti
tak tak meuh lovang tih beidawna ruam a thu tawh te kha
tunah chuan duh thusam la ni lo mahse, beiseina neilin
mipui hi awm in kan hre tawh a, chu beiseina tlangah chuan
engemaw chen chu kan lawn chho tawh in kan hria a. Khami
a kal tur khan kan in activate in kan in tur thei tan in
kanhria a chu chu kan thil tih ah hian a lawm awm ber lai
pakhat niin kan hria ani.

Chuvangin tunah pawh hian
engemaw hmangin kan ti alawm tih te hi Sorkar lam chuan ti
ila chu kan sawi zung zung thei ang a, amaherawhchu, a
dik leh dik lo rawn tur chuan reife mipui chuan a dik lo
pawh sawi ila an hre tawh miah lo ang a, kha ringawi kha
chu a har miah lo anga, Amaherawhchu, kan mipui ten min
judge na tura chu kei ni kan in sawi thiam na emaw tu ten
a min puhna emaw ni lovin kan hna thawhah mipuiin ro min
rel sak ang a, chuvangin kan MPC unau te pawh kum kha leh
chen an sorkar a, kan Congress unau te pawh kum khati zet

an sorkara, keini pawh kan han sorkara, an judgement-a chu inpuhtawna party-ah politic-ah chuan in ti tha lo kan ti tha tih tur tam tak a awm ang, ngaihdan azir a ni e. Amaherawhchu, khami kan period-a thil tih a kha mipuiin an hmu vek mai a chuta tang chuan mipuiin an duh leh keng reng tlak an ni e min ti ang a, an duh leh leh keng tlak an ni tawh lo min ti ang a, chu bera chu mipui in judgement pawh an siamna tur ni a kan rin avangin theih tawpin a taka thawk chhuak turin kal kan tum a, chuvangin tunah hian he kan Governor-in address a rawn siamah pawh hian a hmawr kan hawng dek dek chauh a ni e. Tunah chuan chhuan tham lutuk pawh kan la ti hman hauh lo. Amaherawhchu, beisei tur erawh chuan kawng chi hrang hrang a hmawr chu kan inching chhuak chho niin kan hria a. Chuvangin he resolution hi min pass pui a kan Governor-in a hmachhawp-na lawm thu a rawn ti hi lawm thu min sawipui turin kan ngen a ni e, ka lawm e.

* Speech not corrected

PU DR. LALZAMA

Pu Speaker, ka lawm e. Kan ngaithia a, kan han sawi ta viaw a chhiar pawh kan chhiar tawhin ka ring a. Thil reng reng hi famkim lohna khawvelah kan awm a, kan Lalpa Isua pawh kha sawiseltu an awm zel a nih kha. Engpawhnisela, tuna kan sorkar ina hma a laknate a lak tawhnate leh Mizoram tan ngeia kawng hrang hrang a hmasawna tur hetia ruah-hmanna a lo awm ut mai hi tumahin han saisel tur a niin ka ring lova. Kan opposition member zahawm tak tak te pawhin an duhna lai an sawi be ni maiah ka ngai a. Chuvangin an rilru tak pawhin tha an ti em em niin a lang a. Engpawhnise, education lamah te, PHE lamah te, tin, kan ram intodelhna tura hmalaknate kan hmu a, chuvangin a chipchiara sawi a tul tawhin ka ring lova, a lawmawm e tia kan han ngaihtuah tlan theih mai ka ring tawh a. Chuvangin kan Governor address-a ka motion of thanks hi min pass pui vek turin ka ngen che u a ni e. Ka lawm e.

SPEAKER

Awle, motion of thanks hi kan thlawr vek thei mai em? Vote lak ngai lovin.

PU LAL HMINGTHANGA

Pu Speaker, sawi tawh ang khan kan Governor hi a zahawm em em lain, keini lam thlir danah chuan kan Governor address hian kan sorkar kal lai mek performance a keng a ni a. Chuvangin Vote min lak tir la kan duh a, voice vote ni ngawt lovin, a thawm ringawt atang chuan i tan pawh hriat a har a.

SPEAKER

Kan tih dan pangngaiin Voice
Vote in kan ti ang a, chuta a
chiang lo a nih chuan, ban ge
pawh kan phar mai a ni ang chu.

A nih leh hei kan Governor Address chu kan ngaithla a,
member thahnem takin kan sawi a, tha takin kan in ngaih-
thlak sak a, a lawmawm hle a ni. Tunah erawh chuan a tawp
khar kan lo ngai ta a, Vote kan lo ang a, a hmasain Voice
Vote kan la anga, he Governor Address thlawptu apiangin
'Thlawp' kan ti ang a, a thlawp lo chuan, 'Thlawp lo' kan
ti ang a.

A hmasain a thlawp lam kan ko
hmasa ang a, Motion of Governor Address hi a thlawp apiang-
in 'Thlawp' tiru le. A thlawp lo apiangin 'Thlawp lo' tiru
le. Ahar hle mai a. Anih ban pharin kan bei leh mai ang
chu. Anih leh a thlawp lam khan ban han phar ru le,
Secretary ten chhiar ula. Engzatin nge ban phar, 20 maw
thlawp lo lamin ban han phar ve teh u le. Athlawp lo lam-
ah 18 in an phar a. Governor Address Motion chu he House
hian a thlawp a nih chu.

Wawlin Session chu kan tin
tawh ang a. Thawhlejni 10:30 AM- ah kan tan leh ang.

Meeting adjourned.

6 : 40 PM

....118/-

.....